


INSHITA YA KULOBOLOLA

 Natotela, Munyina Williams. Mwashibukeni, ba cibusa. Shena ninsambu ishisuma ishakuba pano muno lucelo. Kabili nokukwata icakulangisha icaba ngeci, cena cicili cilenenga ine ukuba uwacepa. Kabili Ndi...nali uwatotela nganshi pali ino nshita iyakwisa kuno, muno lucelo, ku Phoenix.

² Ndeibukisha lintu Naishile ku Phoenix inshita yakubalilapo, Nali kwati nemyaka ikumi na cine konse konse iya kufyalwa. Yena icine cine naikula ukufuma pali ilya inshita. Ukwisa kuno muno lucelo uko twishile kuno ku Phoenix, ifwe kuti twafilwa nokulanda ilyo twafumine ku Tucson nokufika ku Phoenix. Cena caliba mupepi nokwikatana pamo, incende ishingishalima. Incende isho twaleyako kuno nangu ukulaensha bapunda banono mu ciswebebe, kabili nomba mwaba amayanda yabeni namatuka ayakwata fyonse, nefyaba ngefyo. Kabili, ifyo, filenga ine ukumfwa ukukula.

³ Kabili lintu Naikalako panshi pano kulubali lwakwa munyina umusuma pano, Munyina Valdez, kabili Na—Nacitila, “Ukuba, munyina . . .” Twacilalanda, kabili Nacitila, “Ukuba, nifyo fine, Ndeya ndekula.” Nacitila, “Ninjiluka ukutula, imyaka yandi ileya ilefulilako.” Nacitila, “Lolela mpaka ukafike pa mushinku wandi,” nangu icintu cimo icaba ngeco. Naci—Nacisunguka pakwishiba ukutula ali imyaka ikumi na ibili ukukulapo pali ine. Eico, Ine, Nacumfwa bwino apakalamba. Nacitila, “Munyina Valdez, Ndefwaya iwe . . . Nipanshita nshi washimikila i Mbila nsuma?”

Acitila, “Imyaka amakumi yasano.”

⁴ Ukuba, Nali umwana umunono lintu aleshimikila. Eico Nacitila, “Cawama iwe wabula ukulongana muno lucelo, Munyina Valdez.” Nacitila, “Ine—Ine ndi mulumendo umunono,” Nacitila, “Nshifwaya icakutula naikala pano nokufwaya ukushimikila,” Nacitila, “ku bakalamba bandi.”

⁵ Kabili acisekafye, acitila, “Bushe uletontonkanya ico Naenseshe ukwisa pano cinshi?”

⁶ Eico Ndi uwatotela pali Munyina Valdez. Acilanjeba pakukwata ing’anda yakutushamo kuno. Ico—ico icine cine cisuma. Ndetotela ico. Banjitile ukwisa batandalila panshita imo. Kabili nikuno kwine ukukonka New River. Nshishibe nga cakutula uuli onse pali imwe naishiba apo yabela, nangu iyo. Ndi uwashininkisha, nga cakutula uwamuli ba Valdez aletungilila ico, cena ninshi nacilungama.

⁷ Eico nomba, inshita yonse ilyo Naisa kumusonkano, ilingi line Ndakumanya umuntu umo uyo—uyo uwaundepwe

mukulongana nangu icintu cimo. Kabili lintu Naciminina pano pe tebulo muno lucelo, nkashi umusuma uwikele pano, uwe shina Iya Erb, naisa kuno ukufuma ku Michigan. Umwana wakwe ni kabilisha kuno pa cilimba cabena Kristu. Kabili alenjeba palwa kuba mukulongana kunuma kulya mu Flint, ku Michigan. Akwete icitupa cakupepelwa, kabili aleesha ukupepelwako, kabili alifililwe. Kabili nalwalisha nganshi. Kabili pano pene muno lucelo, Nincetekela Lesa naundapa umwanakashi, uwiminine pano pene kulubali Iwa ncende.

⁸ Nacitila, “We nshita we nomba! Ico cali nipa myaka ikumi naibili, ikumi naine iyapitapo, kabili nomba mu musumba uwitwa Phoenix, Phoenix cintu cimo ico icakulwa—icakulwa ukufuma kufyatobawilwe.” Nacitila, “Ukuba, ico ecintu cimo cine icacicitika kuli iwe muno lucelo. Lesa acikukula, Nincetekela, muno lucelo, ukufuma ku—ku bumi ubwaonaika ukuya ku bumi ubusuma.”

⁹ Naleumfwafye mu cungulo bushiku icapitileko, balamya baleisa, abengi nganshi. Ndi mwina mupalamano wenu nomba, Njikala ku Tucson kabili balamya bali abengi nganshi Nafililwe ukufuma ukwasuka bonse, eico Nabapepelekye pali lamya. Kabili bena, nomba, bashilefye ama nambala yabo.

¹⁰ Kabili kwali namayo, uwa myaka amakumi cine konse konse na cine lubali iya kufyalwa, umwina Kristu umukalamba, ali uwafulungana panshita. Aleenda pa musebo, alebikisha, nokulaita bakapokola, ukutila umuntu umu nasenda umwana wakwe. Imyaka ya kufyalwa amakumi cine konse konse na cine lubali, mwamona, amano yakwe tayali bwino. Kabili ali mutemwikwa umwanakashi umukalamba. Nshatalile mwishiba mu mweo wandi. Kabili eico Billy atumine lamya, nokutila, “Kabiye nombaline mukupepa,” atile, “namayo nalwalisha, kabili baletontokanya ukutila alefwa.” Atile, “Alifye... nafuma mu buntu palwakwe.”

¹¹ Nomba Nabikile icakwasukilako, kabili naingile mu muputule nokupepa. Munshita iinono, alilele. Aishilebuka, umutuntulu, alile icakulya ca nshita ya bushiku conse bwino bwino, na ice cream nembukumya matobo, ukulundapo. Ee.

¹² Mwamona, Lesa aliba uwaikwatila amaka. Wacine icine cine, kuti Acita... Taufwile wabapo palya; iwefye—iwefye ufwile waipusha ici.

¹³ Ndecetekela intungulushi yesu pano, muno lucelo, nangu umuntu umu, nangu limbi caciba ni Munyina Valdez mwipepo lyakwe, acitila, “Tatukwata pantu tatwipusha. Tatwipusha pantu tatucetekela.”

¹⁴ Ndetotela pakwimba kwa aba abantu abaice pano. Munyina Valdez, ifwe fwebantw bakalamba, twaciba tulelandapo pali bucishinka bwaulya umwaice uwacilapela ubunte, ukutila alimwishibe Yesu.

15 Nomba natwishiba ukutila tulesanga, imiku iingi, utu utumabumba utunono utwabemba bane kabili balemba, Ine...ili lishiwi lyakwa kapyunga limbi, Munyina Valdez uwacitila, “Inshita shimo besa abanono nangu ikumi nababili.” Pantu, bamoneka kwati, ileelo, cena—cena cileba cakulangisha mucifulo ca—ca mushilo na bucishinka ubo ba pentecosti panshita imo balangishe.

16 Kabili bucishinka bwa aba abalumendo, Nde—Ndetotela pali ico. Shikulu Amipale imwe mwebalumendo. Kabili Naciba...

17 Nshilelanda apakalamba pacitunshi tunshi. Nga fintu mwaishiba, Ine icine cine nshiifwaya. Kabili Ndesonkela incende mulya mu Tucson mpaka incende yesu ikapangwe bwino, umo emo tuli nokwikala nga caba ubufwayo bwakwa Shikulu. Kabili ulya namayo uusonkesha ing’anda mwina Kristu cibusa umusuma, lelo alikwata i—i—icitunshi tunshi mu ng’anda. Ukuba, Nalikwata abana abaice, kabili mwalishiba ifyo baba, eico balangufyanya ukuya kuli cena. Eico, mulucelo ulwingi ulwapitapo, lintu Naisa ukufuma pabulendo pamo na Munyina Stromei...Nshishibe nga cakutila Munyina Stromei ali pano muno lucelo, nangu iyo, ekateka wa chapitala yamu Tucson. Umwana wandi umwanakashi umwaice, ulya uwikele palya kunuma, alinjtile ukuya mona, atile, “Twalaisula icitunshi tunshi, bamo bemba mu mabumba bane,” nangu conse ico cingaba.

18 Ukuba, nomba, Ndi kasusha umusuma, kabili Ine—Ine munjeleleko pali ico, lelo Ine—Ine—Ine tekuti imbe icintu icishili nangu cimo lelo nifintufye Napangwa. Nga cakutila Nacita icintu cimo icapusanako kufyo naba, ninshi Ndaba myalu myalu. Kabili tekuti Mfwaye ukuba ico kuli imwe mwe bantu. Ine—Ine ndefwaya ukuba ifyo Nabafye, kabili nomba mwalishiba ico twaimininapo. Kabili Ine—Ine ndetontonkanya Ndasusha ukucishapo panono.

19 Lelo Ine fye nakwete ico mu mutima wandi ukususha ico, pantu cena camonekefye kuli ine kwati ni Hollywood umo uulipo, fyakutwalililapofye ifingi. Cena tacamoneke kwati nibu mushilo ifyo cifwile caba. Kabili baleimba ilya nshita shilya—shilya inyimbo ishakuya kuntanishi nokubwelela kunuma, nabafwala nendyato sha golide. Kabili bushe caba ukuba ukutila i Mbila nsuma cakuilangisha? Mulandu nshi, Ine, nga cakutila ifyo efyo cili, Ine—Ine teti mfwaye nangu cimo icakucita neco. Ine mfwaya icintu cimo icacine kabili icituntulu, kabili ifwe tufwile twacisunga ico muli iyo nshila.

20 Nomba, Ine—Ine nincetekela ifi ifyakucinja kuli aba babili pano pene, aba bwananyina. Ukutila, imwe mulengumfwa bwino nomba?

²¹ Nomba, pa Cibelushi icikakonkapo mulucelo, Shikulu nga afwaya, Ninkwata insambu ishikalamba ishikulanda pali chapitala, umuku wakubalilapo wandi, ku Flagstaff, ku Arizona. Munyina apa, Nindabafye ishina lyakwe, ekateka. [Munyina atila, “Chester Earl.”—Kale.] Chester Earl, Munyima Chester Earl. Nacikwatafye inshita iya kumukumanya muno lucelo, lintu Nacilaposhanya mu maboko pamo naba kasabankanya ba mbila nsuma abasuma pano ukufuma ku India, ni nimunyina uwaku India. Kabili acitila mulucelo pa Cibelushi icikakonkapo Nkaya shimikila kulya. Imwe bonse namwitwa mucisuma ukwisa kuli uku ukulongana. Natusubila ukutila Shikulu ali nokutupala ifwe bonse.

²² Kabili nomba pali Cimo ubushiku ubukakonkapo, ku Tucson, kukaba amalila. Shikulu nampela umucinshi uwakushimikila ku...pali cilya icakulya kulya, pabushiku bwalenga amakumi yabili na bumo bwa—bwa Mupundu milimo, ku Tucson. Imwe icine cine namwitwa mu busuma ukuba kuli cilya icakulya camu nshita ya bushiku.

²³ Kabili nomba nga fintu Munyina Williams acibilisha ukutila Nkabwela kuno nakabili, pamusango wacakulangisha icinono icili icikankala ilyo umusonkano taulatampa.

²⁴ Kabili, eico, bushe Ine ninkwata fimo ifishilebomba uko, Munyina Williams? Kuli...Walanda cinshi? Bushe ico calungama nomba? Ico caba bwino. Cawama.

²⁵ Ine mucine ndesubila ukutila mwebengi kuti mwasangako inshita imo, nangu cila nshita yabushiku nakasuba, iya kulongana. Ukutila, uko kukatendeka pabushiku bwalenga ikumi na cinelubali, pa Mulungu mucungulo? [Umo atila, “Wanu sate.”—Kale.] Wanu sate. Wanu sate, icungulo akasuba pa Mulungu. Ndefwaya ukulanda pamo, nga cakutila Shikulu asuminisha, Nkalapepela abalwele mu—mu—muli kulya ukulongana, kabili nokucita conse ico Ningacita ku kumwafwilisha.

²⁶ Kabili bamunyina bakapyunga kuno, muno lucelo, aba ku Phoenix. Umulandu Njishile kuno kuli ici cikulwa, Ine...Cila nshita Njisa, ilingi line Ndapanga akanono akakumwenapo, no kubutukila kumachalichi, cila chalichi. Nomba Ndacisanga ukuba icakosa, pantu yamo amachalichi yanono. Kabili ifwe mucine tatulefwaya ukusha munyina nangu umo pantu chalichi cakwe cinono, kabili nomba cicilenga ukuba icakosa, abantu tekuti bengilemo. Eico nga...Natontonkenye ati twakumanafye mucifulo cimo kabili kuti Namona pali ico nemwine, kabili ifwe kuti twakumana fye kuno nokukwata ukulongana, ukulongana fye ukunono ukwakubila imbila nsuma, nokupepela abalwele nefintu. Ilyo...

²⁷ Nalimo nga Naya kuli ici cimbi, ici ciliko bwino kuno lubali? [Umo muntu atila, “Iyo, ici eca tepu.”—Kale.] Ici eca tepu.

Cisuma.

²⁸ Nalimo cena kuti caba i—icawamishako panono nga Nacitile cena muli iyo nshila. Kabili Ndefwaya ababwananyina muno, abakuma chalichi, bakakumba muno mu Phoenix, ukwishiba ukutula ulya e mulandu wine twacitile ici, ukwisa kuno kuli ici cikulwa, icakuti tukumane bonse mucifulo cimo. Kabili tekuti uye kuli bonse ababwananyina, baba abengi nganshi muli bena. Mwachimona abaciminina lelo mulucelo, kabili nalimo tabafikile nakuli citika ababa muli bena. Eico tekuti musende bonse munshiku ishinono isho tukwete muno, ilyo takulaba, ilyo takulaba umusonkano.

²⁹ Kabili Ndi uwashininkisha ukutula tuli nokukwata inshita iisuma nganshi mumusonkano. Muli nokukwata bakalanda abamaka nganshi. Uyu Munyina Cash ni Cash Hamburg, Hamburg. Owe, nibanga batala mumfwapo? Ena mucine ni—nimfula yacipupu. Ee. Njeleleniko, nga Nshacicilanda muli uyo musango. Uyu ni munyina, lelo—lelo, owe, Nali pamo nankwe inshita imo. Namwishiba, Nshingamona efyo mwingeshila mukumfwa kuli ine, panuma mwaumfwa kuumuntu uwaba ngefyo. Ena kuti ashimikila ukwabula ukutusha ukuti apeme. Nsha—Nshaishiba ifyo acita, Ine. . .lelo ena mucine alalanda ifingi. Naile pamo nankwe kumusonkano wandi uwaku New York, nombaline, kabili alefwaya ukusenda ku—ku cakulya camulalilo panuma yakulongana. Kabili Nalile muncende imo, kabili Nalifye mupepi nokufuma ilyo munyina. . .Alishimikile pamulu napanshi, kabili ukuli konse ukushinguluka, kumuntu onse uwali mulya. Ena aba—aba umuntu umwine mwine, palwakwe.

³⁰ Kabili Ndi uwashininkisha ukuti muli nokuipakisha kuli munyina uufumine ku California, pamo. Ishina lyakwe ni nani? Ndefilya ukutontokanya ishina lyakwe, ulya ni umo pali bakalanda. Na—Nalaba ishina lyakwe, nankwe. Lelo ena ni ka—kalanda wamaka, kabili muli nokusangalala naena. Kukaba nalimo bakalanda abakalamba abali nga ba, namwishiba, Munyina Roberts kabili nabengi abaume bamuli buno bushiku.

³¹ Eico, Ndetasha pakukutontokanya palwa Malembo yaisa mumano yandi pano pali ino nshita. Kabili panshita imo Davidi alelolesha kunse pacipao cakwa Shikulu, icalaikala mumatenti. Kabili atile. . .Ena alikele nakasesema, Nathaniele, uwa bulya bushiku. Kabili eico atile, “Bushe cili icalungama ukuti Ine ningekala muno mung’anda, ukwikala mung’anda yamikedari, kabili icipao ca cipangano cakwa Shikulu wandi mwisamba lyetenti?”

³² Kabili kasesema atile kuli ena, “Cita fyonse ifili mumutima obe, Davidi, pantu Lesa ali naiwe.” Ifyo fye fyeka efyo aishibe ukulanda.

33 Lelo munshita yabushiku, Shikulu akumenye kasesema, kabili atile, “Kabiye, webe umubomfi wandi, Davidi, ukutila Namufumishe kwicinka lya mpaanga, ukufuma mukukonka shilya impaanga ishinono, namwishiba, nokumupangila ishina ilyaba ngamashina yabakalamba abantu,” teshina ilyakulisha, teshina ilikalamba ukucilapo, lelo namupendele pamo nabantu abakalamba abo abali mwisonde pali ilya nshita.

34 Kabili Natontonkenye ukutila, “Ukusenamina kwakwa Lesa, kuli Davidi kulya!” Kabili Natontonkenye ukutila, “Kuti nakupenda, nemwine. Ilyo Nasanga insambu ishisuma ishabuno bushiku ubo tuleikalamo, inshiku shakwisalila ilyashi lyakale ilyesonde, nokupendelwa pakati kabantu aba musango ngoyo ilyo muli ukukulongana.” Kabili Shikulu amupale, nganshi.

35 Nomba, cibusa wandi umusuma, Munyina Valdez, atile, “Munyina Branham, Ningile ukuya, Ndecetekela, nga kwashala amaminiti ikumi ikumi limo na yasano ilyo teni koloko tailafika, nangu ikumi limo na yasano ilyo teni koloko tailafika.” Atile, “Nalaikala kumpela, icakuti Nipumfyanya—nikupumfyanya ilyo ulelanda.” Alisamo mumisonkano nakabili.

36 Nda—Ndakokomokako, kabili mfwile ukutontokanya, namwishiba, ilyo Ndelanda. Kabili Ndalemba Amalembo apa, natwakunjibuishako, nalimo, lelo nomba Ningile ukubwelelamo nokutontokanya ifyo Shikulu anjebele ukulanda, namwishiba, ningile uku Mulolela. Kabili Naliba uwakokomokako, eico Ndesubila Nshile musunga inshita iitali, muno lucelo.

37 Nacipusha Munyina Williams, Nacitila, “Munyina Williams, ninshita nshi iyo Nkwete?” Nomba, “Nomba, Ninkwata Ilembo pano ilyo Ningalandapo ilingasenda nalimo baminiti amakumi yatatufye, nangu icintu cimo, nokusalanganya abantu bonse nokuya kung’anda.” Kabili Nacitila, “Lelo kuti Natemwa ukukwata isambililo ilinono, nga kuti cacitwa,” napafyo Ndetontokanya ukuti cingaba icintu cimo kuli imwe ileelo, icintu cimo ico mwingasenda ku ng’anda na imwe, ukuyatontokanya pali cena.

38 Kabili Ine mucine nga nshacima muno lucelo pa fili sate, nangu amaminiti amakumi yabili ukufika kuli folo koloko, nokuiteyanya ukwisa kuno, ukuti mwise mumonefye. Nshi—Nshi—Nshisakamana ukumonwa. Na—Naishile kuno nokubelenga mailo Amalembo yamo ayo Nalembele, pacintu cimo ico Napepelepo mubufuma cumi, kabili Natontonkenye ukutila nalimo, ukupitila muli ico, limbi kuti caafwilishako umuntu umo. Nsha. . . Tatwakwata inshita yafyalangisha nangu ifyakutamba. Tu—tufwile ukucita efyo twishile. Ndecetekela Yesu aleisa ili line.

39 Kabili nomba baleambula ici, kabili nalimo umuntu umo limbi kuti asenda iyo tepu. Kabili Ndefwaya ukulanda ici, ukutila limo limo Nda. . .ilingi line Ndaba uwakumfwilwa

mumbi. Kabili inshita ishingwi abantu balantumina lamya, batila, “Munyina Branham, bushe ulu lubuuto wapilibwile mulya?” Kabili inshita shimo tulalanda icintu, lelo mufwile ukwishiba, cibule ifyo amashiwi yaba ukuti efyo Napilibwile pali ilyo ishiwi.

⁴⁰ Kabili Ndalanda ifintu inshita shimo ifya—ifyapusanako panono nalimo kucisumino camuntu umo, Ndefwaya imwe mumfwikishe ico bwino nomba, umuntu umo, ico umuntu umo acetekela. Lelo Ninkwata i—i Mbila, Nshili... ukufuma kuli Shikulu, Ndeumfwa iyo nshila palwa ico. Bambi kuti baumfwa ukuti Cena cafuma kuli ciwa. Bambi kuti baumfwa ukuti Cena buwelewele. Lelo, kuli ine, cena Mweo. Kabili Nshipilibula ukuba uwapusanako ilyo Nalanda pafintu ifyapusanako, nangu ukucena nangu ukuputaula, kubantu. Nshicipilibula ukuba muli iyo nshila. Ine—Ine, nga Nacita ico, ninshi Ndi bumbimunda. Nanda—Nanda ici munshila yakulunduluka, kuli Lesa. Nanada ico munshila yakuti—yakuti—yakuti abantu beshibe Lesa bwino. Kabili Nanda ici tepamulandu wakutula cena cintu cimo ico Napanga, ne mwine. Cena cintu cimo ico Nsanga ukufuma kuli Lesa.

⁴¹ Kabili nomba nga cakutula Nalanda pacintu cimo muli iyi misonkano, icicena abantu, nangu... Mwatila, “Nshacetekela Ico muli uyo musango.”

Ukuba, Nalilandapo amashiwi aya ayabulamo umucinshi. Kabili nomukashi wandi uwikele apa alengumfwa, alishiba ukutula tamwaba ifyakukonka umutande ifingi muli ine. Na—Na... Kwati fye ilyo mulelya inkoko, kabili mwasuma mwifupa. Nomba, takwaba uwatemwa inkoko uwatala posa inkoko pantu asuma mwifupa. Aposafye ifupa, nokutwalililapo ukulya inkoko. Caba cimo cine pakulya umukate uwabikwamo utusabo. Nga cakuti Nasuma muluseke, Nshi—Nshi—Nshiposa umukate, Mposafye uluseke. Eico... .

⁴² Kabili ifyo Nalanda pano ico icingamoneka kwati, mukulongana kwandi konse, ico icimoneka kwati luseke kuli imwe, ukuba, cibikeni fye cilya pambali kabili, tileni, suminisheni ico ukutula nshaishiba ifingi palwa cena nga fintu imwe mwaishiba. Eico, nomba, imwe twalilileni fye ukulya ico muletontonkanya ukuti cintu calungama. Kabili Ndi... .

⁴³ Ndesubila nomba ukutula Shikulu alapala i Cebo Cakwe. Ndi uwacetekela uwakosa mu Cebo, kabili i Cebo fye ceka. I Cebo fye ceka, kabili iyo e Mbila iyo Shikulu ampela.

⁴⁴ Twalipusana, umo nomubiye. Nimona muno lucelo, ababwananyina, ba minshoni, bakasabankanya wambila nsuma, nabakakumba, abeminine pano, nalimo—nalimo umwanda nangu ukucilapo pali bena, abeminine pano. Cila umo pali bena nacilapo pakwiminina pano nokulanda, ukucila ifyo Ningalanda. Ndi uwashininkisha pali ico. Lelo, mwamona, cila umo muli ifwe, umo tekuti asende icifulo ca umbi. Umo

tekuti asende imbila ya umbi. Mwamona, twalikhwata inshila tulandilamo iyapusana pusana.

⁴⁵ Lesa alicilapo kabili alaiteka. Ilyo Ena. . . Ninani, ninani wingeba Lesa ifyakupanga ifintu, mukutendeka, ilyo Ena alikofye eka? Mwamona? Kabili nga twalikhwata Umweo wa Muyayaya, kwaba fye umusango umu uwa Mweo wa Muyayaya, kabili ulya ni Lesa. Eico nga twalikhwata Umweo wa Muyayaya, ifwe twali na Lesa lilya line, iciputulwa cakwa Lesa. Ifwe twali imibele Yakwe. Ifwe tuli nomba imibele Yakwe. Kabili, pantu, “Mukutendeka mwali Cebo.” Kabili icebo litontonkanyo ilyasowa. Eico ifwe twali amatontonkanyo Yakwe, nomba ukulangishiwa mucebo nokuba fintu twaba. Uyo e mulandu wine amashina yesu, nalimo te ayo twakwata nomba, lelo amashina yesu yalembelwe mwi Buuku lya mwana wa Mpaanga ilya Mweo ilyo umufula wesonde taulabako. Mwamona? Kabili nga tayaliko kulya lilya, yena tayakatale bako kulya. Mwamona? Kabili Yesu aishile mukulubula bonse balya, abo, abo amashina yabo yaba muli lilye Buuku. Mwamona, Ena alishibe.

⁴⁶ “Kabumba,” nga fintu Abena Roma 8 itweba, “ninani wingeba kabumba? Bushe ibumba kuti lyatila, ‘Mpanga *ifi, filya*?’” Mwamona? Iyo. Lesa alingile ukulangisha imibele Yakwe yonse. Kabili eico Afwile ukupanga icipe cimo icishakwata umucinshi, kabili nacimbi cimo icamucinshi, ukulangisha ico cimo, ifyo fine. Nomba, lelo Ena alaiteka, mwamona, tapali nangu umu uwinga Mweba ifyakucita.

⁴⁷ Kabili Ena alatulenga ukuba abapusanako. Nangula i. . . kulya, ifwe twalyebwa, muli Baibele, ukutila intanda shalipusana lumo kulubiye, ulutanda lumo lwalipusana ukufuma kuli lumbi. Namwishiba, paliba ubupusano mu Muulu, muli ba Malaika, abantu babu Malaika; kuliko ba Malaika, kuliko ba Kelubi, kuliko ba Serafimu, kabili kulya—ukupusana kwabo Kulya. Kabili ifwe bonse twalipusana. Kabili Lesa alikwata impili ishikalamba, Ena alikwata mumalungu, ifyani, icani, iciswebebe, amenshi. Mwamona, Ena aliba—Ena aliba uwaibela, Ena ni—Ena ni—ni Lesa wafya pusana pusana. Kabili lolesheni pa bantu Bakwe pano muno lucelo, bamo pali ifwe ababuta, bamo abafita, bamo abacinyamuti, bamo abamutuntula, bamo abakashika; mwamona, bena—bena bantu Bakwe. Ena ni. . . Ena ni—Ena ni Lesa wafya pusana pusana, kabili eico Ndetontonkanya Alikwata icintu cimo cine pakati kabakapyunga Bakwe.

⁴⁸ Nomba natukontamike imitwe yesu pakashita fye, mwipepo. Kabili kuti Nalanda ici nomba ilyo tatulabelenga i Cebo. Ninjishiba ukutila nga cakutila Nakokolako panono, kabili mufwile waima nokuya, Nalailuka, mwamona, Nalailuka mukupwililika. Nomba natupepe. Kabili ilyo tulepepa, ne mitwe yesu iyakontamikwa ukulola ku lukungu uko Lesa atufumishe, bushe kuliko umuntu umu muno uyo uulefwaya

ukwibukishiwa mwipepo, imyeni fye ukuboko kwenu. Ena, Ena naishiba icalungama icili mumutima wenu, pesamba lya kulya ukuboko.

⁴⁹ Mwebatemwikwa Taata wamu Myuulu, ifwe tulepalamina kuli Imwe mukutontokanya mukushika, ne mitwe yesu iyakontamina kulukungu uko Mwatufumishe. Kabili nomba mumano yesu tuletontokanya ukuti Mwaebele Abrahamu, inshita yabushiku imo, ukuti kuti “apenda umunsensenga uwali palulamba lwabemba?” Elyo kabili Mwamwebele uku “lolesha kuntanda,” kabili bushe ena kuti “ashipenda?” Mucine, cena cali icishingacitwa. Kabili Mwamwebele ukuti “ulubuto lwakwe tekuti lupendwa, kabili ngo musensenga waku ulamba lwabemba, kabili pantanda ishibalika mummyulu.” Nomba amano yesu, itontokanyo lyesu, amatontokanyo yesu mumano yesu, ntile, ilyo tulekontamika imitwe yesu ukulola ku musensenga uko ifwe twafuma; nomba imitima yesu yalolesha ukulola ku Muulu, uko tuleya. Ukufuma ku musensenga ukuya kuntanda, ilyo twaba Ulubuto lwakwa Abrahamu! Abafwa muli Kristu, ifwe tuli Lubuto lwakwa Abrahamu, kabili impyani pamo Nankwe umwabela ubulayo.

⁵⁰ Kabili natwisa kuno muno lucelo ukukwata isenge pafyakulya fya cifyalilwa ifyamweo, ifyo tusendele, ukufumya ico munshila. Kabili nomba tulefwaya Mutupele pali ulya Manna uwa mu Muulu, ico Icakulya icingatupela amaka mu Mweo uwaba muli ifwe. Ilyo umulopa ulesenda ici cakulya nomba, kukucikosha, ukupanga utubulungwa utwingi, ukutulenga ukuba namaka pali bulya bushiku; lekeni tupokelele kuli Kristu, pakutila Engaya mu mipashi yesu, muno lucelo, ukupitila mu Cebo, kabili—kabili ukutukosha ukuti twikale muli ola iyo twikelemo. Pantu, ubushiku na bupwa nganshi kabili nefinshingwa fyaacungulo bushiku filewa, Ulubuuto lwa cungulo bushiku buli muno, kabili nomba line tulinokumfwa ubwite ubwakutita “iseni mu Mulu,” kabili tulefwaya ukuba abaiteyanya pali ilya ola. Eico, twafwilisheni, Taata.

⁵¹ Kabili takwaba umuntu uwalinga ukwisula Ibuuku, nangu ukukakulula Ifikakatikilo fyaliko; lelo Umwana wa mpaanga, uyo waipaiwe ukufuma ilyo umufula wesonde taulalengwa, alishile senda Ibuuku nokukakula Ifikakatikilo. O mwe Mwana wa mpanga wakwa Lesa, iseni muno lucelo, isuleni Ibuuku kuli ifwe, kabili lekeni tuloleshe pamo na Imwe, Shikulu, kabili nokumona ifyo tufwile ukucita pakuipekanya pali ino ora. Paleni ichalichi conse, paleni u—ukulongana ukuleisa, cila umo pali bena, nokulongana kwesu ukunono, ukukumana nabo abaleisa. Kabili lintu ifwe twalafuma pano ileelo, lekeni tulande nga balya abafumine ku Emmausi ukutita, “Bushe imitima yesu tayacibilima munda shesu, ilyo Acilalanda naifwe munshila?” Fikilisheni ico, Taata. Twaipusha mwi Shina lyakwa Yesu. Amenii.

⁵² Nomba kuli imwe mwe balefwaya ukupilibula, ilingi line mufwaya ukubelenga ukufuma kunuma yakwa kapyunga ilyo ali nokubelenga, ukufwaya fye uko alefumya ifyo alelandapo, nga namukwata ama Baibele yenu, kabili pilibuleni muli Mateo Washila chapitala 4.

⁵³ Kabili nomba Nalapela isambililo lyandi ilyo fye Nshilalanda; nga fintu cingaba, ndefwaya ukulifunda kwati, kabili nokulilanda ilyo tuleya. Kabili ili Ndipele umutwe, munshila imo, Nshishibe umulandu, Ndelipelela uyu mutwe: *Inshita Ya Kulobolola*.

⁵⁴ Kabili twalabula Ilembo ilyo twalabelenga, apo twalashikimanika ili tontonkanyo, ukufuma apa effyo twalalandapo. Twalabelenga Mateo Washila chapitala 4, iciputulwa ca cena. Ici caba mumesho yakwa Yesu. Ilyo Aisushiwe na Mupashi wa Mushilo, Atungulwilwe mumatololo.

Nomba ilyo Yesu a tungulwilwe no Mupashi mu matololo kukweshiwa naciwa.

Kabili ilyo afungile icakulya panshiku amakumi yane nenshita shabushiku amakumi yane, panuma yaico aumfwile insala.

Kabili ilyo keshu aishile kuli ena, atile, Ngo uli Mwana wakwa Lesa, eba aya mabwe yasanguke umukate.

Lelo alyaswike no kutila, Calilembwa, Umuntu takekalile ku mukate weka, lelo ku cebo conse icifuma kukanwa kakwa Lesa.

Kabili ciwa amu twele pamulu mumusumba wa mushilo, no kumu bika pa kasonshi ke tempile,

Kabili atile kuli wene, Nga cakuti uli Mwana wakwa Lesa, ipose panshi: pantu calilembwa, Akapela bamalaika bakwe ulwakuli iwe: kabili mumaboko yabo bakakwikata, epali panshita iili yonse wapuma ulukasa lobe kwi ibwe.

Yesu atile kuli wene, Calilembwa na kabili, Wi la tunka Shikulu Lesa obe.

Kabili nakabili, ciwa amu sendele ku...ulupili ulwalepesha nganshi, noku mulaangisha ubufumu bwamwisonde, no bukata bwa buko;

Kabili atile kuli ena, Fyonse ifi fintu Nkakupele, iwe nga kuti wa pona nokumpepa.

... Yesu atile kuli wene, Ima fuma pano, Satana: pantu calilembwa, Wa ku lapepa Shikulu Lesa obe, kabili enafye eka eo wa ku labombela.

⁵⁵ Ndefwaya ukubwekela pamulu panono fye, kuvesi ya 4 nakabili.

Lelo alyaswike nokutila kuli ena, Calilembwa, Umuntu takekalile ku mukate weka, lelo ku cebo conse icifuma mukanwa kakwa Lesa.

⁵⁶ Nomba kumutwe wesambililo, Ndefwaya ukusenda ico icakutila, “I Cebo conse icifuma kukanwa kakwa Lesa.” Nomba sungeni ico mwitontonkanyo ilyo tulelanda.

⁵⁷ Yesu inshita imo atile, muli Yohane Washila 6:48, Ndecetekela ico nacilungama, ilyo Nacilemba muno lucelo, “Nine Mukate wa Mweo.” Ici cali ku Mutebeto wa cakucilila, ilyo aba Yuda bale—balelya umukate pacibukisho ca manna iyalepona mumatololo, kabili—kabili bena balenwa ukufuma kukafukauka kulya ukwimininako Icilibwe ico cali mu matololo, kabili balikwete inshita ikalamba. Kabili Yesu abilikishe, pakati, kabili Atile, “Nine Mukate wa Mweo. Bashinwe balile manna mumatololo, panshita yamyaka amakumi yane, kabili bena cila umo, balifwa. Lelo Nine ulya Mukate uyo wafuma kuli Lesa ukufuma ku Muulu. Ngo muntu alya uyo, ena takafwe.” Kabili pa cilibwe, Atile, “Nine lilye Libwe ilyali mu matololo. Nine lilye Libwe ilyo bashinwe banweneko.”

⁵⁸ “Musango nshi?” Batile, “Iwe uli muntu uushacila pamyaka yakufyalwa amakumi yasano, kabili ulenda ukutula Walimwene Abrahamu? Nomba twalishiba ukutula Walikwata iciwa kabili walipena.”

⁵⁹ Kabili Yesu atile, “Ilyo Abrahamu talabako, NABA.” Mwamona, “NABA” aali ni Ntumba ya Mulilo iyo yali mucimpusa, iyo yalandile kuli Mose. Kabili nga kuti mwafibika bwino mufyakwitalako amashina nefipyana pafyakwitalako amashina, te “Nali, Nkaba.” “NABA” cintu icilecitika nomba line, inshita yonse.

⁶⁰ Ifwe tuletontonkanya pali ici, ukutula Ena ukulanda, Umwine eka nomba, ukutula, “Nine ulya Mukate wa Mweo.” Nomba musango nshi uyu muntu engaba Umukate wa Mweo? Ico eco tulesunguka. “Umubili Wandu Mukate,” Atile. Kabili nomba musango nshi uyu muntu engaba Umukate? Ico caba nge ceni, lelo mwiba abapapushiwa palwa cena. Abantu panshita Yakwe baishile papuka palwa cena. Bena tabaishibe ifyo uyu muntu engaba mucine Umukate, Umwine. Na muli Yohane Washila 1, cena capelwa kuli ifwe muli iyi nshila, ukutula, “Mukutendeka mwali Cebo, kabili Cebo ali pamo na Lesa, kabili Cebo ali ni Lesa. Kabili i Cebo capangilwe umubili nokwikala pakati kesu.” Eico, i Cebo caishileba u Mukate. I Cebo no Mukate pano ufwile ukuba cimo cine, pantu Yesu e Cebo kabili Ena e Mukate.

⁶¹ Nomba musango nshi Ena engaba Umukate ne Cebo? Fyonse i...Cena kuti cakupapusha, kumano yabuntunse. Lelo ifwe tulesubila, muno lucelo, ukutula tapaba amano ya buntunse mukati kesu, ukutula kuliko amano ya bumupashi mukati kesu, ayo ifwe twingeluka ifyo Taata aleesha ukuleta kuli ifwe pano.

Ukumona ifi fyebo filepapusha, lelo, pa nshita imo ine, fyena Cine ca mu Malembo, mwamona.

⁶² “Nomba musango nshi uyu muntu engaba Umukate?” Ifyo efyo balandile. Cilya eco, Ndecetekela, Yosephus, mwebengi imwe mwe bakalemba belyashi lyakale . . . nga fintu Nalebelenga pali cena.

⁶³ Nomba Ndelemba ibuuku, ilyashi lyandi pa fipandwa ifyakubalilapo fine ifya mu Kusokolola, ndesubila ukulifumya nombaline. Likaba ibuuku ilikalamba. Nomba Nkakwata ifyalembwa pali cila nkulo.

⁶⁴ Kabili Nalebelenga palyashi lyakale ilya chalichi. Ine . . . cali kwati mu mano yandi, Ndecetekela cali ni Yosefasi, ukutila, umo pali bakalemba bakale, nangu cibe fyo, uyo walandile ukutila, “Uyu Yesu wa ku Nasarete, Uyo uwaleya aleundapa abalwele,” atile, “Abasambi Bakwe bali Mwimbile nokulya umubili Wakwe.” Mwamona, balelya umulalilo. Kabili batontonkenye ukutila balimbile umubili Wakwe ukuuleta pamulu kabili balelya umubili Wakwe. Icili, ifwe tulya umulalilo, nangu ukusenda umulalilo, mumusango wacilangililo, uwamubili Wakwe, pantu Ena ali Cebo.

⁶⁵ Nomba, mwamona, ici cakusungusha. Kabili, inshita imo ine, kwaliba Amalembo. Kabili Yesu atile, “Amalembo yonse yalingile ukufikilishiwa.” Mwamona? Nomba, ifwe tulefwaya lyonse ukuputula amano yesu ukufuma kucintu icili conse icapusana kuli yalya Malembo. Mwiesha, ukutala, inshita ili yonse, ukusha lilye Lembo pacintu icili conse, tapaba i Cebo nangu cimo ica Cena. Ikaleni fye na lilye Lembo.

⁶⁶ Nomba, Lesa alingile ukupingula abantu ubushiku bumo. Kabili nga cakuti Ali nokupingula abantu ukubomfya ichalichi, ci chalichi nshi ico? Batila, “I chalichi ca Katolika.” Ukuba, nomba, ci chalichi ca Katolika nshi? Mwamona? Pantu fyena fyalipusana cimo necibiye, ukubipisha ukucila ifyo fyaba naifwe. Mwamona, fyena fyalipusana, cimo . . . Fyena fyonse fyaba imibeleye iyapusana pusana kuli fyena, abena Roma naba Orthodox, naba ba Yuphanite kabili, oh, nemitundu iyalekana lekana iyabena. Kabili bena mucine baba pamikolomino yaumo nomubiye, eico nicisa pali yalya amachalichi ya Katolika? Nga cakuti Acita ico ukupitila muchalichi caba Protestanti, nicisa ichalichi caba Protestanti? Cila cimo calipusanako necinankwe.

⁶⁷ Lelo Ali nokupingula isonde, kabili Alingile ukukwata icapampamikwa cimo kukupingwilako isonde, nga teifyo ninshi kuti Aba uushalungama ukutuleka ifwe ukuya nomba kabili—kabili ukwikala uyu mweo ukwabula icapampamikwa ukutila ici eakupingulwako. Ninani uwingaba uwalungama? Ni kwisa uko mwingatila ici ecali icalungama? Kulingile kwaba icapampamikwa cimo.

68 Kabili Atile, muli Baibele Yakwe, ukutila Ena akapingula isonde na Yesu Kristu. Kabili tulebelenga pano ukuti Yesu e Cebo. Mu Ba Hebere 13:8, itila, “Ena aba cimo cine mailo, ileelo, nomuyayaya.” E ico, kanshi, Ena akapingula ichalichi kumicitile yabo ukulola kuli Kristu, Uyo uwaba i Cebo. “Umuntu takekalile kukumake weka, lelo ku Cebo conse icifuma kukanwa kakwa Lesa.” Tekufuma mukanwa ka muntu, tekufuma kuseminale, tekufuma mu—muchalichi, lelo, “ukufuma mukanwa kakwa Lesa.” Umuntu alingile ukwikalila kuli Ico, kabili Ico ceka; tebwilulo bwamuntu, lelo i Cebo cakwa Lesa Umwine!

69 “Ukuba,” iwe watila, “pali icilubo *Pano*.” Nga cakutila cena cili ifyo, Lesa ewashingamwa pali ico. Aciletele kuli ine, mwamona. Ici eco Ningile ukusenda, apa pene fye eco Alandile.

70 Nomba, nga ici cili nge cakupapusha, kabili palwa “umuntu ukuba Umukate kabili pakuba i Cebo,” lekeni nomba tuye mukufwaya pali ici. Natufwailishe. Pantu, Amalembo yonse ya cine, kabili yena—yena tekuti yatobwe. Amalembo yonse yali nokufikilishiwa. Temulandu nefyo cena cingamoneka iceni, Ico, cena lyonse cili nokufikilishiwa.

71 Nga cakutila—nga Munyina Williams nangu—nangu bamo bamunyina muno, icikolwe cesu icikalamba, bonse kabili kuti baima ukwisa monekela, muno lucelo, kabili, nokutila, ukuba, balangeni icitunshi tunshi? Kabili nalimo umo muntu aliseseme kunuma muli bulya bushiku bwabo, kabili atile, “Kukaba inshita iyo wingomfwa ishiwi ukushinguluka isonde.”

72 Bena kuti batila, “Ukuba, lekeni umuntu umukote umubusu abe, ena tali amano yakwe ayatuntulu.”

73 “Kabili kukaba inshita ilyo ilangi likapita mumwela.” Lyena lili pano ino ine nshita. “Kabili bakasha fye kali batani, kabili isonde lyonse muli nokumona abantu baleenda, nefintu, palya pene pacitunshi tunshi.”

74 “Ukuba,” bena kuti batila, “umuntu umukote umubusu!” Mwamona? Lelo nomba ifwe natucikwata, muno mwine mumuputule muno lucelo.

75 Kabili Ndefwaya ukumilenga ukuti mwingaba abaibukila palwa ico, ilyo tatulaya kuntanshi, ukutila Lesa ali muli uno muputule. Kalembe wa ici Cebo ali pano. Eico, temulandu ifyo mufwele, nangu apo mwafika mubwikashi bwenu, nangu umusango wa ng’anda iyo mwikalamo, nangu umusango wamotoka mwensha, nangu ubwingi bwamasambililo mwakwata, Lesa alolesha pamutima wenu. Kabili Alolesha mumutima wandi. Kabili tupingulwa ukufuma mumitima yesu, tefyebo fyesu. Imitima yesu eitupingula ifwe. “Ukufuma mumutima emo akanwa kalanda.” Nga tacili ifyo, cena nibubumbimunda.

76 Nomba, muli uyu umuputule nomba mwalaisa abantu, nemibele ya bantu, ukwisa pita pano, ukufuma mwi sonde

lyonse, amashiwi yaleimba, yali muli uno umuputule nombaline. Lelo, mwamona, imwe mwalikwatafye apakupelela mu mano yenu, ukufika pali pesenti imo iyakumona. Lelo nomba kuti mwabula icibulungwa icimoneka konse konse, nangu umupaipi nangu conse ico icaba mucitunshi tunshi, nokucasha, kabili neco cimo ico mwingatwala kumbi pali ifyo limbi—limbi amabimbi, kabili nokutwala mumbi ico, ukucibika munshila iyakupitamo, kabili nokubula abo abantu; umo ku Australia, South Africa, nangu konse, ku India, nangu conse ico cingaba. Iwe kuti waiminina pano, pacakulanga, nokumona imitundu ya fyakufwala iyo bakwete, umusango wa fimuti, kabili nolutampulo lonse ulu balepanga. Iwe pilibulafye pa citunshi tunshi, mumone nga cakutula ico tacili ifyo.

⁷⁷ Nomba, cena cifwile ukuba pa ncende pamo, apo amenso tekuti yamone, ico icintu cimo cine cilepita pano nomba. Capitile pano lintu Abrahamu aumfwile Lesa aletila, “Lolesha ukulola ku ntanda.” Cali ni pano lintu Eliya aikele pa Lupili lwa Kamele. Cali pano lintu Adamu ali pano, lelo bena nomba elo bacimwenefye.

⁷⁸ Kabili eico Lesa ali pano naba Malaika. Kabili ubushiku bumo cikabafye icituntulu ukucilapo kwati citunshi tunshi nangu icili conse cimbi caba, pantu u Mupashi ukatuleta muli uyu u Mweo uushifwa. Nomba ifwe tuli nokukutuluka. Eico, nomba, tulelanda ukufuma mu Cebo Cakwe. Nomba, ico, tuli nokweshwa. . .

⁷⁹ Lesa, Lesa Kabumba mukalamba, lekeni tweshe ukulanda pamibele yacifyalilwa, ukubula Ena mucifyalilwa mukubalilapo, nokuleta cena ukubwesha ku Cebo. Nomba, icifyalilwa cendelafye pamo ne Cebo, pantu Lesa e Kabumba wa cifyalilwa. Lintu mwamona inshila icifyalilwa cibombelamo, no. . . kufwailisha ukutula iyo enshila. Ukutula, iyo eyali Baibele yandi iyakubalilapo, yali kufwailisha ifyo icifyalilwa. . . ukusanga Lesa mucifyalilwa. Kabili ingano cintu icafuma mucifyalilwa, umukate, kulaba ukupanga umukate ukufuma muli cena, ico icisunga umubili wacifyalilwa. Icifyalilwa calikatilila ifyankama ifingi. Ifwe. . . kabili iyo enshita yandi iyakubalilapo ukusanga Lesa, cali kulamona icifyalilwa. Nalimwene pafwile paba icintu cimo. Kabili nomba, Ine nshakwata amasambililo, eico Nanda ifingi ukupitila mucifyalilwa. Kabili cena caba. . . Nshilesha ukutungilila ukukana ishiba. Lelo Ndeesha ukulanda kuli imwe ukutula tamufwile mwakwata amasambililo, pakwishiba Lesa.

⁸⁰ Yohane Kabatisha, katangilila wakwisa kwakwa Kristu, lintu aishile ukufuma mu matololo. . . Balitweba ukutula aile mu matololo, pa myaka pabula, kabili mulya pantu umulimo wakwe wali uukankala. Wishi wakwe ali ni shimapepo. Kabili muli iyo inshila ya bushimapepo imo, nangu icilonganino, oh, wishi wakwe atile, “Nomba, Yohane, nawishiba ukutula

niwe ukalangisha Messiya. Nawishiba, ukutila Munyina *Wakuti-na-pano* alapangafye mukupwililika Messiya!” Eico Yohane afumineko kuli ico, ena palwakwe aingile mu matololo, pantu cena cifwile ukuba ekusala kwakwa Lesa, tekusala kwa muntu, nakalya, uyo uwingaba Messiya. Eico, aile mulya pa myaka iyali pabula iyakufyalwa.

⁸¹ Kabili, mulemona lintu afumine, pa myaka amakumi yatatu, amasambilisho yakwe tayali nga ayakwa kasambilila wafya mapepo. Talebomfya amashiwi ayakalamba, lelo califye conse pacifyalilwa. Alandile kuli bena abantu bamu chalichi pali bulya bushiku, atile, “Imwe mwe nkulo yansoka.” Isho esho amwene mu matololo, shali ni nsoka. Apatile insoka. Pantu mwali sumu. Mu meno yashiko ayo ayakwete sumu uwakwipaya, kabili alandile ici pa chalichi cabulya bushiku, “Imwe mwebumba lya nsoka ishakwata sumu, ninani uumisokele imwe ukubutuka ukufuma kubukali ubuleisa? Tamufwile ukutampa ukulanda ukuti, ‘Ifwe twaba muli *ici*,’ kabili, ‘Ifwe twaba—ifwe twaba abakwa Yesu,’ nangu ‘Ifwe twaba *bakuti-na-bakuti*,’ nangu, ‘Tuli bamuli ba Methodist, Baptisti, Presbyteriani,’ nangu conse ifyo cili. Tamufwile mwalalanda ukutila mwalikwata ico, pantu, Ndemyeba, Lesa kuti aeba aya amabwe ukufumyamo abana abakwa Abrahamu.” Mwamona?

⁸² Kabili pamo, “Isembe,” ilyo elyo alebomfya mu matololo, “lili nokubikwa pesamba lya mushila wa cimuti. Kabili ne cimuti conse ico icishitwala icisabo—icisabo cisuma, cena kuputulwa nokuposwa mu mulilo.” Mwamona, tali nokuputula icimuti ico icaletwala ifisabo, pantu aleikalila ku fisabo fyaku fimuti. Lelo, icimuti ico icishaletwala ifisabo! Oh, imwe kuti mwabulafye Amalembo yonse, yaliba ayasubwa nganshi, mpaka icintu conse icili palya calingana na Yesu Kristu. Mwamona, “Icimuti conse ico icishitwala ifisabo ifisuma cilaputulwa panshi nokuposwa mu mulilo,” nefyaba ngefyo. Mwamona, ena—ena abomfeshe imbila yakwe mu mibele ya cifyalilwa.

⁸³ Kabili tulefwaya ukulolenkana neco nomba, pakuba ukutila natusanga ifyo Alandile, “Nine Mukate. Kabili umuntu ali nikwikalilila ku Cebo conse, kabili Nine i Cebo.” Mwamona? Eico tulefwaya ukubwelelamo ku cifyalilwa. Nalimona imuku iingi Ine nalicita ico.

⁸⁴ Kabili icifyalilwa caba pacipimo cimo cine. Kuti mwabula inshita iyo mulemona ifyuni fyaisa pamo, fyafuma fyaya mu mwibala ukuya mukulya. Mumone lintu ing’ombe shonse shafuma, shasalanganina mwibala, shilelya. Waponeshamo indobani yobe, isabi kuti lyasumako. Lelo lintu ing’ombe shilya. . . Ifyuni filya fyalapupukila mu fimuti kabili ne ng’ombe shaya mulusoso, cawama wabula indobani wafumya. Lyena talisumako, pantu icifyalilwa cendela pamo inshita yonse.

⁸⁵ Kabili ifyo fine efyo i Cebo cakwa Lesa cicita cenda

mukutwalilila. Lesa lyonse alacita ifintu ifili fyonse ifyo Acita pa cakupimapo cimo cine. Apangile ubusalo ku kutendeka, lintu umuntu afumine mwisenge pamo na Ena, Ena ali nokumupususha ukupitila mu mulopa uwasumine uwa umo uwakaele. Kabili Tatala acinja inshila Yakwe. Twalesha ukubasambilisha muli ico, ukubengilila muli ico, kabili—kabili nokubalomba ukuya muli ico, nokubacimfya bena muli ico, nangu ukupunda ukubengisha muli ico. Cena cabafye cimo cine, pa Mulopa uwasumine epo Lesa akumanishisha uwacetekela.

⁸⁶ Tekutila ifwe kuti twapanga Icisaka cimo ice Sonde icama chalichi nokukumanya uuli onse. Ico tekuti cibombe; kabili tacatalile acicitika, kabili tacakatale acicitika. Iyo enshila iyo Nkaninamo iyo imibombe. Lesa alikwata imibombe. Mwacumfwa ico calandwa ileelo, “Ama chalichi yonse yesa capamo, cena cili nokuba Icisaka icikalamba ice Sonde icama chalichi. Kabili Yesu apepele pali ico, ukutula ifwe ‘bonse twingaba umo.’” Ukuba, nombamba, mwamona, uko ekuba na mano ya bumubili, ukwabula ukwishiba u Mupashi.

⁸⁷ Yesu atile, “Ukutula bena bengaba umo, Taata, nga Imwe na Ine twaba umo.” Teku muntu umo ukuba pa cintu cimo, cena tacakatale acibomba; icilonganino cimo cilefwaya ukucila icinankwe, kabili no muntu umo ukucila umunankwe umbi umo. Lelo ukutula imwe mwingaba umo pamo na Lesa, nga fintu Kristu na Lesa bali umo, ifyo efyo ipepo lyaba. Ukutula, Ewali i Cebo, na Yesu apepele ukutula twingaba i Cebo, ukulangisha Ena. Ilyo elyali ipepo Lyakwe ukutula lingasukwa.

⁸⁸ Moneni ifyo Satana acisalanganya mu mano ya buntu? Lelo ilyo talyali lipepo lyakwa Yesu, nakalya, ukutula ifwe twingalongana capamo kabili nabonse nabakwata icisumino cimo nefyaba ngefyo. Inshita yonse iyo bacita ico, balaya ukutali kabili ukutali ukufuma kuli Lesa.

⁸⁹ Alefwaya ifwe ukuba umo pamo na Lesa, kabili Lesa e Cebo. Cila umo mu mutima wakwe, afwile aba umo pamo na Lesa.

⁹⁰ Lesa ukwishiba ukutula, ifi, fyonse ifi ifintu fyabombe ngefyo. Nomba ifyo efyo tusanga Lesa inshita shimo alolesha mu cifyalilwa. Munshita, shileshinguluka, shileshininkisha Lesa. Apo epo mukubalilapo Nasangile ico, ifyo kulaba umweo waisa munshita yafya kutumba, ulekala umweo wauko, wapanga ulubuto, lwafwa kabili lwaingila mu mushili, kabili lwaisa bwela mukubuka, lwenafye lulashinguluka. Kuti twaposa ba ola pali ico.

⁹¹ Lelo nombamba ifyo caba icapusanako ukufuma kwati, munyinefwe minshoni pano, uwaku India. Ndasanga abengi kulya, nokuya monse mwi sonde, bacetekela mucintu ukufyalwa muli cimbi, ukutula, bena—bena, iwe kuti wafwa pano ngo muntu kabili waisa bwela nge cuni nangu icinama. Mwamona, ico tacilanda pamo necifyalilwa.

⁹² Icifyalilwa cilanda ukutula ulu ulubuto lumo lwine lwaingile mu mushili, ulubuto lumo lwine lwaisa bapo nakabili. Mwamona? Yesu umu wine aile panshi, e Yesu umu wine uwaishile bwela. Alleluya! Kabili uyu umubili, washikwa mu mushili, tawakabwele ngeluba nangu icintu cimbi, wena uli nokubwela umwaume nangu umwanakashi. Tulamona ico mucifyalilwa, ifyo cicita ifyo, wena ulapita na munshita yatalala, nokubola nefyaba ngefyo, lelo umweo ulabakililwa nga cakutula muli umweo muli wena.

⁹³ Lelo nga cakutula, kulya, nga cakutula lulya ulubuto talumenene, talwakatale alwima nakabili; tekuti lwime, pantu muli lwena tamuli nangu cimo. Kabili nga cakutula twaba abena Kristu fye. . . Mwaliba ama chalichi yabili mwi sonde, ichalichi ca cifyalilwa, ne chalichi ca bumupashi, bonse betwa abena “Kristu.” Lelo ichalichi ca cifyalilwa tekuti cime. Cena cilecita ukwima nomba mu Cisaka ce Sonde, icisaka cama chalichi.

⁹⁴ Lelo umwina Kristu ali nokwima nokukumanya Kristu pantu Ena ni Nabwinga, ukuya noku Mukumanya. Paliba ubupusano muli fyena. Icifyalilwa ecaikatilila ifi ifyankama, kuli ifwe, kabili ifwe kuti twamona fyena ilyo tulefimona. Kabili tulemona ukutula ubwina Kristu bulalanda i Cine, pamfwa, ukushikwa, nokubuka.

⁹⁵ Nga cakutula kuli nomba umukate wa ngano uyo twaishiba untu twikalilapo, kabili twalishiba ukutula kwabafye inshila imo iyo ifwe tatwingabelamo no mweo, kubika filya ifintu fyafwa mu mibili yesu. Iwe tekuti ube nomweo munshila imbi.

⁹⁶ Umuntu uulya umusalu weka ankumenye, tapapitile inshita, atile, “Munyina Branham, Nalikwete icakushininkisha icikalamba muli iwe mpaka nelyo Naumfwile ukutula iwe ulalya inama yankumba namani pa mwikulo.” Mwamona? Kabili atile, “Bushe umuntu wakwa lesa kuti alya shani icintu icaba ngefyo?”

Mwamona, Natile, “Ukuba, cinshi icalubana neco?”

⁹⁷ Ifintu fyonse tafyaba ifyawama, lelo cena ciba icashishiwa ukupitila mu Cebo cakwa Lesa nepepo. Baibele itila, “Nga cakutula iwe waba kapyunga umusuma uwakwa Yesu Kristu, iwe ukebukishe munyina pali ifi fintu. Mwamona, ifintu fyonse fyalishishiwa, takuli nangu cimo ico iwe wingakana, nga cakutula ico kuti capokelelwa nokupela ukutotela” Timote Wacimo :3. Nomba tulesanga ukutula ico e cine. Eico Natile, kwena ifyo fine. . .

Natile, “Ukuba, taufwile iwe ukulya icintu cimo icafwa, pamo?”

“Oh, iyo, mukwai!”

⁹⁸ Natile, “Nga cakutula iwe kuti waba no mweo ifyo fine, iwe ufwile waikalila ku cintu cimo icafwa. Nga cakutula waluya

umukate, ingano shalifwile; nga cakutila ifyakatapa katapa, fyena fyalifwile; conse ico wacitile, nangufye ukunwa umukaka, iwe kunwa utushishi. Ufwile wacita . . . iwe kuti wabafye umo uwa mweo ukupitila mucintu icafwa.”

⁹⁹ Kabili nomba nga cakutila icintu cimo califwile epakuti ifwe twingaba aba mweo kumubili, bushe tacacililepo icintu cimo ukufwa pakutila ifwe twingaba aba mweo u Muyayaya! Imfwa eyo cisenda, ukucita ico. Umukate! Ukumona ukutula Yesu atile, “Nine Umukate,” kabili kwaliba umukate wangano kabili Ena tali ni ulya umukate wangano, eico kufwile kwaba imisango ibili iya mweo iyo iilunduluka no mukate. Wena kuti watungulula kuli ico. Tekuti kube . . . Ena taba, Ena tali ni ngano; kabili Tali Cebo, Ali mubili, eico kufwile kwaba imisango ibili iya mweo. Twalishiba ukutula ingano shilafwa pakutila ifwe twingaba aba mweo ku mubili, nga fintu Nacilanda. Yesu, Mukate i Cebo, alifwile, pakutula twingekala u Muyayaya. Ewali Mukate i Cebo. Nomba moneni, sungeni ico mu mano yenu. Nomba ukushininkisha Amashiwi yakwa Yesu ukuba ayacine, tulemona muli ici, mucifyalilwa, ifyo cicitika.

¹⁰⁰ Nomba lekeni tuye ku Malembo, ukufwailisha nakabili, ukubwekela mu Malembo mpaka twafika kwisambililo lyesu ilikalamba. Mwibala, Lesa apele ulupwa Lwakwe ulwantanishi i Cebo cakwa Lesa kukwikalilako, i Cebo conse ica cena. Ulupwa lwakubalilapo ulo lwabikilwe pano pesonde, lwapelwe u Mweo wa Muyayaya ilyo lyonse bena baikele pamo ne Cebo cakwa Lesa.

¹⁰¹ Ubo ebwali ubutantiko Bwakwe. “Nine Lesa,” Ena atile, “Ine nshicinja iyo.” Ubo ebutantiko Bwakwe neleelo. Cena tacatalaba mubutantiko Bwakwe ubwakukwata ifisumino, nangu akabungwe, nangu amafunde ayapangwa nomuntu, ayo umuntu akekalilako, lelo ku Cebo conse icifuma kukanwa kakwa Lesa.

¹⁰² Nomba ukubwekela mu Kutendeka, ico icaba ukutendeka. *Ukutendeka* cipilibula “ukutampa.” Tulesanga ukutula Lesa apele ulupwa Lwakwe Umweo wa Muyayaya ilyo lyonse baleikala muli ici Cebo nokwikalila pali ici Cebo. Lelo ilyo bacitobe, icakulundanyafye umumunyololo wabulayo cimo, imfwa yalibapumine, ico icali bulayo nabo.

¹⁰³ Munyololo. Naukobama pambo nabo, kabili ico ecintu cimo icikakusenda ukukufisha. Ilyo uwacetekela aba uwaitunga ukucetekela kabili aikala pa cebo cimo ico capusana kuli ici Cebo, ena aputulako isenge lyakwe na Lesa. Icakukuminkanya pamo cimo cilaputuka! Kabili, ibukisheni, icicetekelo cenu muli ici Cebo caba kwati munyololo. Umunyololo wali kosesha pa ncende apo wanakisha. Ico nacilungama. Wena walikosesha, ico, pantu ico fye ceka eco uli nokwikatilila. Kabili nga kuliko icintu cimo mu Cebo ico caba icakupapusha kuli imwe, icintu cimo ico mwaumfwa ukupusanako, lelo batile, “Imwe? Oh ico cali

ca batumwa, kabili ifyo fintu fyali fyanshiku shapita,” lintu Amalembo yalanda ukuti Yesu Kristu aba cimo cine mailo, ileelo no muyayaya, mwileka ico ukuba ukunakuka! Ci Cingilileni noku Cikata, kabili pombeni imyeo yenu muli Cena, pantu cilya e cintu fye ceka icikamwabusha pamingu sha kumbo. Ico nacilungama.

¹⁰⁴ Ilyo uyu munyololo waputuka, na Adamu na Efa, ulupwa lwakubalilapo, nomba ibukisheni, tabatobele umusela, tabatobele Ifyebo fitatu; i Cebo cimo! Umuntu akakobama kumbo ku Cebo conse, I Cebo conse icifuma kukanwa kakwa Lesa. Uko eko incende yamuntu iya Muyayaya ipampamikwa. Mulandu nshi, akakobama pali ulya munyololo, nangu akakobama kucisumino; nangu nga kuliko icisumino icasakanishiwa mumunyololo, kulya ekubelele incende iyanaka, kabili ninshi waya. Apo epabelele incende yanakuka kuli Adamu na Efa. Kulya ukukumbinkana ukwanaka, “mucine,” atile, “Lesa...” Lelo mucine Lesa alilandile ico! Kabili nga Lesa alilandile, Lesa alicipilibwile. Kabili Alasunga ne Cebo Cakwe pakutila ati, “Ubushiku mukalyako, e bushiku mukafwa.” Ubushiku mwabika muli imwe icintu cimbi kunse ya Cebo cakwa Lesa icishakoweshiwa, mukati ka mweo wenu, ubo e bushiku imwe mwapatulwa ukufuma kuli Lesa.

¹⁰⁵ Nomba ici cintu cakosa nganshi, lelo umfwikisheni. Nomba moneni. I Cebo cimo, i Cebo cimo icantanshi ica Baibele, Lesa atile, “I Cebo cimo, capatwile umuntu ukufuma ku Munyololo wa Mweo wa Muyayaya.”

¹⁰⁶ Ico cili kwati kusenda umuntu kabili mwamukakilila, kumakasa yakwe...ena abikile amaboko yakwe mu Muulu, kabili mwamuputula pakati mufipandwa fibili, mwamufumyako ifikondo, fyonse ifyo mukobememo. Nomba mukobeme kucipandwa capesamaba, kabili nga mwaputula umunyololo, ukuli konse, imwe ninshi mwaya. Nomba sungeni ico mumatontonkanyo.

¹⁰⁷ Ibukisheni, Baibele itila, “Mukanwa ka nte shitatu, lekeni icebo conse cipampamikwe.” Twalaisa pali ico, numa mineti ayanono, pamesho yatatu ayakwa Yesu; amesho yatatu ayabakapyunga, ileelo, uko baponena; amesho yatatu ayachalichi napantu cipunena; amesho yatatu ayakabungwe, napo kaponena; kabili namesho yatatu muli cila muntu, napo baponena. Nomba, fyonse fibombela muli fitatu; ngo kulungamikwa, ukushishiwa, ulubatiso lwa Mupashi wa Mushilo; Taata, Mwana, Mupashi wa Mushilo. Ifintu fyonse fipwililika muli fitatu.

¹⁰⁸ Nomba moneni Lesa, mukulendeka, icintu cakubalilapo Apele abana Bakwe ukwikala naco, cali Cebo Cakwe. Nomba tulesanga ukutila ico cishinka. Nomba pakati ka Baibele, tulomfwa Yesu aisa nokulanda ukutila, “Umuntu akekalila pa

Cebo conse ico cifumina kukanwa kakwa Lesa.” Nomba kabili mu Kusokolola 22:18, Yesu Umwine alelanda nakabili, atile, “Ndepela ubunte pali ifi fintu. Ngo muntu uuli onse akalundako icebo cimo kuli Ici, nangu ukufumyako i Cebo cimo ica ili Buuku, iciputulwa cakwe cikafumishiwa ukufuma mwi Buuku Iya Mweo.”

¹⁰⁹ Nomba, mwamona, tebwikashi bwesu ubusuma; ukutila icintu fye cimo cendela pamo na cena. Cena tekunakila—tekunakila kwesu ukwa kuchalichi; ico cendela pamo nacena. Lelo icintu icikalamba kwikala pamo neco Cebo. Mwilalya icintu cimbi kanofye cilya Cebo. Ikaleni na Cena. Ena ni cilya Cebo. Nomba tulefwaya ukulolesha mukuposako amano nomba.

¹¹⁰ Bupusano nshi buli muli uyu mukate, uwabubumbo, ukwikala? Nomba, ingano mukate wamweo, nga telubuto ulwasakanishiwa, luli . . . no kulushika kabili luli notula nakabili. Lufwile lwaba ulusuma ulubuto ulwapyo. Ulwaonaika ukubuto tekuti lutule. Bonse twalishiba ico. Munyina Sothmann, uwikele muno, umulimi wa ngano ukufuma ku Canada, alishiba ukutila tatubyalala imbuto shaonaika mumushili, nokwenekela ukukwata ifilimwa ukufuma muli shena. Pantu, ifishishi nangu i—nangu ifishishi, ifyaba mulubuto, fyalilulya, fyaliya ukufumyamo umweo.

¹¹¹ Bushe mwalishiba ukutila imititi ine iyo ili nokumuonaula, iyo ili nokulya umubili wenu, yaba muli wena pali ino ine nshita? Yobo atile, “Nangu umutiti wa munofu wandi ukonaule uyu mubili!” Bakubika mumbokoshi nokwisalapo, umwabula umwela; nalyo line imititi, iyo yaba muli imwe, ili nokumulya.

¹¹² Kuti mwasnga ubunga nobunga bwangano, nefintu, kabili mwaibika, ilakwata ifishishi muli yena, nangu namwisalapo. Cena ni cinshi? Cilya cishishi caba mulya, mukubalilapo. Cena caba mulya mwine, mukubalilapo.

¹¹³ Nomba, ulu luseke lufwile ukuba uluseke ulutuntulu. Lufwile lwaba ulushakwatamo icilubo, ukufilwa, kabili nafumbipo, muli lwena. Lulingile ukuba uluseke ulwapwililika. Tekuti lube uluseke ulwasakanishiwa—uluseke, pantu, ilyo lwamena, walubyalala nakabili, kabili iyobe—iyobe ingano ninshi yaloba, pantu uluseke lwasakanishiwa tekuti lumene nakabili. Lwena tekuti lukule nakabili. Namufumyamo umweo muli lwena lintu mwalusakanya lwena.

¹¹⁴ Kabili cilya e cacitike kumachalichi. Yena yalisakanishiwa kwisonde, kabili ulya e mulandu wine kulyo kupuputulwa kuleishilapo, kabili iwe tekuti ukwate ukupuputulwa nakumbi kunuma yaico. Akabungwe konse akatalile ampanishiwa, kalafwa apo pene kabili takema nakabili, pantu kalampanya icalo mukubomba, eico tacatalile citapo ico. Takwaba ilyashi lyakale ilyatala langishapo ukutila ichalichi icili conse, ico

caatalile amapanya, calitalile bukapo nakabili. Cena cafwilile kulya kwine. Mulandu nshi? Mwalicisakanya cena.

¹¹⁵ Mwilabika bishopo pali cena. Leken i Mupashi wa Mushilo ekale pali cena. Mwamona? Mupashi wa Mushilo watumina ku kukukanya ifyani nefintu ukwingila; te filya ifyo bishopo atontonkanya, nangu bakangalila, nangu nafimbipo. Cisenda Mupashi wa Mushilo ukusunga cilya chalichi mumibele cabelamo. Ali cilya Cebo icapwililika, nga fintu tuli nokumona.

¹¹⁶ Adamu akwete ukusala kwakwe, i Cebo nokuba nomweo, nangu ukukana cetekela i Cebo cimo nokufwa.

¹¹⁷ Ifwe twalikwata ukusala kumo kwine, pantu ifwe tulingile ukucita ico. Nga cakutila Lesa abikile Adamu pa Cebo, kabili ne Cebo epela, nomba Atubika pacisumino nangu umusango onse uwacisumino, ninshi Lesa aliba uushalungama mubupingushi Bwakwe, cena tacalinga ku mushilo Wakwe nangu ukuiteka Kwakwe. Lelo nacyana ku kuiteka Kwakwe ukumona ukutila Abika umuntu onse pacifulo cimo cine. Kabili Ena ni Lesa kabili tapilibuka. Ifyo Lesa acita intanishi, Ena lyonse alacita icintu cimo cine. Ena tatala pilibula Ubwakwe—Ubwakwe ubutantiko. Icintu fye cimo, Ena alacikusha, lelo Tatala cipilibula. Icintu cimo cine calitwalilila.

¹¹⁸ Nomba, Adamu alikwete ukusala. Kabili nga ena aikatilile ku Cebo, ali nomweo. Nga ena taikatilile ku Cebo, alifwile.

¹¹⁹ Kabili ifwe twalikwata icintu cimo cine. Nga twikala ne Cebo, tuba nomweo. “Umuntu akekalila ku Cebo conse.” Lelo nga tatwikele naco, tulafwa, tulafwa ku mupashi. Oh, ifwe kuti tucili tulapanga ico, mucine, ukupantauka, nokubilikisha nokulacita ifya kucita cita, lelo, ico tekuba—ico tekuba nomweo. Uko tekuba nomweo. Ine nine minshoni. Nalyumfwa abasenshi baleipantawila nokubilikisha ukucila ifyo twingacita, nokulanda ukwishiba imilungu, nefintu ngefyo. Bena tababa nomweo. “Bena balifwa ilyo bacili nomweo.” Baibele efyo yalanda. Nomba tulesanga ukutila uku kusala kwapelwa kuli ifwe.

¹²⁰ Lelo ena aumfwene kwishiwi limo lyakwa Satana, nomba alifwile.

¹²¹ Kabili nga, ukutendeka, uko Lesa mukusenamina Kwakwe noluse nga acilile ukucula konse uko twapitamona, shonse ishi imfwa shabana abanona, nafyonse, nenkondo, nefyamukati, nefyakutanika, nefintu ifyo twakwata; nga cakuti Alificilile, Ukuiteka Kwakwe ukwa Cebo Cakwe nga kwa Musuminishe ukucilila ico, Ena nga ali uushalungama nga Ena tacilile cena lyena. Bushe mulecumfwa? Ena tekuti acilile. Ena tatalile cilila Adamu, mukubalilapo. Kabili Ena takacilile imwe nangu Ine, mukubalilapo. Tulingile ukwisa kuli ico cintu, i Cebo fye ceka. “Leken icebo ca muntu onse cibe icabufi, ne candi cibe icacine,” Atile.

122 Nomba tulelollelafye ubushiku buntu tuleikalilamo, inshita yakusombola.

123 Nomba Lesa, panuma Adamu aponene (aesuwe ne Cebo, kabili aliponene), Lesa alitwalilile, mububumbo Bwakwe, ukweshu ukusanga umuntu uyo wingekala i Cebo conse. Nomba lolesheni. Ena aeseshe ukusanga umuntu, uyo uuli, ukwikala i Cebo ca nkulo yakwe. Nomba, mwamona, Lesa asalangenye i Cebo Cakwe, pantu Ena kuti acita ico.

124 Ena aba, Ena alishiba fyonse kabela, kabili Ena aba—Ena aba konse konse. Uwaishiba fyonse, eico kanshi Ena alishiba ifintu fyonse. Ena tekuti abe konse konse. Pakuba uwaishiba fyonse, ukwishiba ifintu fyonse, lyena Ena kuti aba ukuli konse. Pantu, ulya e musango Atulingile kabela, kukwishibila kabela, te pa mulandu Ena akabile ukutula *uyu* muntu alingile ukupusushiwa kabili *uyu* umo alube. Lelo Ena alishibe uyo uukaluba kabili noyo uukapusushiwa. Mwamona? Eico kanshi, ku kwishibila Kwakwe kabela, Ena kuti alingila kabela. Kabili Ena alalenga ifintu fyonse ukubombela kubukata Bwakwe. Filya efyo imibele Yakwe ilecita, ukulangisha kubukata Bwakwe. Cimo icipe camucinshi nacimbi icabula umucinshi, lelo ni Lesa eucipanga. “Te uyo ufwaya nangu uyo ubutuka, lelo Lesa uyo ulangisha uluse.” Mwamona?

125 “Takuli umuntu uwingesa kuli Ine,” efyo Yesu alandile, “kano Taata Wandu amwita. Kabili bonse abo Taata akwata,” akale, “ukupelwa kuli Ine, bakesa kuli Ine, ku Cebo.” Kuti baisesha shani kano fye baliba, bonse fye, balisontelwe kabela ukwisa? “Bonse abo aba Mupokelele, kuli bena apele Ena amaka ayakwitwa abana bakwa Lesa.” Mwamona, pantu amashina yabo yali mwi Buuku, Ena aishile mukulubula ico icali mwi Buuku.

126 Mu Kusokolola, tulesanga ukutula, ilyo Ifikakatikilo fyaiswilwe, kwaliko Ibuuku. Noyo Uwaikele pa Cipuna cabufumu, Lesa, ali Likwete mukuboko Kwakwe ukwa kukulyo. Kabili takwali nangu cimo, takwali nangu umo, mu Muulu nangu mwisonde, nangu ukuli konse, uwali uwalinga ukwisa senda Ibuuku, nangufye ukulolesha pali Lyena. Yohane alilila ne likalamba . . . pantu Ibuuku lyonse ilya kulubula lyali palya.

127 Cali mukulongana inshita imbi iya bushiku, uko munyina nakashi waku Assembly of God iinon baimbile lulyo lwimbo, “Ndesunguka nga cakutula Yohane alimwene lintu amwene ifyalo fyonse nafilongana. Bushe ali mwene ine?” Mucine, alicitile ico, nga cakuti ishina lyenu lyali pali lilya Ibuuku. Kabili ilyo . . .

128 Ishina lyakwa Yohane lyali pali lyena, nao, kabili alilila pantu takwali nangu umo uyo uwinga Likumya. Kabili nombu umo uwa mubakalamba alishile notila, “Wilila, Yohane, pantu Inkalamo iya Mukowa wakwa Yuda nayansha.”

129 Kabili Yohane alelolesha mumbali ukuti amone i—inkalamo, kabili ukufuma kunuma yacipembe kwaishile Umwana wa mpaanga, Umwana wa mpaanga uyo waipaiwe ukutula ilyo mufula wesonde taulalengwa. Nomba amwene Umwana wa mpaanga uwakantaikwa nomulopa aisa, kabili Ena alishile nokubula Ibuuku ukufuma mukuboko kwa kulyo ukwa Ena, nokwita ifintu fyonse ifyali pali lilye Buuku. Lyena li Buuku ilya kulubulwa ilyapwililika. Kabili *ici* Eco. Ibuuku ilya kulubula, Ena alilubwile fyonse ifyali muli lilya i Buuku, te kufuma mwi Buuku. Icintu icili conse ico cakwete ukutendeka calikwata impela. Lelo nga imwe namukwata Umweo wa Muyayaya, imwe tamwatalile tendeka kabili tekuti mupele, pantu muli bana baume nabana banakashi bakwa Lesa, imibele ya matontonkanyo Yakwe ne Cebo Cakwe. Imwe tamwakkwata impela ya Mweo, nga cakuti ishina lyenu lyaba pali lilya i Buuku. U Mwana wa mpaanga aishile muku Lubula. Te bonse abo abalanda ukutula “bena Kristu,” te bonse abo abesha ukwikala abasuma kabili abamushilo; lelo balya abo amashina yabo yalembelwe palya, Ena alubwile cilya, kabili cilya fye ceka, abo amashina yabo yali mwi Buuku.

130 Nomba tulesanga ukutula Satana alengele Adamu ukupona, kuli cilya icebo cimo. Kabili Lesa alitwalilila nomba, mububumbo Bwakwe, ukwasha ukusanga umuntu umo uyo wingekalila ku Cebo conse. Umuntu wakwe uwakubalilapo alifililwe. Kabili uyu muntu ali nokwikala inshita yakwe, inkulo yakwe intu aikelemo.

131 Nomba, mwamona, kwaba inshita ishalekana lekana isho Lesa aseseme ukufuma kukutendeka, ico icili nokucitika fyonse ukutwalilila. Ulya e mulandu wine Ena kuti alanda impela ukufuma kukutendeka, nipamulandu Alishibe ifintu fyonse. Apangile ifintu fyonse kuli Yesu Kristu, kabili kuli Ena, kabili kukufwaya Kwakwe Umwine. Lolesheni mukuposako amano nomba. Mwilufya *ici*.

132 Nga cakutula Mose aishile nembila yakwa Noa? Cena nga tacabombele. Nga tacabombele. Iyo.

133 Nga cakutula Yesu aishile neimbila yakwa Mose? Yena nga tayabombele.

134 Nga cakutula twaisa, ukwasha ukuleta imbila yaba Methodisti, imbila yaba Baptisti, nangu imbila yaba Pentecosti? Cena tekuti cibombe. Bena bali fye bwino; nalashininkisha ico muli miniti, ku Cebo. Bena bali fye bwino munshita yabo. Ilya nkulo yalipita. Tulingile ukufwilisha ifyo Amalemba yalanda palwa leelo. Buno bushiku, filya efyo umuntu ali nokwikalila kunkulo yakwe.

Ena alyeseshe ukusanga umuntu uyo wingekala i Cebo conse.

135 Icintu cakubalilapo ico Acitile, Aeseshe Noa. Noa ali Mufililwe; alikolelwe, apona.

136 Mose, cilya iciputulwa icawamisha icikalamba icakwa Lesa, Ena alimweshe kabili ena aliponene. Alikatamike umwine, kabili tasuminishiwe ukuya mumpanga yabulayo.

137 Nomba kwaishile Davidi, ukutila Ena ali nokulangisha Iyakwe—Iyakwe. . . Imyaka ikana limo, muli Davidi, kabili Ena ali nokulangisha ifyo Imfumu Yakwe yali. Kabili Lesa alapile kuli Davidi, ena akema i. . . ukwimya Umwana Wakwe ukwikala pacipuna cakwe icabufumu. Kabili Davidi ali umuntu uwabulamba, mpaka, “ena ali muntu uwakumutima wakwa Lesa Umwine.” Kabili Davidi alecita ifisuma. Ena apumine aba Peliste bonse nokutobaula ifipailo, nokwikala ne Cebo. Kabili, mukulekelesha, umwanakashi uwaemba ali mumfwishe ububi, kabili ena aonawile amafunde, alufishe i Cebo, acitile ubucende. Mwamona? Umuntu uwa kumutima Wakwe Umwine, mwamona, Davidi ali mufililwe Ena.

138 Mose ali Mufililwe, bonse abashala bali Mufililwe, lelo imyeo yabo bonse yali fye ukulangisha kwa ulya Umo uwali nokwisa.

139 Mwi Buuku lya Kusokolola, ilyo Ndelemba, umuntu umo uyo ulepilibula nangu ukulungika amashiwi. . . Imitantikile yamisela yandi yalibipa nganshi, Nalikwata umusambi uwakanshiwa uukatantika imisela nokulungika amashiwi, akabikamo amashina yakwitilapo nefipyanihiwapo pamashina yakwitilapo pamo. Ico caba ukutila, Nshaishiba ubupusano bwacakwitilapo amashina nefipyana amashina yakwitilwapo. Lelo, lelo ena alishiba, kabili alefibikamo fyonse. . . Ninjishiba, icintu fye cimo ico Naishiba, Lesa apela Cena kuli ine kabili Ncilembafye Cena, mwamona. Kabili, bena, bafwile bafibika icakuti nga fyaya mumasukulu nefintu, bena—bena balishiba ifyakucita ifyo, kuti bacibelenga mumusango wabo uwakwiluka. Kabili nomba kalemba atiile kuli ine, nangu, ukutantika imisela, uyu muntu uuletantika bwino imisela, atiile kuli ine, atile, “Lelo, Munyina Branham, tulesanga munkulo yachalichi ca Pergamo. . . Ukutila, Yesu atile apa, ‘uyo ukacimfya, Nkamupela Ulutanda lwa Lucelo.’ Ukumupela Ulutanda lwa Lucelo?” Atile, “Nomba musango nshi engakwatilamo Ulutanda lwa Lucelo, ilyo Yesu alandile, Umwine, ukutila Ena e Lutanda lwa Lucelo?”

140 Mwamona, shonse shilye mbuto shakwa Abrahamu shilelangishiwa kuntanda. Shaliba ishampusana lumo nolubiye, kabili twalipusana umo nomubiye. Kabili Yesu e lulyo Lutanda lwa Lucelo, ulwabalikisha pali shonse. Lelo tule Musanga, mu Kusokolola 1, nentanda cinelubali mukuboko Kwakwe. Ena alelula ico, kabili atile, “Ishi ntanda cinelubali nibamalaika cinelubali kumachalichi cinelubali, nangu inkulo yamachalichi cinelubali isho shileisa.”

141 Nomba atile, “Kuti caba shani nomba, nga cakuti bakwata u Lutanda lwa Lucelo?”

¹⁴² Natile, “Intanda isho shali mukuboko Kwakwe shali fye intanda ukufuma ku Lutanda lwa Lucelo, mwamona, pantu inkombe ya bulya bushiku yalikwete i Cebo.” Kabili Ena e Cebo; akwetefye icipandwa ca bulya bushiku. Kabili abantu abali abaiteyanya ukufuma kumibombeleshe yesonde ne fintufya mwisonde, nokwenda pamo Nankwe, ukumona ukulangisha kwa Lutanda lwa Lucelo ukupitila munkombe ya ilya nkulo. Nga fintu Acitile ukupitila muli Noa kabili ukupitila muli Mose, kabili nefyaba ngefyo, nge fyo Alangishe Icipangano ca Kale, mukulekelesha bonse balifikile kuli Umo. Kabili efyo cikaba napampela yankulo shamachalichi, conse cikabwelela kuli Yesu, ukutila Ena e Cebo.

¹⁴³ Ifwe pamo nga bena Kristu tulemulangisha fye Ena. Umweshi ulangisha fye akasuba, ilyo takalipo. Kabili uwacetekela alangisha fye Umwana wakwa Lesa, ilyo Umwana wakwa Lesa talipo. Cena Lubuuto lwa Baibele, Amalembo, ukushininkishiwa mumyeo yesu, i Cebo ico cilenga Ulubuuto mumfifi. Imwe muli nyali ishaaikala palupili. Kalya te kasuba; kena ninyali. Inyali isenda fye icifulo cakasuba, ilangisha fye umusango umu walubuuto. Ifwe tuli bana bakwa Lesa, ifwe tuli bana baume nabana banakashi bakwa Lesa, kano fye ku Mupashi neciputulwa. Ena alikwete Cena ukwabula iciputulwa. Ifwe tuli lutanda ulu lulebalika, ifwe bonse capamo tulepanga Ulubuuto kwisonde, lelo Ena e Mwana onse uyo ulangisha u Lubuuto ku lutanda lonse. Alleluya! Ine nali Mucetekela. Lesa afweni ukukana cetekela kwandi!

¹⁴⁴ Mukulekelesha, uyu Umo uwapwililika alifikile. Nomba, Ena afikile kukweshiwa mucikomo conse nge fyo ifwe tutunkwa. Baibele itila Ena ali. Ena alyeshiwe nga Noa. Ena alyeshiwe nga Mose. Ena alyeshiwe nga bonse abashala. Nga twalikwete inshita iya kulondolola cilya nokumulangisha, lelo tatukwete, pantu Nshilefwaya ukusenda inshita yenu iikalamba. Lelo, ukucibika mufipandwa nokumulangisha, Alyeshiwe mumusango umu wine.

¹⁴⁵ Satana tacinja ubucenjeshi bwakwe, nangula Lesa, acinjafye inkulo. Lelo cinshi. . . Satana aingile kunuma kulya, kulupwa ulwakubalilapo ulwakwa Lesa, pesonde. Uyu apa munyina, nkashi. Mwifilwa ukumfwa ici. Musango nshi Satana asendele ulupwa lwa ntanshi? Alifililwe ukulutoba mushila imbi kanofye ukuleka i Cebo catobwa, pantu bali abacingililwa kunuma ya cilya Cebo. Nga kuti asenda fye apali icipunda pamo!

¹⁴⁶ Enshila aikatilamo ichalichi munkulo yonse, alikata uwacetekela onse, atintafye palya pashala icipunda. “Ukuba, Nde—Ndecetekela Baibele yalilungama, lelo Nshacetekela ico.” Oh, aile kulya. Cabipa nganshi, lelo alile kulya.

“I Cebo conse icifuma mukanwa kakwa Lesa!”

147 Nomba cumfwikisheni ici nomba. Nomba Ena mukulekelesha, uyu Umo uwali, afikile kabili alingile ukweshiwa filya fine fye nga bonse abashala baeshiwe. Nomba moneni ifyo Satana apuma pakupanga ukusansa kwakwe konse, cimo cinefye cila nshita. Nomba alyeseshe ukumupela Ena umukate wacifyalilwa, nga filya fine acitile kuli Efa. “Nga uli no kulya *ici*, senda *ici*,” nangu icintu cimo nacimbi, ena nakwata cena.

148 Kabili ifyo eflyo acita kukabungwe konse, ifyo eflyo acita kumuntu onse, esha ukumipela ifyacifyalilwa eflyo mwingaloleshako. Kabili ico cilekufumyako! “Ukuba, lolesheni kuli ici chalichi icikulu icikalamba! Mulandu nshi, bena balikwata bamillioni abengi nganshi muli cena! Ichalichi cesu e chalichi icikalamba nganshi mumusumba. Ukuba, ifwe, mwine mushi esa kuchalichi cesu. Mwamona fyonse ifyo! Kakumba wesu alikwata—digri uwa D.D., L.D., Ph.D! Ico, ukuba, ico, ukuba, ena aliba umuntu uwacenjela.” Shimapepo waku Katolika kuti aisa nokumufimba, inshita yonse, nama digri yakwe. Alikwata amabuuku yamo amakumi mutanda na yamo ayaibela ayo alingile ukwishiba bwino bwino nganshi nga fintu mwaishiba Baibele, kuli digri yakwe pakuaba shimapepo, eico mwilaesha ukupashanya amasambililo.

149 Ico caba fye nge sonde, lyonse caba ukwasha ukupashanya. Mwilapashanya nefintu ifya mwisonde. Mwilapashanya namachalichi. Pashanyeni na Baibele! Ico eco tulecita ileelo. Bulya e bwaba ubwafya naifwe amachalichi ya Pentecosti. Bulya e bwaba ubwafya nabakemba besu ababa bane nokwimba, kabili nafimbipo, nge fyo twakwata, tuleesha ukucita nga Hollywood. Hollywood alabeka; i Mbila nsuma ilaka. Kwaliba ubupusano pakubeka nokwaka. Mwamona? Hollywood ilabeka nefyakufwala, naba Ricky naba Rickettas, naba makwebo. Lelo Lesa mukuicefya alaka mukuicefya kwawacetekela, temulandu ifyo aba uwakukana ishiba. Alaka mukuicefya, tekubeka kwamu Hollywood.

150 Moneni, aeeshe ubwile bwakale pali Yesu, icintu cimo cine ico acitile nakuli Mose, icintu cimo cine ico acitile nakuli bonse abashala. Aliceseshe. Kabili ali nokwasha ico pali iwe, ukulenga iwe upokelele icintu cimo icikalamba nganshi ico icimoneka icabengeshima.

151 Cilenjibukisha ilyo Nalelunga, tucanga, bacanga. Nalebula...Ba taata, ba taata bandi, balebomfya fwaka. Nshishibe nga cakutila imwe mwalishiba fimo filya balebika pali fwaka. Ine nalefibula, nabula nomulando nokufukulamo icipunda muli wena, palya pene ukushinguluka akamana kafimbwa nefimuti apo canga aciba alebutuka. Kabili nomba Naleimbamo icipunda mulya, nokubikapo ici icishibilo cafwaka palya. Kabili nokupopamo insunga, shileya kwati *ngefi*. Kabili nacanga lyonse afwaya ukusanga cilya icintu icilebengeshima.

Kabili eico lintu umweshi watula, kabili abutukila ukuya palya, alolesha palya, aingishamo ukuboko mulya ukuti abule. Kabili kuti afilwa ukucilekelako.

¹⁵² Aba kwati niba membala bamo abamu chalichi. Nangufye naishiba ukutila nabamwikata, tekuti acilekeleko. “Nga cakutila Nacita, bali nokuntamfya muabungwe.” Ico fye emfwa yakwe, epela. Nacilungama. Moneni. Palya ena alekatilila pali ico, tekuti acilekeleko.

¹⁵³ Nomba Satana aeseshe ubwile bumo bwimo ubwakwe pali Yesu, iyo aeseshe pali bonse abashala. Aeseshe ukumulenga Ena ukulya icintu cimo kulubali lwa Cebo Umukate. Pantu, Yesu atile, “Cena calilembwa, ‘Umuntu tekuti abe no mweo ku mukate weka.’” Mwamona? Aeseshe uku Mulenga ena ukumunakila. Ukupitila muli ico, icalemoneka icisuma icayemba, camoneke kwati kuti Ena ailisha Umwine eka, kabili nga Ali citile ico. Iwe naukwata. . .

¹⁵⁴ Imicitile yobe kuti yaba munshila yonse iwe wingafwaya, pamo. Kutu wacita Ico nangu kuti wakana ukucita Ico, pali cimo ico iwe wingafwaya. Nomba nga cakutila ulya canga alikwete amano ayakalamba ayakutifye, oh, aisala ukuboko kwakwe kunuma, kuti atinta ico panse nakabili; lelo tekuti acite ico, ena kwikatililafye umwine palwakwe palya. Kabili iyo enshila abengi abena Kristu ababafye bacita, pamo. Tabafwaya ukumfwa nangu cimo palwa Ico, tabafwaya ukwisa nokumfwa Ico. Tabafwaya nangu palwa Ico. Batwalililapofye kuntanshi nokwikatilila kuli ico nomba, mwamona, kuti mwasanga icacitike.

¹⁵⁵ Nomba moneni, baeseshe ukumulenga Ena ukulya icintu cimo kulubali lwa Mukate wa Mweo untu umuntu onse afwile akwikalilapo. Lelo Yesu aikele ne Cebo cakwa Wishi. Oh, ena tauminemo muli Efa nomba, tauminemo muli Mose, tauminemo muli bonse abashala. Aumine pali Umo uyo uwali nokulangisha i Cebo cakwe conse. Mwamona, Ena, uyo wine emulandu, Ena ali ni Cebo. Lelo Yesu aikele pamo ne Cebo, akene ifye sambililo fya bukapepa bwakwe ifyaku seminale, ee, mukwai, ulubuuto lwakwe ulupya, ukwishiba kwakwe ukwacilapo. Afililwe ukucitwala pali Yesu kwati nga fintu atwele ico ukucifumya pali Efa, ukumulangisha, “Oh, icine cine, mwe Lesa. . .”

¹⁵⁶ “Oh, icine cine, Lesa kuti aba muli ici nga cakutila ifwe twaba capamo kabili nokupanga Icisaka conse ice Sonde ica chalichi. Icinine cine, Lesa kuti aba. Afwaya ukwikatana bu umo kabili Afwaya bu munyina.” Pamo na Ena umwine, tekuba ne sonde; bu munyina pamo na Ena umwine, ukulapepa kuli Ena umwine. Ico eco Afwililepo, ukutila imwe mwingalapepa Ena. Nga lyonse, nga cakutila ena tekuti akwate. . .

Nomba tulesanga ukutula alifililwe. Yesu abwelelemo kuli ena, na EFYA SOSA SHIKULU.

¹⁵⁷ Nomba lintu amona ukutula uwacetekela...Amona uwacetekela aisa muli ifi fintu fimo fine ifyalekana lekana nomba, cila umo pali imwe. Lintu ena amona (ena) ukutula iwe walaikala pamo na Baibele, “Ee, Nacetekela Baibele. Ine teti njapanye ku cakucetekela kabili necintu ukufuma muli ico. Ine ndi nokwikala pamo na Baibele.” Kabili, nga lyonse, nga cakutula tekuti akulenge iwe ukucetekela, u—ukwikala mu Cine icituntulu kabili nokucetekela i Cebo, Ndefwaya imwe mumone ico acitile kuli Yesu, mu muku wa cibili, nga cakutula tekuti abule iwe. Utile, “Ine nshayapanye ku cakucetekela icili conse. Ine nshacite ico. Ndi, Nafyelwe umuntungwa, Ndi nokwikala pamo na Cena. Ine nalacita *ici, cilya*, nangu *cimbi*.” Mwamona, “ukuyampanya ku chalichi,” kabili “iwe waisa nokuyampanya,” kabili ne cintu cimo cimbi; ena tekuti akulete ukucita ico, nomba ali nokucitapo icintu cimo cimbi kuli iwe. Oh, munyina, mona ici.

¹⁵⁸ Nga cakutula tacitile, nomba ali nokukutuma iwe ukufuma ukuya ku seminale yakwe, nokufundwa kuba bukapepa bakwe, mwamona, apo Satana aba kelula. “Oh, inshiku shafisungusho shalipita. Abantu kulya, Nalibakwata... ukuba, ilyo libumba lya babufi. Bena, tababa ifyo, mwamona.” Ena ali nokutuma iwe kulya.

¹⁵⁹ Oh, iwe limbi kuti watila, “Lolelako pakashita akanono Munyina Branham! Pakashitafye akanono nomba!” Ee, natulolelefyeye pakashita akanono, mwamona. Iwe watila, “Iwe taufwile nakabili ukucita ico? Bushe tatufwile ukucita ico?” Iyo, mukwai. Iyo, mukwai.

¹⁶⁰ Lelo Yesu atile, “Lintu Ena Mupashi wa Cine ali nokwisa, mwamona, Akesa leta ifi fintu ifyo Ine nafundisha, ukufileta mukwibukisha kwenu, mu Cebo. Kabili Ali nokumilangisha pamo ifintu ifili nokwisa.” Ico e Chalichi icituntulu icaisulamo no Mupashi nomba, cikala pamo ne Cebo, cilangisha i Cebo, Lesa pa calo. Mwamona? Ena tafwaya uuli onse uwa fyamapepo, pantu i Cebo Cakwe tacakwata ubupilibulo ubwa pambali ubwa ibela. Alapilibula i Cebo Cakwe Cine, ukupitila mukulangisha Cena nokushininkisha Cena, Ukutula e Cine.

¹⁶¹ Lintu ichalichi ca Methodisti camwebele ukutula tamufwile ukupokelela Mupashi wa Mushilo nga fintu bapokelele pa Bushiku bwa Pentecosti, bushe mwalikutikeko kuli ico? Icine cine tamwacitile ico. Mwatwalililepofye nokukwata Mupashi wa Mushilo, nangu cibe ifyo. Mwamona? Pantu u . . .

¹⁶² Ine twalelanshanya pa—pali bulesa patatu pamo na—na kapyunga wamu Baptisti, ubushiku bumbi, kabili Namwebele ukutula ico califye lishiwi. Kabili eico twaishile sanga ukutula, atile, umbi kapyunga munono kulya ukufuma ku seminale,

atile, “Lelo, Mista Branham, iwe uleesha ukulenga abantu ukucetekela bukapapa bwabatumba.”

Natile, “Icine cine, umofye palya ni.”

Kabili atile, “Mukwai, ni kwisukuulu nshi waileko?”

¹⁶³ Natile, “Ni pamakufi yandi, munyina wandi. Teku... Mwamona, uko eko Napokele, tekusambilila kwa mapepo, lelo kufukama.” Natile, “Palya epo Ine na Musangile.”

¹⁶⁴ Kabili atile, “Mista Branham, ukubatishiwa kwa Mupashi wa Mushilo, nga fintu bakwete pa Bushiku bwa Pentecosti, iwe ulesha ukulanda ukutula ico bushiku bwa leelo?”

¹⁶⁵ Natile, “Baibeke yatila, mukwai, ukutula i... ukutula Yesu Kristu aba cimo cine mailo, ileelo, no muyayaya.” Natile, “Ulya ni Yesu Kristu uwaishile pa Bushiku bwa Pentecosti.” Oh, ee.

¹⁶⁶ Iyo, Umo wine! “Cibe pakashita akanono, Nalapepa kuli Taata, Ali nokutuma kuli imwe katalalika umbi, uyo uuli ni Mupashi wa Mushilo. Pakashita akanono kabili isonde talili noku Mona nakabili, Ine nakabili; cibe imwe muka Mona, pantu Nkaba pamo naimwe, nangufye muli imwe, ukufika, kukupwa kwe sonde.”

¹⁶⁷ Natile, “Ee, e Ulya uwaishile pa Bushiku bwa Pentecosti. Ee, mukwai. Alishile, nokwikala muli bena, moneni, mu mibele ya muntu Mupashi wa Mushilo, Yesu Kristu mu muntu Mupashi wa Mushilo, nga fintu twakutuluka pali bu Lesa.”

¹⁶⁸ Nomba moneni, Satana tafefwaya ukusambilila kwa bukapapa bwakwe, ukusambilila imipepele. Kabili uyu umuntu atile kuli ine, atile, “Mista Branham,” atile, “Nalukulenga iwe ukutula ukutuluke, Ine nafuma kwisukuulu limo, kabili ifwe twalikanshiwa.”

Natile, “Ndomfwa ubutantiko bwenu, inshita yonse.” Mwamona?

Atile, “Ifwe twalikanshiwa kulya.” Atile, “Kulya ulubatisho lwa Mupashi wa Mushilo lwali lwa basambi beka.”

¹⁶⁹ Natile, “Baibeke yatila mwali ‘umwanda umu namakumi yabili’ mu muputule wapa muulu.” Kabili Natile, “Nomba ni nani uwalungika, iwe nangu i Cebo?”

¹⁷⁰ Kabili Natile, “Kabili nomba, pamo, lintu Filipino aile kulya nokushimikila ku bena Samaliya, kabili ababatishe mwi Shina lyakwa Yesu Kristu, lelo Mupashi wa Mushilo ali talaisa pali bena cibe, pantu Petro alikwete imfungulo. Eico atumine ena ukuya ku Yeresalemu nokuya sanga Petro, uyo uwaishile nokwisa bika amaboko yakwe pali bena, kabili Mupashi wa Mushilo aishile pali bena. Baibeke itila, ‘Mupashi wa Mushilo!’”

¹⁷¹ Natile, “Nomba Petro, pamo ne cimonwa, ne mfungulo, aile mu ng’anda yakwa Koneli, Imilimo Yabatumba 10, fote naini... Kabili ilyo acili alelanda ifi ifyeko, Mupashi wa

Mushilo aponene pali bena. Pantu baumfwile bena balelandila mu ndimi, kabili—kabili—kabili ubusesemo, bwakushishe Lesa. Nomba Petro atile, bushe kuti twalesha amenshi, ukutila aba tabafwile ukubatishiwa, ukumona ukutila nabapokelela Mupashi wa Mushilo nga fintu twacitile ku kutendeka? Kabili abebele ukubatishiwa mwi Shina ilyakwa Yesu Kristu.’

¹⁷² “Tulesanga, imyaka amakumi yatatu kuntanshi, Paulo alepita palumba lwa pamuulu mu Efese, asangile bamo abantu ba Baptisti abakwete ukupuputulwa ukukalamba. Nefintu ifikalamba fyaletwalililapo. Balebilikisha, balelumbanya Shikulu. Kabili Paulo atandalile ichalichi ukwali abantu amakumi yabili abalelongana, umo Aquila na Priscilla balongene; uko Apollos, ndubulwila uwapilibwilwe, ukushininkisha ukupitila muli Baibele ukutila Yesu ewali Kristu. Kabili bakwete ukusangalala ukukalamba, no kulongana ukukalamba. Paulo alepita mupepi, aishile pitapo panuma ena. . . Shikulu amupuswishe ukufuma mu cifungo; pa kutamfya umupashi, ciwa ukumufumya muli kasobela wafya kuntanshi. Kabili nomba aishile ukupitila mulya, mu mulimo wakwa Shikulu, kabili aile sangwako mukulongana. Kabili atile, ‘Uyu umuntu muntu umukalamba, nacilungama, lelo,’ atile, ‘bushe mwalipokelela Mupashi wa Mushilo ukutula apo mwacetekele?’ Acetekele ukutila imwe mwapokelele Wena lintu mwacetekele. Lelo atile, ‘Bushe mwalipokelela Mupashi wa Mushilo ukutula apo mwacetekele?’ Atile, ‘Tatwaishiba nga cakutila kwaliba Mupashi wa Mushilo uuli onse.’

¹⁷³ “Atile, ‘Nomba nimuli cinshi mwabatishiwemo?’ Ilyo elyali ilipusho. Atile, ‘Ifwe twalibatishiwa, umuntu ulya umo wine uwabatishe Yesu: Yohane. Ifwe twabatishiwa mu lubatisho lwakwa Yohane.’ Mwamona? Atile, ‘Yohane abatishefye ukulola ku kulapila, tekwelelwa kwa membu.’ Yohane. . . pantu u Mwana wa mpaanga ninshi talati epaiwe. Atile, ‘Yohane abatishe ukulola ku kulapila, ukumona ukutila imwe mufwile mwacetekela pali Ena pali uyo uwali nokwisa, pali Yesu Kristu.’ ‘Kabili lintu baumfwile ici, bena babatishiwe mwi Shina ilyakwa Yesu Kristu. Kabili lintu Paulo abikile amaboko yakwe pali bena, kabili na Mupashi wa Mushilo aishile pali bena, kabili baseseme nokulandila mu ndimi,’ imyaka iingi kuntanshi.”

Kabili Natile, “Ukulundapo, bushe mwalicetekela Baibele?”

Atile, “Icine cine.”

¹⁷⁴ Natile, “Petro, pa Bushiku bwa Pentecosti, lintu conse ici caumfwikike konse mu calo, kabili bonse balebilikisha no kulumbanya Lesa, batile, ‘Mwe baume naba bwananyina, cinshi ico twalacita ukutila tupusuke?’ Petro atile, ‘Lapileni, cila umo pali imwe, kabili nokubatishiwa mwi Shina lyakwa Yesu Kristu pa kwelelwa kwa membu shenu, kabili imwe muli nokupokelela icabupe ica Mupashi wa Mushilo, pantu ubulayo buli kuli imwe

nakubana benu, nakuli bonse abakutali, nangufye kubengi abo Shikulu Lesa ali nokwita.' Imyuulu napano isonde pali nokupita, lelo cila i Cebo tacakatale acifilwa!"

¹⁷⁵ Imwe ba pentecosti tamwaumfwileko kuli ba Methodisti, ba Baptisti, nangu ba Presbyteriani. Mwalishibe ukutila Ico cali ca kunkulo yonse, kabili mwaingishemo muli Ico. Icine cine. Nomba, imwe tamufwilefye ukuleka ukutwalililapo palya pene, imwe kutwalililapofye ukuya, mwamona.

¹⁷⁶ Apo epo ba Methodisti bapangile icilubo cabo, batwalililepo ukwingila mukusangululwa lelo balekele. Ba Lutherani batwalililepo ukwingila mukulungamikwa lelo balilekele. Mwamona, nomba ico ca ampenye ico, kabili palya pene califwile. Iyo eyali ni mpela ya ico. Iyoine eyali yonse impela ya ico.

¹⁷⁷ Moneni nomba lintu tuleya tuleangufyanya ukupwisha. "Lintu u Mupashi wa Cine ukesa, Uli nokumifundisha ifintu fyonse, conse ico Namifundishe," oh, owe, "ukukwata conse icakwibukisha kuli imwe, ico Nalanda kuli imwe, ukuleta kuli imwe, conse icakwibukisha. Kabili Ali nokumilangisha ifintu ifili nokwisa. Ali nokushininkisha i Cebo conse, ukushininkisha i Cebo pamo ne fishibilo ukulakonka." Icintu conse ico Alaile, ico Lesa alaile muli Baibele, nga cakutila imwe mwafumako kufyakusuminamo fyonse ne fintu fyonse fimbi, kabili ikatilileni ku Cebo, Lesa ali uwashingamwa ukusakamana i Cebo Cakwe. Kabili eico lintu bacitile ici, i Cebo cailangishe icine pa Lwaciko.

¹⁷⁸ Ena takabila umuntu nangu umo ukutila, "Ukuba, inshiku sha fisungusho shalipita."

¹⁷⁹ Ninani uyo umutu uwinganjeba ukutila inshiku sha fisungusho shalipita, lintu Ine pa nshita imo nali umuntu impofu? Alleluya. Ine panshita imo nalele palya ba dokota bampele ama mineti yatatu ukuba no mweo, kabili Ine ndi umweo ileelo. Kuti banjeba shani icintu icili conse icapusanako? Panshita imo nali membala wa chalichi ca cifule fule, nomba nalisulamo na Mupashi wa Mushilo. Lesa takabila uwakwilula uuli onse. Umupashi pa Lwauko, uyo uwaba i Cebo, ululela ico ukuba i Cine. Nga cakutila umuntu kuti afwaya ukwiminina nokubula Ico. Aliba kelula pa Lwakwa umwine Eka. Muka Mweshe pa nshita imo, nokusanga nga cakutila ico tacili icalungama. Tamufwile ukukutika ico umuntu onse alelanda. Kucitafye ico Lesa alandile ukutila mucite.

¹⁸⁰ "Ukuba," imwe mwatila, "Ndacita ici." Ukuba, nga palwa cimbi, i Cebo conse? icebo Cimo cilaputula umunyololo.

¹⁸¹ Palya epo amamchalichi lyonse yafilwa, palya pene pali ulya munyololo. Bena balacampanya nokusenda icintu capamo, nokupanga icilonganino icikalamba. Aba bantu besa capamo, Tata uwa Mushilo *Wakuti-na-wakuti* kabili Dokota Bishopo *Wakuti-na-wakuti*. Kabili ni cinshi icintu icantanshi

ico mwakwta? Mwacimona ico. Mwafwa palya pene. Ifwe twalacishininkisha kucifyalilwa kabili ne Cebo, nga Shikulu asuminisha, mumaminiti ayanono. Cisuma.

¹⁸² “Ukuleta ku kwibukisha.” Alashininkisha i Cebo conse, kabili twikalila kuli Cena. Alleluya! Ukwikalila kuli Cena! “Umuntu akekalila ku Cebo conse, i Cebo conse icashininkishiwa.” Yesu atile, “Ifi ifishibilo fikakonka abo abacetekela. Fikakonka abo abacetekela!” Ikatilileni kuli Cena; Lesa ala Cishininkisha, ukutila Cena Cine.

¹⁸³ Uko, ama seminali nabakasambilila wafyamipepele, abaputwamo na Satana, batila, “Imwe tekuti mucetekele Ico. Ico cabatumwa. Inshiku shalipita. Takwaba icintu camusango ngoyo. Cilya cali fye cababatumwa, ukushininkisha i Mbila nsuma lilya. Ifwe twalikwata abasambilila abantu ileelo.”

¹⁸⁴ Bena balikwete ukusambilila ukwacilapo ukucila ifyo twakwata nomba. Njebeniko chalichi icili conse icingeminina pamo na ilya, ulya Sanhedrini, uko bawishi babawishi babawishi babawishi babawishikulu balingile ukuba bashimapepo, ababatangilile bena. I Cebo cimo icishalungama muli ulya, muli ulyo mufungilo, nangi, mulandu nshi, bena—bena kuti babapola amabwe pali cena. Bena bali nokwikalafye abalungama. Lelo balilufishe ukumona Uluseke ulwa cine ulwa Cebo ilyo Cena caishile, Umweo. E mulandu wine babasusishe nokubeta “ababomfi bakwa Satana.”

¹⁸⁵ Mwamona, ico tacilelangisha i Cebo cakwa Lesa, ilyo kasambilila wa seminali amweba ukuti, “Mupashi wa Mushilo tewa buno bushiku. Kabili ifi fintu, fyonse filya ifyabundapishi bwamaka yakwa Lesa, fyabushiku bumbi.” Mwamona, cena tecakulangisha icafuma kuli Lesa, cena cakulangisha icafuma ku—ku cisumino. Cakulangisha icafuma kwisambilisho ilyaba kunse ya Baibele.

¹⁸⁶ Aba Hebere 13:8 itila, “Ena aba cimo cine mailo, ileelo, nomuyayaya.” Yohane Washila 14:12, itila, “Uyo uwacetekela muli Ine, imilimo iyo Neita nao akacita.” Nomba musango nshi muli nokusenda ico Cebo ukufuma palya, musango nshi muli nokulundako icintu cimo mucifulo ca Ciko? Nga mwamokaula umunyololo wa Mweo. Umuntu ekalila ku Mukate weka, Umukate, Umuyayaya ekalila kuli ulya Mukate. Mumubili, ekalila kuli uyu mukate. Kwaba imikate ibili. Mupashi wa Mushilo, Mupashi wa Mushilo ali muli imwe, aletila “ameni” ku Cebo conse icakwa Lesa, nga ulya Mupashi wa Mushilo. Nomba Ndefwaya ukumwipusha icintu cimo. Nomba ici ciputulwa icakosako.

¹⁸⁷ Bamayo balenpela amafuta yamono ilyo Nali umwaice. Kabili Ine—Ine ndafilwa ukushipikisha kucena ica filya fintu, lelo. Mwamona? Twakulile mubupina, bamayo baleipika impapa shanama nokutupela. Twaleshifumya kwisamba ku. . . ukufuma

kuli bankashi abakalamba abaleitwa ba Goodwin, uwakwete icikulwa cakupangilamo imikate kulya, kabili aleoca inama nefintu, nokuipela. Twalebula ubunga nokusenda amafuta nefintu nokupanga umukate wesu uwapangwa nobunga. Kabili twalelya mububusu, emulandu wine twalekwatila ubulwele bwampepo nefyaba ngefyo, ifikuko. Lelo bamayo nomba, cila Cibelushi munshita yabushiku... Ifwe—ifwe tatwalelya ifyakulya ifyayana nokusunga ubumi, eico bena baletunwenshamo bonse amafuta yamono. Kabili Na—Naleikatililafye umona wandi nokupunda, Naletila, “Mayo, ayo yanenga ukulwala nganshi.” Baletila, “Nga cakutila iwe taulwele, yena ninshi tekuti yakucitile icisuma.” Eico, nalimo yali nokubomba muli uyu musango. Nomba musango nshi. . .

¹⁸⁸ Nalamwipusha icintu cimo. Kuti umwaume nangu umwanakashi uyo uulanda ukutila alisushiwamo na Mupashi wa Mushilo, ico icili i Cebo (ico nacilungama?), kabili musango nshi imwe mwingaba umubili wa ulya Mupashi wa Mushilo, amulenga imwe ukuba iciputulwa ca Wena, ukulangisha i Mbila nsuma yankulo yenu, kabili ukukana i Cebo ico Ena alembele?

¹⁸⁹ Nshilesakamana ifyo mwacenjela. Cinshi, kuti Namutwala ku Africa, ku—kuli ba Hottentoti kulya, nokumulangisha umweo uo umwina Kristu teti afikeko. Nangula nga kuti baikatwa mubucende; nga umo uwamubanakashi, ilyo talaupa, umwanakashi uwacaice, alingile ukweshiwa intanshi pali buna cisungu. Nga cakuti asangwa nomulandu, afwile alanda umwaume uwacitile ico, kabili bonse kubepaila pamo. Nga cakutila ico cacitike mu United States, uyo uwingashika ifitumbi fyonse, mwamona? Eico, eico mwacimona ico, mwamona. Kabili bena basenshi, moneni imibele isuma. Mwamona, eico imwe tekuti muceshe kuli ico. Munyinefwe Nsamya pano kuti amweba nomba, ba Mohammedani nalimo balekala ubwikashi ubwawamisha nganshi ukucila ubo twatala tontonkanyapo.

¹⁹⁰ Lelo cena ni cinshi? Cena Cebo ico cipela ukweshiwa. Balya aba Fariseo bali imiku ibili abapetama nga Yesu. Alile aleshinguluka alelepaula amachalichi yabo, nokubaposa panse, nokuboma, nafyonse ifyapala ngefyo.

¹⁹¹ Kabili uyu shimapepo umukote uwabulesa, namwishiba, mulandu nshi, uyo wali...Nga Nalikwete ukulongana uku Mususha, muno lucelo; Kuti natila, ninani uwaishile kuli imwe lintu mwalwele, nokumipepelako? “Ulya shimapepo mukalamba uwabulesa.” Nani uwaashimishe bataata indalama ilyo ifilimwa fyabo fyakene ukukula? “Ulya shimapepo umukote uwabulesa.” Uyo uwaipele kuli Lesa, kumweo wa mulimo? “Ulya shimapepo umukote uwabulesa.” Ali ni nani, ilyo mwali mucifungo, uwaleisa mukumitandalila? “Ulya shimapepo umukote uwabulesa.” Kabili uyu cisanguka uwitwa Yesu, cinshi ico Acita? Aitile kakumba wenu “insoka”! Mwamona? Mwamona, cena tacaba kufisabo.

192 Caba ukupitila mu Cebo. “Umuntu takekalile ku cisabo ceka, lelo ku Cebo conse icifuma kukanwa kakwa Lesa.”

193 Kabili Ena ali cilya i Cebo. Bena balifililwe fye uku Cimona. Filya eflyo Alingile ukucita. Bena bafililwe ukumona ico, pantu bena tabalashikilwe kukumona ico. Atile, “Iwe tekuti wise kuli Ine.” Lolekesheni kuli balya aba Yuda ababusu, amenso yabo yalipofushiwe. Mucine, Ena alicicitile. Ena alibapofwishe, Umwine.

194 Tontonkanyeni pafyo cingaba ukuba uwapofula. Mulingile ukulatotela Lesa pafyo mwakwata mu Malembo. Nomba moneni.

195 Nomba, Ena, Ena ali ici Cebo. Nomba, panuma ya ici, Ena alyeshiwe. Ukweshiwa kwakwa Yesu. Nomba ifwe tulepita muli ifi.

196 Mwamona, cena tacilelangisha i Cebo lintu umuntu onse atiila, “Ukuba, Ico cali ca munkulo imbi,” pantu Baibele itila Aba cimo cine mailo, ileelo, no muyayaya. Ifyo Mupashi wa Mushilo muli imwe engalanda ukutila muli abaisushiwa na Mupashi wa Mushilo?

197 Nomba bushe kuti Namucena panono? [Ulukuta lwatila, “Ameni.”—Kale.] Bushe cili fye bwino? Imyeni amaboko yenu. Tamwamfulilwe? [“Iyo.”] Nga cakuti mwafulwa mufwile mwafulwa.

198 Musango nshi imwe mwe banakashi, nemishishi iya beyewa, njebeni ukutila muli abaisushiwa na Mupashi wa Mushilo? I Cebo cimo! “Oh, Nalandile mundimi.” Ico tacilepanga ubupusano nangu bumo. Nalimona ba shing’anga ukulandila mundimi, ukwilula, ukubilikisha mumupashi, ukushana mumupashi.

199 Musango nshi mwebaume mwingaita ukuba umutwe wa ng’anda, kabili muleleka umukashi wenu ukufwala utuputula nokuba fintu aba, ukuita mwebene abena Kristu?

200 Imwe bakakumba kuti mwalollenkana shani na Lesa necintu icaba ngefyo, ukwabula ukwiminina nokucisusha? Imwe tekuti mubalenge ukucita ico. Lelo muleya mukushimikila ifyo fine, tamwakabeko muserminali inshita iitali nangu nebumba. Mufwile mwakwata abakubomba nabo ukufuma kuncende imbi. Twalaisa muli cena, mukashita fye, Shikulu ngasuminisha. Mwamona?

201 Lelo mwacimona ico. Mwiesha, Nshiminine pakumulenga ukumfwa ububi. Nalimutemwa. Uyo e mulandu wine. Nga—nga mwaleelela pa mumana, kabili Namwene ukuti mwalanwena, kuti Naba umuntu umubusu, ukutila, “Ukuba, ba umuntu musuma, mutemwikwa.” Ulingile ukubasoka. Ico nacilungama. Bebeni!

²⁰² Nga fintu Nalandile inshita imbi iyabushiku, nga Ndi mwina Kristu, Ningile ukwishibikwa ne mibele yonse iya Baibele. Naiminine pamo na Noa nokushimikila pamo nankwe, muli shilya nshiku, nokusoka abantu. Ico nacilungama. Naliminine pa Lupili lwa Kamele, neka, na Eliya. Naiminine pa Kalbale, nokutanikwa kuli ine nemwine namatontonkanyo yandi, pamo na Ena. Lelo nomba nakabili, Nabukile pamo Nankwe pe Pasaka, mukucimfya pafintu fyonse. Bonse bumubili bwabuntunse bwa mwisonde, bwaimine pamulu waico, muli Ena.

²⁰³ Moneni, cena tacilelangisha i Cebo nomba, iyo, cena tacishininkisha Cena. Nomba, lelo nga mwalicetekela i Cebo, Lesa ali noku Cishininkisha, Umwine, nga fintu Acitile muno muli Yesu.

²⁰⁴ I Shiwi Umukate lyonse lipilibula ukuliiwa. “Kabili umuntu takekalile ku mukate, ngo uyu mukate, weka, lelo ku Cebo conse.” Eico Umukate i Cebo, sungeni ico mumano, uyu e uyu Mukate uo chalichi ukupita muli cila nkulo calyapo, cali Manna uwafishilwa kacimfya fye eka. Mu Kusokolola efyo calanda. Nomba Nshikwete inshita iyakulondolola ici cintu conse, pantu nalimo Nkwete amaminiti na yambi amakumi yatatu. Lelo, moneni, ilyo uwa mushilo—ilyo manna wamushilo wawile ukufuma ku Muulu, ico cali icipasho ca Mupashi wa Mushilo. Muli nokusuminishanya pali cilya.

²⁰⁵ Lesa aebele Mose ukuya kunse nokusenda imbeketi iya iyo, kabili nokuibika mu Mushilo wa mushilo. Pantu, nga cakutila tababikile mulya mu Mushilo wa mushilo, yena yalebola. Bushe ico nacilungama? Imyambo yaingile muli yena. Nomba Atile, “Lelo bika mu Mushilo wa mushilo, mumbale, ukutila cila nkulo;” iileisa, panuma ya bulya bushimapepo, ilyo muntu aisa mukuba shimapepo, ku kupyungila i Cebo, icakubalilapo eco acita, panuma yakulashikwa, kuya nokusenda ulupi ulwaisula iyakubalilapo nokuilya.

²⁰⁶ Ico cali ukwimininako lulyo Lubuuto muminwe Yakwe, munkulo yachalichi iipya, ukulangisha Ulubuuto Lwakwe, Manna; kabili umuntu fye eka uyo uwacimfya mukupwililika, umuntu uwikala mucine nokuposa ifintu fyonse kumbali ya Cebo. Kabili i Cebo e ulya Manna. Oh, owe, cena ni Yesu! “Umuntu akekalila ku Cebo conse icifuma kukanwa kakwa Lesa.” Ulya ni Manna uwafishilwa kacimfya, oh, iyabikilwe cila—cila bushimapepo, ukuukonka cena.

²⁰⁷ Amasukulu ya masambililo yafyamipepele, akale, nayafumyapo ici Cintu icapalwa ku bwafya bwa musunga. Ico cili bwino bwino icalungama. Ee, mukwai.

²⁰⁸ Nga fintu Esau acitile. Nomba, Esau, mumibele, ali umuntu umusuma ukucila Yakobo, lelo ena takwete umucinshi ku bubeli bwakwe ico cali Cebo. Nibanga abaishiba ico,

insambu shacifyalilwa cali Cebo, ubulayo, umwana mwaume umukalambapo? Lelo aali muntu umusuma, umuntu uwamibele isuma, nga, oh, ngo mwina Kristu uuitunga ukuba ileelo, umuntu musuma. Tabepele. Taibile. Ali umusuma kuli ba wishi. Alicitile fyonse ifi fintu. Lelo, mwamona, insambu shacifyalilwa, atile ena tasakamene palwa ico. “Bupusano nshi cingapanga? Ndi mwina Israele, nangu cibe ifyo. Mwamona, Na—Naba kuli ico, nangu cibe ifyo.” Lelo cena cali ninsambu shakufyalwa kwakwe ekwapendelwe, mwamona. Icifyalilwa cakwe cali fye bwino, lelo bumupashi bwakwe bwali bonse ubwalubana.

²⁰⁹ Efyo caba nelelo, umusunga, ukusakanya chalichi nesonde capamo, umo muli cila umo; amalila ya mangalo, ukushana, ifyakucita cita, muchalichi; abanakashi aba mishishi-ipi, ukufwala bakaputula.

Ukuba, mwatila, “Munyina Branham, ni cinshi cilya cintu icinono?”

²¹⁰ Ico cimo pa Fyebo, pantu Baibele yatile cilubo kumwanakashi ukubeya imishishi shakwe. Ico nacilungama. Nga acita ico, bushe akengilamo shani? Mwamona? Ipushenifye, kashimikila uuli onse kuti amweba i Cebo calanda ifyo. Mwamona, “ena alasebanya umutwe wakwe,” alasebanya umulume wakwe. Ena alingile ukulekwa. Ico cintu calungama nganshi. “Pantu uyo uuli no kubeya imishishi yakwe, lekeni ena bamupishemo ulwembe, ulukusu.” Mwamona, cena cilangisha ukupitila muli ico. Te kuputulwa fye, Lesa tafwaya cena ukuba ifyo. Ulya ni ulya Mista Pakati. Mwilabepekwa na cena. Nalimo iputuleni yonse nangu ilekeni ikule, ifyo efyo Lesa alandile. Kapyunga uuli onse uwa Mbila nsuma alishiba ukutila ico Cishinka, nga cakutila muli nokucilanda nangu iyo. Lelo ico Cishinka. Mwamona? Ukuba, busuma nshi, nga uli nokucita fyonse ifyashala, nokuleka ico cashala?

²¹¹ Cinshi? Kuliko imibele fye inono iysonde muli imwe, ukwasha ukucita fye panono kwati machalichi yambi. Apopenefye epo Israele aishile bela mubwafya. Palya epo bafwila. Palya epo Adamu aishilebela mu bwafya. Palya epo bonse abashala baishile bela mubwafya. I Shiwi fye limo, efyo fye cisenda, icikomo fye cimo. Umusunga, uwasakanishiwamo nesonde! Fimo ifya kwisonde, fimo ifyaku Hollywood, fimo ifyachalichi, fimo ifyamsambililo yamipepele, kabili ninshi mwakwata finshi?

²¹² Moneni, nga Satana afilwa pano, lyena akesha imibombebe yakwe iyacibili pa kumusenda uku—ukukana cetekela i Cebo, ena ali...kabili—kabili ukuya ku seminali. Ena ali nokwasha imbi, imibombebe. Nomba pano epo mulefwaya ukuba abacenjela nganshi, kabili ikalenifye pali baminiti basano pali ici ciputulwa, nga kuti mwacita. Nomba amipela icakumipela icakupapusha. Ndi nokubwela kuli ifi fyonse, ilyo

tatulaisala. Ena alalenga . . . Mwamona, nga ena tekuti amweshe ukumutalusha ukufuma ku Cebo, “Iyo, Nalaikala ne Cebo,” lyena ena ali nokumupela icabupe cakupapusha.

213 Atile, “Nalakweba ici. Nina palya elyo utoloke ukufuma petempele, nokunina nakabili. Mwamona, ukulangisha abantu ukutila Iwe kuti wacita icintu cimo icakupapusha.”

214 Mune, alibasendele kulya. Nomba moneni ci, ici eco. Moneni ilyo mwafika kumpela, uko uku kweshiwa kwafika. Nalimo ena limbi kuti aleka bamo imwe ukulandila mundimi, ukutontokanya ukutila na Mumuukwata. Mwamona? Nangu ena limbi kuti amuleka imwe ukusesema, nangu cena tacifwile ukuba pamo ne Cebo. Nalimona abantu ukwiminina nokusesema, cali icapusana ne Cebo nge fyo Akabanga kaba ukufuma ku Mboshi. Mwamona? Cena Cebo eco mwikalilapo. Ifyabupe ifyakupapusha, Satana kuti afipela mundupi ishaisula. Mucine. Ico tacipilibula icintu nangu cimo.

215 Bushe Yesu tatile, “Abengi bakesa kuli Ine muli bulya bushiku, nokutila, ‘Shikulu, bushe Nshaseseme mwi Shina Lyenu? Mwi Shina Lyenu Nalitamfya ifiwa. Nalibomba imilimo iikalamba. Naliba umuntu umukalamba mukabungwe. Nalicita fyonse ifi fintu, ifi fintu’”? Akatila, “Fumeni kuli Ine, mwe bacita amampulu.”

216 Amampulu nifinshi? Cintu eco mwaishiba ukutila calilungama, kabili mwasuminako kuli cena kabili mwakana ukucicita, mumutima wenu. Ilyo mwaishiba ukutila ilya Baibele isambilisha icintu cimo, kabili mwakana ukucicita, yalya mampulu. Kabili Davidi atiile, “Nga Nafisa amampulu mumutima wandi, Lesa tekuti omfwe namapepo yandi.” Bushe ico Cishinka? Bushe ico ni Baibele? [Ulukuta Iwatila, “Ameni.”—Kale.] Nomba, mucine imwe tekuti mukalipe kuli Ico, mwamona. Yesu atile ukuti, “Abengi bakesa kuli Ine muli bulya bushiku, nokutila, ‘Nalicita fyonse ifi fintu,’ kabili Ine nkatila, ‘Fumeni apa, mwe bakacita bamampulu.’”

217 Cimo cine nga fintu Adamu acitile, Adamu atile, “Shikulu, Nalicita *ici*, Nacitile *ico*.” Lelo i Cebo cimo, mwamona, i Cebo cimo cacitile ico, ico fye ceka efyo cisenda, ukukana umfwila fye i Cebo cimo.

218 Ee, nalimo ukusesema ukupusana ne Cebo. Lelo nomba, inshita ilyo akwata ici icabupe cakupapusha, efyo aba uwasendwa necongo, ku fya kubengeshima kwa cena. “Ubukata kuli Lesa, Napepelako *Wakuti-na-wakuti*, bena balimine nokwenda ukuya! Alleluya, kuti Nalandila mundimi! Kabili umuntu umo ukwilula cena, cena cishinka nganshi, icine.”

219 Paulo atile, “Ine kuti nalandila mu ndimi nga bantu naba Malaika, kabili nomba ukukana ba nangu cimo. Kutu nakwata icitetekelo icakusesha impili, kabili nalyo line nshili

nangu cimo.” Bushe ico nacilungama? [Ulukuta Iwatila, “Ico nacilungama.”—Kale.]

²²⁰ Lelo, mwamona, ena ali no kumupela ico. Oh, abantu ba Pentecosti, Nalimutemwa, nga teifyo tekuti Mbe na imwe. Palya epo mwafililwe, mwamona. Lolesheni i Cebo, te bupe. Moneni kapela, moneni uko—moneni uko cilefumina, mwamona. Nasendwa fye, aleshanina mumupashi, umulumendo . . . [Tapali amashiwi pali tepu—Kale.] . . . icintu fye cimo. Alikwata abantu abengi ukumushinguluka, kabili umuntu onse alemwita, apa na palya, kabili alaba i Cebo.

²²¹ Oh, imwe muli abaishibikwa nganshi ilyo lyonse muletaluka ukufuma kuli cilya Cebo. Lelo nga mwaingila muli cilya Cebo, inshita imo, moneni uyo uli nokwampana na imwe lyena. Mwamona? Moneni ico cilefumamo lyena. Twalaisa kuli ici, mu ciputulwa cimbi ica cifyalilwa, mukashita. Mwamona, moneni uu—uulemufwaya imwe lyena, tapali nangu umo uwingacita ico. “Oh, fumyeni amaboko pali Ico!” Kwati akabungwe kumo kalongene capamo muno imilungu inono iyapitapo nokunandila ifibi, kapyunga uuli onse uyo waishile ku musumba, i Mbila iyapwililika, abengandeta kumusumba mukupepela abalwele, kuti babatamfya ukufuma mukabungwe. Cisuma, pantu Ndepepela abalwele. Cisuma. “Mwiumfwa Cena,” ukulanda. Kabili cilya palya Cebo icashininkishiwa.

²²² Ico e cintu cimo cine ico bacitile kuli Shikulwifwe. Ico e cintu cimo cine ico bacitile no muntu onse, muli cila nkulo. Ico eco bacitile na Luther, Wesley, nabonse. Ico eco bacitile naimwe, pakutendeka, nomba mwalipilibuile kumatipa yafiko yamo yene ayo mwafuminemo. Moneni umusango, cena lyonse caba umusango umo wine. Cena tacatala filwa, Satana acita icintu cimo cine.

²²³ Nomba alisendwa necongo cafyabengeshima, nafimbipo, mpaka, owe, ena taposako namano ku Cebo. “Oh, Munyina, *Wakuti-na-wakuti* atile *ifi-na-ifi*, kabili Ningile ukuwisa kuno. Ine . . .” Mwamona, ena aba fye uwasendwa nganshi, ena tacimona Cena. Nga cena Cebo nangu te Cebo, tacilepangapo ubulekano nangu bumo. “Abashala bonse batile cali fye bwino, eico Cena tacilepanga ubupusano ubuli bonse.” Icilonganino citila, “Mulumendo, naucikwata, wileka nangu umo akwebe!” Upokelele cinshi? Mwamona? Moneni.

²²⁴ Satana tatalile kwata, nangula lilya, moneni muli iyi ncende imo pano, ena alfimbilepo fimo pa Cebo. Nangula pali ici cakupapusha ico aeseshe ukuleka Yesu ukucita, ica kupapusha, mwamona, pakukwata icakupapusha, nga cakutila Yesu aumfwile kuli ena? Mwamona? Atile, “Nomba lolela. Iwe ulefwaya ukwikala ne Cebo, bushe Taulefwaya? Ulefwaya ukwikala ne Cebo?” Atile, “Calilembwa, Akapela ba Malaika Bakwe ukuloleksha pali ici. Inshita ili yonse Wapununa

ulukasa Lobe pelibwe, Bena baka Kwikata.” Lelo Talepuma ulukasa Lwakwe pe libwe nangu limo. Mwamona? Moneni. Nga cakutila ena alikelele pamo na cena? Ena . . . Bushe na mumona, Ine nshalandile ukutila ena aambwile i Cebo; alibikileko icintu kuli Cena, ukubikako icintu kuli Cena, kwati kubika suka kumpukumya matobo, a Cifimba konse, acipenta Cena, mwamona, ta Cali muncende ya Ciko iyalungama.

²²⁵ Ico eco besha ukulanda ileelo, ukwasha uku Cifulunganya, lelo tekuti ucampanye nayashala Amalembo. Cilingile ukuba ifintu fyonse, “Yesu Kristu cimo cine mailo, ileelo, nomuyayaya.” Mwamona, te mulandu ubwingi bwa Cebo muleesha ukufwala ukufimbapo, ico tacilepanga . . .

²²⁶ Cena cifwile caambulwa munshila fye Acilandile Cena. Nomba, nga cakuti Ca ambulwa mukulungama, Ena ali noku Cishininkisha ukuba mumweo obe. “Ifyo efyo abantu bonse beshibe ukuti imwe muli nkalata ishalembwa ishibelengwa na Lesa.” *Inkalata* iyalembwa ni iyi “Baibele.” Bushe ico nacilungama? Inkalata ni Baibele. Kabili imwe muli Baibele iyalembwa ukulangisha i Cebo Cakwe, ulyo muntu uwapwililika nakabili, muli Lesa.

Lelo Yesu atile, “Calilembwa, naco.” Mwamona?

²²⁷ Lelo moneni Efa pa ntamfu imo ine, ukusendwa nokwiluka kwakwe ukwakupapusha, alikwete ukwishiba kwafyamipepele. Amasambililo yakwe yali ayapulamo kuli kasambilila onse uwafyamipepele mucalo pali ilya nshita. Mwamona, alisendelwe nganshi, tacishibe. Alishibe ukutila alikwete icintu cimo ico Adamu takwetepo. Nalimo ena kuti amuteka ino ine nshita, pantu alishibe ifingi palwa cena, Adamu wakwe. Moneni ifyo Adamu wabo alecita ileelo. Alishibe icisuma ukufuma ku bubi, amasambililo ayasuma aya Cine. Ico nacilungama. Ena alikwete amasambililo ayasuma aya Cine, ayo ena taishibe akale, kabili cena cali Icine cakwa Lesa. Lelo ena alifwile, pakutoba i Cebo. Ee, ena alikwete amasambililo yakwe, cisuma.

²²⁸ Efyo na serminali yamupela ukwishiba kwafyamipepele, ukutila imwe kuti mwa ambula imibele yonse iya mu Cipangano Cakale nangu Icipya. Lelo beni abacenjela pafyo mulecita, nga cakutila taciletoba i Cebo apopene, nga cakuti imwe mwatilafye, “Ukuba, cena cabo.” Iyo, cena cenu, onse uyo ulefwaya! Mwamona? Mwamona? Beni abacenjela. “Oh, cilya cali cachalichi akale nganshi.” Ena aba cimo cine mailo, ileelo, no muyayaya! Alikwete amasambililo ayasuma, lelo alifwile nankwe mulubembu namufilubo.

²²⁹ Nomba imibombele ya citatu yakwa Satana. Twalaisa kuli cena mukwangufyanya pantu tatulefwaya ukusenda nshita iingi ukucilamo, nalimo nalimbi ikumi limo na yasano, ama miniti amakumi yabili, nga mulefwaya ukuya ukufika uko. Moneni imibombele yakwe iya citatu lilya, iyakwe, nangu

ukweshiwa kwakwe ukwa citatu. Nga bambi balifilililwe, uyu umo takafilwe, mwamona. Ena nomba ala mupela icifulo muchalichi, nga filya acitile kuli Yesu. “Nkamupela isonde. Imwe muli mfumu, Nkamulenga Imwe. Bena bonse bandi, eico Ndepela cena kuli Imwe.”

²³⁰ Nani uwingalenga umuntu ukuba kapyunga? Nani uwingapela umuntu icabupe icakubikapo indupi pali ena? “Les a bika muchalichi!” Mwamona? Mwamona ifyo bena bafulunganya i Cebo. Nga Efa nomba, no kwishiba kwakwe ukupya, ukwishiba, ena alikete Adamu mumano yakwe. Ena kuti acita ifyo alefwaya ukucita, mwamona, lilya line fye ilyo alengele Adamu ukucisumina.

²³¹ Kabili, lelo ilyo aishile kuli Yesu, Tasumine cena. Atile, “Kabiye kunuma yandi, Satana.” Mumashiwi yambi, nicambula mububi, lelo nunde kuli ici. “Calilembwa, umuntu onse akekalila ku Cebo conse icakwa Lesa; tepamibele yenu, ‘Nalaku lenga ukuba kangalila umukalamba, shimapepo, nangu—nangu dikoni, nangu Nalaku leka ukulisha icinanda, nkashi.’ Mwamona, ifi fyonse ifyakulanda ukutilla, ‘Uli muntu waishibikwa nganshi, kabili tulekabila italanta lyobe muchalichi cesu.’” Mwamona, ukwisa ku Cebo!

²³² Ena kuti amuteka, nangu ukumusambilisha, cimo cine nge filimwa ifyalelo. Uyu e musango bacicitilamo ileelo, ukwisaba D.D, umukalamba wa buteko, kangalila, district maninja, nangu icintu cimo nacimbi icaba ngefyo.

²³³ Ifyo cali icapusana ukufuma kuli Yesu! Ena aikele ne Cebo. Nomba, ama miniti ayanono ayalekonkapo, Ndefwaya ukushininkisha fyonse ifi fintu ukuba ifyacine, mwamona, kufya cifyalilwa fyonse fibili ne Cebo, ukuleta ifi capamo. Ici cileshininkisha ukutilla Ena aali Cebo ukupangwa umubili, ku Mukate. Aali i Cebo ukupangwa umubili. Pantu Alangishe cinshi? I Cebo fye ceka.

²³⁴ Nga cakuti muli kalata yalembwa, mulangafye i Cebo; tefyo seminale ilanda, ifilanda umuntu umbi, ifyo Missi Jones atontonkanya palwa Cena, ifyo Dokota *Wakuti-na-wakuti* atontonkanyeni palwa Cena, lelo ifyo Lesa alandile palwa Cena. “Leken i cebo ca muntu onse cibe icabufi, ne Candi cibe Cine! Onse umuntu ukatoba ilyacepeshapo pamafunde aya, nokufunda abantu ifyo! Uyo onse ukafumyako i Cebo cimo ukufuma muli ili Buuku, nangu ukulundako icebo cimo kuli Cena! Umuntu te kumukate weka akekalila nomweo, lelo ku Cebo conse icifula ku kanwa kakwa Lesa.” Ukwikala Umuyayaya kuli cilye Cebo!

²³⁵ Nga fintu mufwile ukukwata icafwa icakuti mube nomweo, imwe mulingile ukukwata Kristu ukuti mwikale kuno nga teifo imwe kufwa. Kabili Kristu nicinshi? “Mukutendeka kwali Cebo,

kabili Cebo ali pamo na Lesa, kabili Cebo ali ni Lesa. Kabili i Cebo calengelwe umubili ukwikala pakati kesu.”

²³⁶ Kabili imwe muli nkalata imo ine iyalembwa, umo uwa nkulo imo kabili umo ku mubiye, ku Lubuuto lwa ilya ola; lelo bena balafilwa ukumona ico. Imwe mulangisha Ico epela.

²³⁷ Bambi balilungike, nangula muli cimo, bafililwe fye mucikomo cimo; lelo Tafililwe. Kabili nga fintu Nacilanda, mu Kusokolola 22:18, Atile, “Uyo onse ukalundako kuli Ici!”

²³⁸ Nomba lolekesheni nomba. Mateo 24:24 e cakusungusha, ifyo kutila bena . . . “Mupepi, muli shino nshiku shakulekelesha,” Yesu atile, “abasalwa bene bakaba ababepwa kuli ici cintu.” Moneni imipashi. “Munshiku shakulekelesha,” nomba ilyo Ilembo lilingile ukufikilishiwa. Bushe mulecetekela cena? [Ulukuta Iwatila, “Ameni.”—Kale.] Nomba, ico cali, “Munshiku shakulekelesha, abasalwa bene, abalingilwa kabela, abasalwa kuli cena, bakesabelekwa . . .” Cena cintu capwililika nganshi, cena ca mu Malembo nganshi, kabili cilemoneka icaemba nganshi kabili palwalala, ukutula imwe tekuti mumone icilubo muli cena, nangu cibe ifyo, abasalwa fye beka ebakacibutuka. Nomba ifyo efyo Yesu alandile. Bushe mulecetekela ico? [“Ameni.”] “Kuti cabepa nabasalwa bene nga kuti caba icingacitwa.”

²³⁹ “Mulandu nshi, yena Malembo ayapwililika, imwe kuti mwamona cena nelinso lyacifyalilwa.” Lelo, mwamona, ico teco. Yesu . . . Balya aba Fariseo balikwete lilye Lembo mukupwililika nge fyo Lingaba, lelo kubwilulo bwabo abene.

²⁴⁰ Baishibe shani ukuti Taali mucilubo? Pantu Lesa alishininkishe i Cebo conse ico Alaile kuli Ena muli ilya nkulo. Ulya e mulandu wine baishibile ukuti Ena ali ni Messiya. Mwamona?

²⁴¹ Nomba moneni, “nga kuti cacitwa,” muli ishi nshiku. I Cebo fye cimo, i Cebo cimo cilefwaikwa. Ico fye ceka eco Satana alingile ukucita kuli Adamu, ukumusenda fye Ena pa Cebo cimo. Ico fye ceka eco alingile ukukwata ileelo, ukukwata fye icintu cimo icapilibulwa. Epela fye, ico fye ceka eco alekabila. Nomba, namwishiba ukutula ico Cishinka. Ukulundako cimo, nangu ukufumyako cimo, cena kufilwa ukwapwililika. Conse fye, “I Cebo icakwa Lesa conse!” Tontonkanyeni nomba palwa kwilula kwama seminali, cila cimo icapusana ne cibiye.

²⁴² Kulingile kwabako Icine kumo, kabili *ici* Eco, Baibele. Nomba Yesu atile . . .

²⁴³ Mwatila, “Ukuba, Munyina Branham, bena balikwata ukupepa ukwawamisha nganshi.”

²⁴⁴ Yesu atile, “Mu Mpepa apafye, ukusambilisha kwi sambilisho amasambililo yafya mipepele ayamuntu, te Cebo,” umuntu, itontonkanyo lyakwe umwine ilya Cebo ukwilulwa.

245 Nga fintu Nandile, Lesa takabila kelula nangu umo. Ena alelula i Cebo conse Umwine. Mwamona, imwe ta mukabila umuntu umo uku Cilula kuli imwe, Lesa alacipilibula kuli imwe ilyo mulefwaya uku Cisumina. Mwamona, uyo e Mweo, uyo Mweo Uwine.

246 Yesu atile, “Ba Nshinshimuna apa fye.” Bena mucine balashinshimuna Lesa. Kaini mucine apepele Lesa, mukutendeka. “Lelo ba Mpepa apafye.” *Apa fye* nicinshi? “Tacipangapo ubusuma nangu cimo.”

247 Bena limbi kuti batila, “Ukuba, Ndacita *ici*. Ndashanina mumupashi. Ine, Ndalandila mundimi. Ine, Ndasesema. Ndashimikila i Mbila nsuma.” Lelo mulafilwa ukuleka imishishi yenu ukukula, ukufilwa pacintu cimo, kabili ukumona ico icilecitika, Umupashi ukamisha palya pene. Ico ecacitike kumachalichi yesu, yalifililwe.

248 “Apa fye, uku Nshinshimuna. Oh, kwena kupepa ukwawama. Lelo ba Mpepa apa fye, ukusambilisha kwisambilisho amafunde yamuntu.”

249 Balya aba Fariseo bali bakasambilila bamipepele abasambilila. Mwiesha ukutila ifwe natukwata icintu icili conse ileelo icakupashanya nabena. Iyo, mucine. Balishibe icebo cimo, icebo conse, umusango fye calembelwamo, lelo baleshinshimuna apa fye. Tontonkanyeni pali cena, “apa fye,” amasukulu ayasuma, na maseminali, nabakafundisha, nabalumendo, nafyonse ifyaba ngefyo, lelo abaluba!

250 Cimo cine nga mumatololo, Atile, “Bonse balile manna ukufuma kuli cilya i Cilibwe icabumupashi mumatololo, bena bonse banwine ukufuma kuli cilya i Cilibwe, Ndepilibula, kabili bonse balile manaa ukufuma kuli cena.” Kabili Yesu atile, “Kabili bena bali, cila umo, balifwa.” *Imfwa* ipilibula “ukupatulwa Umuyayaya.” Mulandu nshi? Pantu balifililwe ukucetekela ubulayo bwakwa Lesa.

251 Oh, Nimpata ukumusunga ngefi, lelo Ningile fye ukucilanda cena. Moneni, Nshasenda miniti pali *ici*. Bonse muli balya abantu bafumine mwisamba ya Ntumba ya Mulilo, bafumine mumatololo, balecetekela Lesa, batwalililepo ukwenda. Lelo ilyo baishile mukumona icakucinga, ilyo i—ilyo ikumi babwelele nokutila, “Ifwe tekuti tusende iyi impanga. Oh, owe, bena mapaka yaba kulya. Bena baba *ici*, *ico*, kabili *icibiye*. Bena fye. . . Ifwe tekuti tucicite. Cena tekuti cicitwe.”

252 Lelo cinshi ico Kalebu na Yoshua bacitile? Batalalike abantu. Batiile, “Ifwe natucilapo mukucipoka.” Cinshi? Balya bantu balelolesha kufyo bengamona, mwamona, ukulolesha pafyo bengamona. Lelo Kalebu na Yoshua balelolesha kubulayo bwakwa Lesa. Lesa atile, “Nimupela ilya mpanga. Kabiye ni muyeisenda!”

²⁵³ Nomba Aba Hebere 6, nga kuti na yambwila, “Pantu tekuti cicitwe kuli abo abakutulwike po, kabili balisondapo pa Mupashi wa Mushilo, amaka aya pesonde ilili nokwisa, nga cakutila bena bapona nakabili, bakana, bafumapo ukuya.”

²⁵⁴ Nga fintu balya abantu baishile kulya nokulya imyangashi ukufuma kulya kumpanga imbi, baiminine kulya; kabili ilyo caishile kukukonka i Cebo, ukuya pantanshi, batile, “Tekuti tucite.” Kabili bafwilile mumatololo.

²⁵⁵ Uko eko twafikile. Twasondele i Cebo cakwa Lesa icisuma. Lelo, ubulayo bonse, “Iyo, iyo, ifwe tekuti tucite ico, mwamona, pantu Dokota *Wakuti-na-wakuti* nangu umuntu umbi aletila ifwe tekuti tucite. Ico cabatumwa. Ico cali ubushiku bumbi.” Apo imwe mwafwa.

²⁵⁶ Mwamona, Amalembo yalikatana capamo, i Cebo conse ica Yena calikatana capamo. Kabili cena tekuti cipelwe ku cisumino icili conse icapangwa nomuntu, imibombe, nangu icintu icili conse. Cena cisokololwa fye na Mupashi wa Mushilo. Yesu atile, “Taata, Na Mutotela pantu Mwalifisa ifi fintu ukufuma kubamano nabamucetekanya, nokucisokolola kutunya uto utwinga sambilila.”

²⁵⁷ Mukwangufyanya nomba lekeni tuye kuli ili tontonkanyo limbi pano nga kuti twacita ico. “Ba Nshinshimuna apa fye.” Balya aba Fariseo, abasambilila, oh, imibele iisuma; lelo baitilwe, na Yesu, “ifiwa.” Bena abasambilila bakasambilila wamipepele, Yesu atile, “Imwe muli fiwa, kabili imilimo yabashinwe muli nokucita.” Atile, “Mulashingula inshinshi sha bakasesema, lelo bashinwe kunuma muli ilya ine nshita... Balya bakasesema baishile mukutobaula ilya imibombe yabukapepa.” Ico eco bacitile.

²⁵⁸ Bakasesema! Nikwisa uko i Cebo cisa, kuli kasambilila wamipepele nangu kasesema? [Ulukuta lwatila, “Kasesema.”—Kale.] Te kubasambilila wamipepele ne sukulu. Cena cisa kuli kasesema, lyonse. Lesa tacinja imibombe Yakwe, tatala. Lyonse eflyo caba, lyonse! Te kwibumba; kumuntu umo! Te kwibumba; umuntu umo, ee, mukwai, kasesema. Kabili batile...

²⁵⁹ Yesu atile, “Mulashingula inshinshi sha bakasesema, kabili bashinwe ebababikile mulya.” Kabili balecita icintu cimo cine mu bupofu bwa seminali yakwa Satana. Mwamona?

²⁶⁰ Kabili nomba, Pentecosti, talusheni imyona yenu kuli cilya Icisaka ce Sonde icama chalichi. Nomba, imwe ba kapyunga pano, muli nokulemba mucisaka cikalamba, aba—kuli aba bantu. Nomba, imwe tamulingile ukulemba ku—kuli ba Assemblies kabili abengi muli bena, pantu balifumya cilya cintu, tabafwaya icintu icakucita nacena. Kabili imwe bamunyina ba Baptisti, na imwe, talusheni imitwe yenu kuli cena. Bushe tamulemona ukutila lilembo lyaciswango ilileisa? Namwishiba

uyo uli nokucibula conse, nga mwalishiba icintu icili conse palwa Malembo. Nga cakuti i Fyebo fila Ilangisha muli imwe, talukeniko kuli cilya cintu. Icilonganino cenu cikabutukila muli ico. Kabili imwe muli no kucicita nangu ukutamfya icilonganino cenu. Tekuti mube icilonganino nokwikala mulya, pantu mufwile mwaingila nangu mwafuma.

²⁶¹ Nomba, imwe tamuli nakabili akabungwe, lyena imwe namuilangisha mwebene. Bwino bwino fye. Lesa amupale, nga imwe mulecita ico. Cintu cakosa ukulanda nga cakuti nibanga abali nokucita ico. Lelo bamo bali nokucita, ukwabula ukutwishika. Ee, mukwai.

²⁶² Ukubelelekwa, kabili Yesu alibetile “ifiwa.” Nomba, lelo lintu Yesu aiminine palya, (cinshi) ukweshiwa konse, Ena akalipile cena ne Cebo, nokwiminina kulya ne Cebo. Lesa ali Mushininkishe.

²⁶³ Nga filya, ubushiku bumbi, Nalishimikile pali Michelangelo. Ni banga abatalile abaya mu Forest Lawn nokumona icabumbwa icimpashanya cakwa Mose kulya, icabumbile Michelangelo? Cilya cali icakupapusha, ilyo Naile mulya inshita yakubalilapo nokucimona. Michelangelo aposele mupepi inshita yamweo wakwe onse, alecibumba. Mu mano yakwe, ena alikwete ifyo—ifyo Mose alingile ukumoneka. Kabili ena—ena alefwaya ukuti—ukuti amupwishe ilyo talafwa. Kabili aposele imyaka nemyaka, alebasa, alepalako *apa*, kabili aputulako *apa*, nokuwamya *apa*. Mpaka, mukulekelesha ubushiku bumo ilyo apwishishe, panuma yamyaka iingi, aiminine palya ne cisalu mukuboko kwakwe, nga *ifi*. Aiminine kunuma nokulolesha pali cena, icimonwa icali mumano yakwe, pantu ilyo aumfwile umuku wakubalilapo pali Mose, cena cilingile ukumoneka nga filya. Ico cali apo, cilebyasha kuntanshi yakwe. Aishile putwamo nganshi ku mulimo wakwe wine, aishileikata inondo nokuipuma pakulu, nokubilikisha ukutila, “Landa, Mose!” Ena atontonkenye ukutila cali ni Mose ukulanda, ena ali nganshi nge cintu ico cali mumano yakwe. Kabili ico icatobeka cicilipo palya. Cipasho icapwililika lelo nicilyafe ico basesako kukulu, kukulu kwakukulyo. Mukacimona mu Forest Lawn, ilyo muleingila pamwinshi, icapangwamo nacimbi ica ico. Mose wakwa Michelangelo, iciputulwa icawamisha cakwe, ica, icakakatike umweo wakwe.

²⁶⁴ Lesa ni Kabasa umukalamba, cisuma, Ena apangile umuntu mucipasho Cakwe, ukulangisha Ena, kabili Ena e Cebo. Kabili ni cinshi ico Acitile? Aeseshe Adamu; ena alifililwe, Mose alifililwe, bonse abashala balifililwe. Lelo pali Umo uwapwililika, alleluya, (cena cali ni cinshi?) tacicilile pali Lesa Umwine mumubili, i Cebo calangishiwe muli Ena, caletele umwisulo wabu Lesa mumubili; te kasesema, lelo Ena ali ni kasesema; te muntu, lelo Ena ali umuntu.

265 Mwe ba Yuda, mwilaesha uku Mupoka ngo wenu. Ena tali nangula umu Yuda nangu Umwinafyalo. Ena aali ni Lesa. Mwamona? Imwe mwaba ifyo umulopa wenu waba, mwamona, kabili, mucine, muli mubili. Kabili Maria, mucine, Maria takwete itontonkanyo na Mupashi wa Mushilo ukumupela ifyakumfwa umfwa. Lesa Taata apangile umweo, nangu—nangu ilini muli Maria, kabili akabulungwa ka Mulopa muli ena, pamo, kabili cena cali Mulopa wakwa Lesa.

266 Umulopa ufuma kumwaume. Eico cena tacali... Ifyakashika ifyaba mumulopa nomulopa ufwile wafuma kuli wishi, pantu umwana tekuti ambule ubulwele bakwa nyina, kwati ubulwele bwa Ntanda Bwanga. Wena kuti wabufumya kumupu wakwa nyina, lelo tekubupyana, Ndepilibula ukutila, lelo kuti wabupema mumwela kabili—kabili ukubwambula. Lelo ena tekuti abufumye kuli nyina, pantu ena, ena muntungwa ukufuma kuli bwena, ena te mulopa wakwa nyina wakwe.

267 Nomba, lelo Yesu tali umulopa wa mu Yuda nangu Umwinafyalo, Ena aali Umulopa uwalengwa na Yehova Umwine. Ena aali Mulopa wakwa Lesa. Baibele itila, “Ifwe twapusushiwa no Mulopa wakwa Lesa.” Te mulopa wamu Yuda nangu umulopa uwa Mwinafyalo, fyonse kuti fyakumana, lelo uyu wali Mulopa wakwa Lesa.

268 Moneni nomba ilyo Amwene ulya Umo uwapwililika, Amumine Ena, amucenawile Ena. Esaya atile, “Alashilwe pa fya bupulumushi fyesu, afwantilwe pa mampulu yesu.” Ena aali ni cinshi? Ena aali cilya Cebo capwililika, ukulangisha Umukate, ukutila umuntu onse akekalileko. Ena aali ni ilya ingano iya Cebo cakwa Lesa ico cingaba panshi nokubikwa mu Mbila nsuma shine, muma Buuku amakumi mutanda na mutanda. Kabili umuntu akekalila kuli Ico, kabili Ico fye ceka, kabili i Cebo conse ica Cena. Ameni. Ico cali iciputulwa icawamisha icakwa Michelangelo. Kabili ilyo Lesa amwene Umwine ukulangishiwa mu Muntu, Alikwete ulyo Muntu uwapwililika uwabumbwa mucipasho Cakwe Umwine. Oh, owe, we Muntu we! Alingile ukutufwila ifwe bonse. Ifwe kuti twaikala pali ico, lelo tatwacitile ico. Alingile ukufwila ifwe bonse. Kabili Alifwile, Umo uwapwililika; ukutila ifwe, abashapwililika, kuti twalengwa ukuba abapwililika muli Ena, pakukumako ku Cebo conse ica Baibele Yakwe. Nomba, elyo Ena Amubushishe nakabili, ku kulungamakwa kwesu, ukutila twingakwata insambu, ngo wabushiwa Yesu, ukutila Ena ali muno nomba ukupyunga kuli ifwe, i Cebo conse icakwa Lesa, ico tulingile ukwikalilapo.

269 Nomba, bwangu bwangu nomba, elyo tuleisala. Nomba, Nabwinga uwacibili.

270 Nomba, shibwinga wakubalilapo, Adamu; aletelwe ukupitila mumulongo waba kasesema, nafimbipo, nomba

afumine uwapwililika, kabili nomba aali nokufwa pakuti engaba Umukate wabonse abashala.

²⁷¹ Nomba nga palwa kwa Efa? Ena alingile ukucita icintu cimo cine. Lelo ilyo Yesu aishile. . . Ibukisheni, Efa ali mwanakashi. Chalichi conse caba mwanakashi uwimininwako muli Baibele, pantu cena ni nabwinga. Nomba moneni ifyo acitile. Alyeseshe uku Mukoselesha kwi sambilisho lyakwe. Cikulu fye ena kuti ashimikila ifyo batontonkenye, Ena aali Muntu umukalamba.

²⁷² Lelo ubushiku bumo atendeke ukulanda, kabili atile, “Ine na Taata twaba umo.”

²⁷³ “Oh, Iwe uipanga we Mwine ukulingana na Lesa, mwamona. Oh, owe! Ifwe tatulefwaya icakucitapo na ulya Muntu, nakabili.”

²⁷⁴ Kabili fyonse ifi fintu fimbi ifyo Atendeke ukulanda ifyakutila, “Kano fye mwalya Umubili wa Mwana wa muntu.” Cinshi ico muletontonkanya ngefyatontonkenye dokota, nga cakuti naikala mulya? Bushe umuntu onse muletontonkanya nga acitile cinshi, mukutontonkanya fye ukwaseka? “Mulingile ukulya Umubili Wandi nokunwa Umulopa Wandi.”

²⁷⁵ Batile, “Uyu Muntu nibalya bonka umulopa wabantu, te kapyunga. Talukeniko kuli ulya Muntu, Ena alipena. Talukeniko kuli Ena.”

²⁷⁶ Lelo cena cali Cine. Mwamona, cena cali Icine. “Kano fye mwalya Cena, imwe muli no konaika. Imwe bonse mukafwa, nga imwe tamu Cilile.”

²⁷⁷ Ico cintu cimo cine ileelo. Umukate no mwangashi fyaba fye icilangililo, mwileka cilya cintu cacifyalilwa cimumwale panshi. Mulingile ukulya Kristu, ico caba Cebo ico muleikalilako, “i Cebo conse icifuma,” Baibele yonse ukufuma ku Kutendeka ukufika ku Kusokolola.

²⁷⁸ Nomba, Efa wacibili, mumoneni. Ena alengelwe umupya, nga fintu Ena ali, pa Bushiku bwa Pentecosti, uwaisulamo no Mupashi, kabili alishiwe ne Cebo. Ameni. Nomba Ndeumfwa bukapepa. Ndeumfwa bwino. Cilya chalichi cantanshi, ulya Efa wantanshi, uyo wali nokuba Nabwinga wakwa Kristu. Nibanga abengatila “ameni” kuli ico? [Ulukuta lwatila, “Ameni.”—Kale.] Aali nokuba Nabwinga wakwa Kristu. Ena afyelwe pa Pentecosti, te ku Nicaea, ku Rome; te mu London, mu England; nangu te mu United States; te mu Germany na Luther, te mu England na Wesley, te mu United States pamo na Pentecosti, abaitwa ifyo. Afyelwe pa Bushiku bwa Pentecosti. Aali uwaisulamo u Mupashi. Kabili Aali uwaisushiwa no Mupashi, uwalishiwa ne Cebo, “i Cebo conse ico cifuma mukunwa kakwa Lesa.” Nangula ni kuli Yuda. . . Kabili, oh, bena basendele fye ifintu fyonse, i Cebo pa Cebo fye, icilimwa icine cine icabalula pe sonde lyakwa Lesa, ukwimininako Ena, icimuti cimbi icakwa Nabwinga.

279 I Cebo Cakwe ica bulayo calangishe Ena muli Ena. Bena balinokumona kuli Petro nabena. Bena tabaliko ku seminale, kabili balishibe ico. Bena tabaliko kusukulu lya Baibele ilili lyonse, seminali imo iyafyamipepele. Bena tabakwete amasambililo, pantu balefilwa nokulemba ishina lyabo abene. Baibele itila, “Bena bali abatutu kabili abashasambilila.” Lelo cinshi icacitike? Bena bali nokumona ukutila bali pamo na Yesu, pantu kulya Ena aali muli bena, ukulangisha ubulayo Bwakwe. Alleluya! Ubukata kuli Lesa! Ico eco tulekabila muli ino nkulo. I Cebo Cakwe ca Mulangishe muli ena, ichalichi. Aikele numweo ukupitila mu Cebo conse icifumina mukanwa kakwa Lesa.

280 Lelo nomba, nga Efa, ena amukumenye ukupona kwakwe, pa Cebo, ku Nicaea, mu Rome, uko akabungwe aka ntanshi kabalilepo ukwampanishiwa, ichalichi ca bwina Kristu ice sonde. Bushe kuliko kasambilila wa Baibele muno? Bushe kuliko i . . . Bushe kuliko kasambilila wafyamipepele muno uyo waishiba ukutila ico cishinka? Akabungwe aka kubalilapo kali ku Nicaea, Rome. Lesa tatalile akwata akabungwe, takatale akwatapo kamo. Ako uutungulula muntu. Apo epo bonse ba . . .

281 Ndi mwina Kristu. “Chalichi nshi mwabako?” Kwaba fye cimo. Ine naba Branham, imyaka amakumi yasano na isano, kabili Nshatala ilunda kulupwa, Nafyelwe umo. Ifyo efyo mufyalwa mu Bufumu bwakwa Lesa, kabili mwaba icakulangisha i Cebo Cakwe.

282 Moneni, Efa akumenye abakwe. Kabili efyo na Efa wacibili akumenye icakwe ku Nicaea, ku Rome, acipele kucilonganino, icisumino, casumine ifishilano mucifulo ca Cebo; afumishepo utulubi twabusenshi nga Jupiter kabili nafimbipo, nokubikapo Paulo na Barnaba. Kabili—kabili bafumishepo lesa wakasuba nalesa wamweshi, Ashtoreth, lesa wamweshi, uwakwete kosher uwashinguluka pali ena, nokumulenga ukuba nyina wakwa lesa wakasuba uyo waba ni Yupiter. Kabili noku cinja ubushiku bwa kufyalwa bwakwa Yesu ukufuma muli Shinde, uko ububumbo bonse, uko Ena afyelwe pesamba lyakwa sukusuku, pantu Ena aali ni sukusuku, kabili apilibwile ico kubushiku bwa kufyalwa kwa ka lesa ka-kasuba mulwelele kulya, uko cipanga ubushiku bumo . . . Kubafye miniti imo ubupusano pabushiku lintu kapita pabushiku bwlenga amakumi yabili na isano mu Mupundu milimo, ubushiku bwakufyalwa ubwa kwa lesa wakasuba, te Mwana wakwa Lesa. Kabili cila umo muli ifwe tulaba Santa Claus, nokukobaika ifimuti, icaba busenshi, ne fintu ngefyo, kabili nomba ukuita fwebene abena Kristu? Bwafya nshi ubuli nechalichi ca bwina Kristu?

283 Bushe kuti kwabako umo umuntu pakati kesu, uyo uwingashimikila i Cebo nokulanda Icine, kabili Lesa ashininkishe cena no kushininkisha ku bantu ukutila Ena aba cimo cine mailo, ileelo, no muyayaya? Tatulekabila seminali.

Tatulekabila kasambilila wafyamipepele. Ifwe tulekabila kasesema. Ico nacilungama. Lesa alicilaya, pamo.

²⁸⁴ Nomba Efa akumenye ukufilwa kwakwe, efyo ne chalichi cacitile; apele inshila kucilonganino, amafunde yamuntu, kukutekwa nomuntu, te kutungululwa no Mupashi nakabili. Ena alifumine ku Cebo, nokusumina ifishilano. Nani uwingatila “ameni”? [Ulukuta lwatila, “Ameni!”—Kale.] Mucine. Lelo bushe mwalishiba ukutila ifwe ba Protestanti tulasumina ifisumino ifingi nge fyo bakwata, ilyo twalundako icintu cimo kuli ici Cebo nangu ukufumyako icintu cimo kuli Cena? Satana alicikete, nemicitile yakwe imo ine iyakale fintu acitile Efa, ukulanshanya. Apo epo acikatile, alandilefye icintu cimo icapusana ku Cebo, nangu icisumino nangu icilonganino.

²⁸⁵ Ica kubalilapo caile mumushili, mukwipaiwa, ifyela fyaku Rome fyapelele ilya ngaano ukufuma ku Pentecosti, ukuya mumushili, nokuboca pafimuti nokubalisha kunkalamo. Baingile nga fintu ingano shimbi shacitile, ico nacilungama, lelo Atendeke ukumwimya nakabili mukulungamika, umo wine, umuku wacibili.

²⁸⁶ Nga fintu Acitile kuli Adamu wa Cibili. Panuma yakwa Adamu ukupona, Atendeke ukwimya Adamu wa Cibili. Kabili Adamu wa Cibili aliponene, lyena Cena calisendelwe. Adamu wa ntanshi aponene mulubembu lwakwe nokwikala kulya. Adamu wa Cibili aliponene, ku kulubula umuntu ukufuma ku lubembu, kabili alisumbwilwe.

²⁸⁷ Nomba, ichalichi ca ntanshi caponene ku Nicaea, ku Rome, intanshi, ku Cebo cimo ica Cine icafumine muli Baibele, uko lchalichi ca Roma calundileko ifishilano fyabo nefisumino. Kwaishile shimapepo munono uwe shina lyakwa Martin Luther, uwatile, “Uyu te mulalilo, uyu te mubili wakwa Kristu. Ena ni kosher. Kabili, umuntu, ‘abalungami bakekalila ku cietetekelo.’” Kabili aposele cilya icintu panshi, nokucisusha. Lulyo lutanda lwenu ulwa ntanshi lulebalika panuma ya nkulo ya Tuatira. Ee, mukwai, uwalungamikwa ne cietetekelo! Ena, Kabasa umukalamba, abikile ukupanga iciputulwa icawamisha Nabwina ico cingalangisha i Cebo Cakwe.

²⁸⁸ Lelo ni cinshi ico ba Lutherani bacitile panuma yamfwa yakwa Luther? Balikumenye Satana, nokupanga icilonganino ukufuma muli cena, nokufwa. Tacitilepo icintu icili conse panuma yaico, alipwa, yaishileba impuka yabantu abengi. Cisuma.

²⁸⁹ Nomba Lesa alimwimise nakabili, munshiku shakwa John Wesley, ne Cine na cimbi icakulangisha. Ni cinshi ico acitile? Atile, “Ukushilishiwa mulimo wacibili uwakusenamina.” Kabili ni cinshi ico Lesa acitile? Aliciipalile. Kabili asushishe chalichi ca Anglican, kabili nachalichi cakwa Zwingili, kabili nabonse abashala, kabili bonse abamafunde, kabili nabonse ba

Calvin, nangu ba—ba Calvinist, ntile, nokususha cena. Kabili—kabili atile, “Abalungami bakekalila ku citetekelo,’ efyo Luther alandile. Kabili umulimo uwa cibili uwa kusenamina uli ukushilishiwa.” Kabili ico Cishinka. Ico nacilungama. Mwamona?

²⁹⁰ Lyena ni cinshi ico acitile? Icintu cimo cine, panuma ya mfwa yakwa Wesley, kabili Asbury na bena, icintu cimo cine ico Luther acitile, ukwampanya, ukufwa. Lolesheni pali cena nomba.

²⁹¹ Naile kulya, uno tapapitile inshita, mukupepela namayo mucipatala, uwaleya mukubombelwa. Naile mulya. Atile, “Munyina Branham, Nacikwita. Tawanjishiba,” atile, “lelo bushe kuti wampepelako? Ningile ukukwata ukubombelwa mulucelo.”

Natile, “Mucine, nkashi.”

²⁹² Kwaliko umwaume umbi, umwanakashi, kabili umulumendo, uwaikele kulya, nalimo umulumendo wa myaka yakufyalwa ikumi limo na cinekonse konse, kabili bena balelolekesha. Kabili Nalipilibwike kabili Natile, “Bushe kuti mwanjelelako, Nala . . .”

Atile, “Cingako insalu iyo!”

Natile, “Bushe tauli mwina Kristu?”

Atile, “Ifwe tuli ba Methodist!”

²⁹³ Natile, “Ico teco Nacimiwpusha. Nacimwipusha . . . Nga muli ba Methodist fye, Nalacingako insalu. Nga uli mwina Kristu, taulefwaya insalu ukutintwa.” Eico, ee, ico nacilungama.

²⁹⁴ Eico, kwaliba ubupusano ubukalamba mukuba Methodistii, nangu Baptisti, nangu Presbyteriani, kabili nomba ukuba umwina Kristu; tekuba umwina Campbellite, lelo ukuba umwina Kristu, mwamona. Cinshi ico ena acitile? Icintu cimo cine.

²⁹⁵ Nomba nicinshi cacitike? Lesa alitolele ibumba ilinono kuno ku Masamba, umunono uwafita namenso ayamabilu. Kabili, Ena, ni cinshi ico Acitile? Apongolwele ukubwekesha kwa fya bupe, kabili caishileba Pentecosti. Kabili mwebengi mwebakale abali nga Munyina Valdez uwikele kunuma kulya, umukalamba uwamano, aleshimikila ilyo Nali nemyaka yakufyalwa isano. Aleibukisha Pentecosti wa kubalilapo. Mune, wilanda akabungwe kuli balya balumendo, balifumine muli cilya cintu icabipa. Kabili balikwete i Mbila yakwa Lesa.

²⁹⁶ Lelo ni cinshi ico bacitile? Icintu cimo cine ico bambi bacitile, balicampenye. Nomba balikwata nalimo amakumi yatatu nangu utubungwe amakumi yane utwapusana pusana, ba oneness, twoness, batatu. Mpaka, uluse, ubusuma, Nshatala umfwapo ifya musango uyu mumweo wandi! Cinshi ico mwacitile? Mwafwilile palya pene pancende. Apo epo wingafika. Akabungwe kenu tekuti kasumine Ici. Imwe, imwe mwalisendele

umuntu wenu nokutila, “Uyu muntu, nga ena tacetekele pamo na ifwe, mwimuleka abe mulya. Isenge lyesu talyakakwate.” Oh!

²⁹⁷ Moneni, mukwangufyanya, kulingile kwaisa Ulubuto ulwa cine. Kufwilefye ukuba, pantu Ena aleishila Nabwinga ukwabula itoni nangu ulukanshi. Ena aleishila cena, Nabwinga uwashininkishiwa ne Cebo. Oh, ena akaba ibumba ilinono nganshi. Yesu atile, “Nge fyo cali munshiku shakwa Noa, uko imyeo cinekonse konse yapuswike,” (bushe ico nacilungama?) “efyo cikaba napakwisa kwa Mwana wa muntu.” Nibanga? Nshishibe.

²⁹⁸ Lelo, mwamona, Nabwinga ali nokupangwa ukufuma fye monse, abo abakwete i Cebo munkulo yabo. Tacaba fye ili bumba lya kulekelesha, Lesa ali nokusenda icintu conse ukufuma muno. Oh, iyo.

²⁹⁹ Likaba—likaba ilinono nganshi, cikaba icakusungusha. Bakesa luba, tamwakeshibe nokwishiba ukutila nabaya. Nga cakutila Ena asendele imyanda isano muli ishi nshiku shakulekelesha? Imwe nga tamwaishibe ico. Basendele imyanda isano munshiku ishinono, inshiku shibili nangu shitatu? Kuliko abengi abantu abalubile mwisonde, tatwishibe uko bali, ukwabula ukumfwapo nangu cimo palwa bena. Ukwisa kwa munkama ukwakwa Shikulu Yesu, Ena akasendwa ukufumapo.

³⁰⁰ Kabili abashala batwalililepofye ukushimikila, nga fintu cali munshiku shakwa Noa, “Ubukata kuli Lesa, natu Ukwata, alleluya,” nokukakatikwa kumfwa yabo. Ifyo efyo Baibele yalanda, kabili Cena teti cifilwe.

³⁰¹ Nga fintu Noa, Mose, Davidi, alangishe ukwisa kwakwa uyu Shibwinga uwapwililika; efyo na Luther acita, Wesley, na Pentecosti, alangishe ukwisa kwakwa Nabwinga uwapwililika.

³⁰² Moneni, cila nshita alangishe, nicinshi ico acitile? Cila nshita, ici chalichi, nga fintu Efa acitile, ena apatikushe ba Adamu bakwe ukucetekela ulubuuto lwakwe ulupya, imibombele yakwe, kabili palya lwalifwile pamo nalwena. “Ifwe tuli, ukuba, ibumba lyesu likesa capamo, mwamona, oh, amapalo yesu ayapya pafyo twasanga, nafimbipo.”

³⁰³ Ni cinshi ico ici conse cacitile kuli Efa? Ifwe tukwete fye inshita inono nomba. Ni cinshi ico ici conse cacitile kuli Efa, kuli nyina wakubalilapo, nabwinga wakubalilapo kuli Adamu wakubalilapo? Ni cinshi ico cena cacitile kuli ena? Nomba kutikeni bwino, imwe tamwasumineko kuli Ici. Lelo caletele “ubufyashi bwansoka.” Bwino bwino fye.

³⁰⁴ Umwana wakwe uwantanshi tali umwana wakwa Adamu. Nga cakuti aba, ena alikwete insambu isho akwete ukupitila mukufyalwa. Baibele, muli Yuda, ilanda ukutila Adamu... ukutila, “Enoki aali uwalenga cinelubali ukufuma kuli Adamu.” Bushe ico nacilungama? Kabili ena atendeke, “Adamu akwete umwana wakwe, Sete.” Nga palwakwa Kaini, uyo wakwete

insambu ishakupitila mukufyalwa? Ena tali umwana wakwa Adamu. Seti, na Seti akwete; Jaredi, kabili ukuyafye pantanshi kuli Adamu, ico icali kuli. . . “ico icali ica cine lubali ukufuma kuli Adamu.” Kanshi nga Kaini ali umwana wakwe, takwaba icifulo nangu cimo muli Baibele, nangula muli Luka ilyo ena asontelela kuli cena nakabili, ena tasonteleleko kuli Kaini ukuba umwana wakwa Adamu. Kabili, nga ena tali, aali mwana nani? Kabili nga ena ali mwana wakwa Adamu, ena ali umwana wakwe ibeli, uyo wakwete shonse insambu ishakupitila mukufyalwa. Oh!

³⁰⁵ Cilya palya e chalichi camumubili (bushe tamulecimona?) ico casumine icintu cimo, cali bucende mucifulo ca Cebo. Abantu ba Pentecosti, amupale. Cisuma, cinshi ico apele kuli Efa? Ubufyashi bwansoka. Ni cinshi ico cacita muli shino nshiku shakulekelesha, kucilonganino? Caletele ubufyashi bwansoka, nakabili, ukukana i Cebo. Ni cinshi ico ena apele? Ifisabo ne fintu, te Mulopa.

³⁰⁶ Ku busokololo bwa Cebo, i Cebo cakwa Lesa lintu Cena tacilalembwa nokulembwa, “Abele kucicetekelo apele kuli Lesa ilambo ilyawamisha ukucila lilya lyakwa Kaini, ilyo lyapele ubunte ukutila ena ali umulungami,” i Cebo ukuilangisha Icine ukupitila muli ena, ukupitila mwilambo lyakwe.

³⁰⁷ Oh, Kaini ailesenda ifisabo fyamwibala, atontonkenye ukutila Efa alile i apo. Ayengi ama seminali yamasambililo yafya mipepele neficetekelo yalipilibula cilya nomba kuli apricoti. Cena cali bucende. Kabili umuntu onse alishiba ico, uyo waishiba Baibele. Mucine, eflyo cali.

³⁰⁸ Moneni, ubufyashi bwa nsoka bwafumine kuli Efa wantanshi ilyo atalwike ukufuma ku Cebo. Efa wacibili acitile icintu cimo cine ku Nicaea, ku Rome. Kabili nicinshi ico akwete? Ibumba lya bana bacilonganino. Ico nacilungama. Oh, mumibele isuma; mucine, cisuma. Lelo nga palwa cena? Ukufwa, ukupitila mufisumino fyabo.

³⁰⁹ Cimo cine nomba. Ubusokololo bwakwa Kaini ubwa Cebo bwacitile icintu cimo cine ico aba bakwete. Cinshi? Ali mulaile. Pampela yanshita, ifyo Efa bamulaile nomba? Umfwikisheni nomba, Ndeisala. Bulayo nshi kuli uyu Efa panshita yampela? Ifyuma, Laodikea, ishina likalamba, umuntu umukalamba, uwacindama. “Lelo uwafwa, kabili ubwamba, kabili tabacishiba.” Ifyo eflyo inkulo yachalichi yapwililemo.

³¹⁰ Lelo alakana i Cebo. Kukulenga Mateo 24:24 yaba iituntulu kuli ena, alesha ukwisamo necongo icingi, nefingi *ifi*, kabili nefingi ifyabwikashi, nefintu ifyaba ngefi, ukwasha ukutila, “Ukuba, twalikwata amaka! Ubukata kuli Lesa, alleluya, twalikwata amaka!” Ukukwata imimonekele yabukapepa, lelo ukukana Amaka yabuko, mupepi nganshi icakuti kuti cabepa nabasalwa bene. . .Kuti umuntu ashnsa shani mu Mupashi

nokulandila mundimi, no kukana i Cebo cakwa Lesa ukuba Icine, kabili nokuba Mupashi wa Mushilo? Cena tekuti cicitwe.

³¹¹ “I Cebo conse!” Lesa alanda icintu cimo, ifyo fine fye efyo Alepilibula. Mwi Cipilibula mumusango umbi. Baibele itila, ukuti, “Cena te cakwilwilwa kumbali.” Cilandeni mumusango Ena a Cilandilamo.

³¹² Moneni, amaka ayabufi. Ico ni bwino bwino fye ifyo Satana alefwaya ukupela kuli Yesu, aya kulya noku Mulenga ukuilangisha Umwine. Abantu balacita ico, nangula Icisaka ce Sonde, bonse muli bena. “Nani uwingalwa nankwe,” atile, Baibele, “ici cipashanya ca ciswango icikesa ima?” Nga twalikwete inshita, ifwe kuti twaingilamo (lelo tatukwete) muli cena. Moneni Yesu, uwacibili Adamu i Cebo, mubushiku bwakwe, lolesheni munshiku sha ici chalichi nomba icili nokupalama nganshi. Inkulo ya chalichi yakulekelesha ni Laodikea. Nibanga abengatila “ameni” kuli ico? [Ulukuta lwatila, “Ameni.”—Kale.] Nifinshi acita? Aleya mumusango nshi mucipandwa cabukata? Aba uwacifule cifule, ukwabula Lesa. Kabili nifinshi ifyo acita?

³¹³ Nomba, Adamu amwene Efa mukufwaya... nangu mukukana fwaya, lelo alibepekwe mukukana ishiba, kabili Adamu aendele na Efa pakutila enga mulubula. Bushe ico nacilungama? Baibele itila, “Adamu tabepelwe.” Ulya e mulandu wine Cakanishiwa kubanakashi ukushimikila i Mbila nsuma. Mwamona? Adamu tali mubupulumushi, lelo Efa ali. Eico ulya e mulandu wine talingile ukusambilisha, mwamona, nangu ukukwata amaka ayali yonse pamwaume, nangu nafimbipo. Ifyo efyo—ifyo efyo i Cebo calanda.

³¹⁴ Mwatila, “Cisuma, ici...!” Nshilesakamana ifyo *ici* cicitu kabili *ico* cilacita. Fintu i Cebo calanda, munyina, nkashi. Ndeesha ukuleta ico kuli iwe, mwamona, fintu i Cebo calanda. Ifwe twikalila ku Cebo, tefilya icishininkisho, nangu icintu cimo icabumubili, nangu ukwishiba kumo. Ico tacikwete nelyo cimo icakucita naco. Umusango onse uwakupitamo tekuti cibombe, nga kakuti cakana i Cebo. “Abengi bakesa kuli Ine nokutila, ‘Nalisesema, nokutamfya ifiwa. Nalilandila mundimi. Nalicita fyonse ifi fintu, ukushimikila i Mbila nsuma, na Dokota wafya Bulesa.’ Atile, ‘Wekabomba wa mampulu, Nshakwishibe nokukwishiba.’” Ukwishiba ukutila i Cebo cilanda Ico, kabili nomba ukumfwana pa mulandu wa kabungwe kamo nangu icintu cimo, imibombele imo. Oh, cibusa wandi, leka nkusoke, nga munyina umutemwikwa uyo wakutemwa. Umfwikisheni.

³¹⁵ Nomba, Adamu wakubalilapo aendele pamo na Efa, pantu ena alibepelwe. Lelo, kwaliko umuntu umo muno muli iyi Laodikea, ena alishibe ubupusano. Ee, mukwai. Pantu ena amufumishe Ena mubusanshi bwakwe, umuputule wakwe, sh...Ena aali panse, alekonkonsha, ukweshwa ukubwelelamo

mukati. Libe alikanshiwe nefyacalo, aalisasabikwe. Ena aali, oh, owe, “talekabila nangu cimo,” atile, lelo taishibe ukutila ali ubwamba, uwabulanda. Ico e chalichi ico icibepa balya bene abasalwa nga kuti cacitwa. Moneni, ena alikwete amaka, amaka yabufi. Ena asendele iciputulwa ca Cebo, tasendele ifyashala ifya Cena.

³¹⁶ Ubufi ubukalamba nganshi ubo ubwatala abulandwapo? Bwalikwata Icine ica makumi pabula na pabula muli cena. Ngo muntu umo atile “William Branham, pali ubu bushiku bumo, ali kulya mu Houston, ku Texas, nakolwa nge fyo engaba.” Ubo bufi. Mwamona? “Oh,” mwatila, “iyo, ena aali mu Phoenix, ku Arizona. Ashimikila kuli ba shimakwebo abena Kristu, ashimikile pesambililo limo, eico abantu abengi eko bali kulya, bena balyumfwile mpaka nalimo teni sate. Kabili, pa teni sate, namwishiba ico acitile? Alineme nokubula ibotolo lya bwalwa, nokunwa.” Nomba ubo bufi. Ifyashala muli ico fyali ifyacine. Mwamona, cifwile camoneka bwino bwino bwino fye ngecishinka, ukuti cibe icakubepa.

³¹⁷ Ifyo eflyo abantu bacita ileelo. Bena balikwata Icine icapulamo, bena balabepa abasalwa bene. . . Lelo, i Cebo cimo, eflyo fye cisenda. Kabili Ninshininkisha ico ukupitila muli Baibele.

³¹⁸ Moneni, Ena tatalile enda nankwe. Ali Mutamfishe kunse, i Cebo, ali Mukene. Nomba ici cikope icabulanda, ilyo twafika kumpela.

³¹⁹ Nga fintu cali mu Babyroni, umuntu tekuti aleke icintu icili conse ico aleesha ukuipangila umwine. Ena tekuti aleke fye. Nga munshiku shakwa Noa, temulandu imiku Noa ashimikile nokusoka, tacaafwile nangu panono. Munshiku ilyo Ahabu, ali nokuipangila umukate uwakumutuma kumbo. Ifyo cili fye. Alingile ukuipangila umukate wakwe icakuti icakulundanya caputuka, icakuti cikamutwale umwine eka kumbo. Kwati ni Ahabu na Yesabele. Bena, lelo, icintu ca cena cili, bena tabatontonkenye ukutila balebembuka. Batontonkenye ukutila balecita icalungama.

³²⁰ Namwishiba, Yesu atile, “Cikesa fikilishiwa ukutila bakamwipaya, ukutontokanya ukutila balebombela Lesa umulimo.” Loleleni mpaka ili buuku lipya ilyandi lyafuma. Balilashile abantu bamo, ubushiku bumbi, pakulanda ukutila cena cali cilubo ukwampanya ichalichi caci Roma ica Katolika pamo naba Protestanti. Impopololo shitatu shapitile mucikulwa, icakwa cibusa wandi, babapushilefye apanono. Loleleni mpaka ili buku likafume. Mwitontokanya ukutila bena balebembuka; bena batontokanya ukutila balecita icintu icalungama. Bena batontokanya ukutila bale—balecita ico pamulandu wakwa Lesa, ukwabula ukwishiba ico.

321 Aba Yuda baipeye Yesu, mukutontonkanya ukuti balecita icintu icalungama, pantu isambilisho lyabo ilya chalichi lyalandile ukutila Alilufyene. Oh, atile kuli bena ukutila Ena... “Bena batanike u Mukate wine untu bena bafwile ukwikalillako.”

322 Nomba, kanshi, “Abo bonse aba Mupokelele ukuba Umweo wabo, Umweo wa Muyayaya, bena baiklele na Ena, kabili Alibapele amaka ukuba iciputulwa ca Ena, abana bakwa Lesa.” Bushe ico nacilungama?

323 Bena ngensupa shamumpanga, imfwa mumpoto, ukufuma kwisukulu lyabasambi bamipepele nefisumino. Tabamufwaya Yesu, Umukate wa Mweo. Bena tabamufwaya Ena. Ba Mutamfishe muchalichi cabo. Balingile ukucita ico. Nshilesakamana ifyo bacita.

324 Mwatila, “Uletontonkanya ukutila uli nokucipilibula, Munyina Branham?” Iyo, mukwai. Lelo Ndelanda ku Basalwa.

325 Bali Mutamfishe. Mulandu nshi? Balisendele umuto wabo, iuwasankanishiwa nesonde, ifyalandwa fimo pacintu cimo, kabili ukusakanya fyena capamo, kabili nokupanga umuto waseminali uwamasambililo yafyabulesa. Kabili bakana ubunga bwakwa kasesema Eliya ukucundapa.

326 Bushe balicitile ico muli bulya bushiku? Eliya alikwete ubunga bumo. Ubo bunga bwali ni Kristu, ilambo lyabunga, nabapela cimo cine. Uluseke lonse lwali nokupalana, pakuti balupele. Kabili ena aposele bulya mulya, kabili bwaundepe amalwele yabo, nangu imfwa yabo mumpoto.

327 Lelo ileelo balikwata imfwa mumpoto, kabili tabafwaya Ubunga bwakwa Eliya, Kristu, Umukate, i Cebo. “Iyo, mukwai! Cena cintu icabufi!” Bena tekuti ba Cikwate. Twalilileni nokulya, kabili muli nokufwa mucine nge sonde. Muli sumu mumpoto. Bena tekuti babusumine ubu Bunga (iyo, mukwai) mumpoto shabo ishamasambililo yamipepele nefisumino. Bena tekuti bacicite fye. Nomba bena bali nokumutamfya ukufuma muli cena, bena tabafwaya nangu cimo icakucita neco.

328 Nomba Efa wa cibili, umukate wa luseke, ali ni Pentecosti, acitile ngo wakubalilapo, umukate wakwa Adamu, aile kumfwa pesamba yanseke shabena Roma, pesamaba lya kupakaswa, bamufwilakristu.

329 Lelo nkashi yakwe uyo waishileba cilende, (bushe filya efyo Baibele ilanda?) ico nacilungama, cinshi ico acitile? Ena aile fye mukati kesonde nokufyala abana. Ninani wingatila “ameni” kuli ico? [Ulukuta lwatila, “Ameni.”—Kale.] Ukusokolola 17, “Cilende mukalamba nabana bakwe abanakashi,” te mwaume; abanakashi, amachalichi. Ifilonganino, ni cinshi ica mulengele ukuba cilende? Alikene i Cebo nokusenda icilonganino, aishileba cilende. Ni cinshi ico abana bakwe bacitile? Bena bali bacilende, ico caba icintu cimo cine. Acitile icintu cimo cine, akene

i Cebo nokuya kucilonganino. “Abana bakwe,” abanakashi, amachalichi, lolesheni pali yena.

³³⁰ Nomba lekeni nande ici, mubusesemo. Bushe muli nokwiluka? Ukutalikishanya ukukalamba ukwalupwa kuli mupepi nokupwa. Bonse balebwela capamo. Nyina umukote ali nokusenda abana bakwe ukubabweshwa nakabili. Bonse baba cimo cine, nangu cibe fyo. Bena balefwaya ukuba umo. Yena ninshita ya Chalichi na Lesa, i Chalichi ne Cebo, ukubula umo, pano pene, pantu ico eco Aleishilapo; te “limo” ibumba lyaba ngefyo. Iyo, mukwai.

³³¹ Uluseke lwa ngano lulingile ukuba. Nomba moneni icifyalilwa, kabili twalaisalila tuleisala pali ili tontonkanyo. Moneni icifyalilwa. Umuntu abyala ingano.

³³² Bena balembele ibuuku, Ndetunganya imwe bonse mwalilibelenga, nalimo bamo pali imwe mweba sambilila ifya mipepele, ilitwa *Lesa Uwaba tondolo*. Ndetontokanya kuti mwalisanga nalimo mu—mumabuuku yenu, aya—aya uko mushitisha amabuuku, amatuka bashitishamo amabuuku. *Lesa Uwaba Tondolo*, litila, “Musango nshi,” umusenshi, atile, “musango nshi wingatala subila, ukuba Lesa uyo wingekala Kulya mukati ka Nkulo ya Mfifi nokumona abana abanono balebepaya, kumulilo; abanakashi, imishishi yabo itali baikakile mumanenekelai, nokuyoca; ukubika ingo’mba iilume kukuboko kumo, kabili neibiye kumbi, nokubalepula pakati, pantu bakene ukutomona ulupanda; kabili fyonse filya fintu nga filya?” Atile, “Musango nshi Lesa, nga kwaliko umo, engekala pamulu palya nokutamba balya bana abanono baleboca?” Mwamona, ico cifyalilwa, amano yamumubili. Mwamona?

³³³ Moneni, bushe mwalishiba ingano, ilyo shaya mumushili, shena shifwile shaikala mulya nokubola? Filya efyo cilya chalichi ca pentecosti cali nokucita, ukulala palya nokuya mumushili, nokufwa. Cena cali nokubola, pakutila kwingaba u Mweo nakabili. Bushe ico nacilungama? [Ulukuta lwatila, “Ameni.”—Kale.] Nomba moneni, kabili nomba aya ematontokanyo yandi ayakwisalila. Nomba ukucipwishisha conse, lekeni tusende icifyalilwa. Nibanga muli imwe abacetekela ukutila Lesa abombela ukwendela pamo necifyalilwa, kufintu fyonse? [“Ameni.”]

³³⁴ Ena, moneni, Ena alipanga icalo. Ena alubula icalo mumusango umo wine uo Alubwilamo umuntu. Cinshi ico umuntu acetekela? Alacetekela, nomba abatishiwa; nomba ena aliwamishiwa nomulopa, ukushilishiwa, ico icali imbila yakwa Wesley; lyena ena alisushiwa no Mulilo wa Mupashi wa Mushilo, afumya isonde ukufuma muli ena, kabili aisushiwa na Mupashi, ico caba Cebo. Bushe mulecetekela ico? [Ulukuta lwatila, “Ameni.”—Kale.] Nomba moneni ifyo. Lesa ali nokulubula isonde Lyakwe umusango umo wine.

³³⁵ Ni banga abakwete i—i—*Ing'anda Ya Kuntanshi Iyakwa Nabwinga Na Shibwinda*, pali tepu? Mwamona, Nalicileta mulya. Shikulu apele cena kuli ine. Ndepela cena kuli imwe ifyo Acipela kuli ine.

³³⁶ Moneni, icintu cakubalilapo, isonde lyalisekelwe, pesamba lyakupona kwakwa Adamu ukufuma ku Cebo. Ukushimikila kwakwa Noa kwaletete ukulungamikwa, kabili Lesa abatishe isonde namenshi; nomba kwaishile Umwana kabili aishile ponesha Umulopa Wakwe pali cena, mukucishilisha, ukucisenda ukuti cibe i Cakwe Umwine; kabili nomba mukupwisha ukwakulekelesha, ukupanga cipya cipya, kukaba umulilo uakosa akashishi konse, icintu conse, ukaya bamailoshi amakana pamulu, mumulu.

³³⁷ Kabili nomba cinshi? “Namwene u Muulu upya ne sonde lipya, umulu wakubalilapo nesonde fyalipita. Kabili Namwene Umusumba wa Mushilo, Yerusalemu Mupya uleika ukufuma kuli Lesa, ukufuma ku Muulu, uwapulamikwa nga nabwinda wakwe. . . uwapulamikilwa nga nabwinda kumulume wakwe, mwamona, ukwisa pesonde.” Nomba Lesa no muntu. . .

³³⁸ Cintu cimo cine na Yesu, moneni, ilyo Abatishiwe mumenshi, nokupanga ukuteyanya Kwakwe. Ena alishishiwe, pakwambilapo, kuli Taata; elyo Aimishe amaboko Yakwe, kabili apa paishile Inkunda pa Mwana wa mpaanga. Ni cinshi ico Lesa alecita ilyo Abikile Inkunda Palya? Apokele cilya ciputulwa camweo; cilya—cilya cali iciputulwa cesonde, Yesu ukulya icakulya nge fyo twakwata, umukate wa cifyalilwa. Lelo nomba Lesa alisendele ico, tapali nangu cimo icinga cikatilila ico. Imfwa tekuti iikatilile. Atile, “Onauleni ili Tempile, Nka Limya nakabili.”

³³⁹ Kabili lintu umwaume no mwanakashi baingila muli Lesa, uwapwililika nomba, tefyakubaposela fimo, te fyakumfwa umfwa fimo, lelo mucine ilyo i Cebo na Ena baba umo; Lesa napususha ulya muntu, namushilisha ukufuma kufyacalo, ukufumyapo ifintu fyonse ifya mwi sonde ukulifumya kuli ena, no Mulilo wa Mupashi wa Mushilo, kabili nokwikala muli ulya muntu, ukuilangisha Umwine eka, ulya umwaume uwapwililika nangu umwanakashi uwikala ne Cebo. Mwamona, ilyo e sonde ilyawamishiwa. Ena ali nokubomfya isonde mu musango umo wine, Ena alubula lyena.

³⁴⁰ Nomba lolesheni, uluseke lwangano luponena mumushili. Nomba, Yesu ali lulyo luseke lwangano ulwaponene mumushili, ulo panuma lwalengelwe ukupwililika, Lwalikwete Umweo muli Lwena. Mose tabukile. Adamu tabukile. Tapali nangu bamo abashala muli bena ababukile. Lelo uyu Umo uwapwililika uyo walangishe i Cebo mumusango onse, i Cebo conse ico Aikeleko! Nibanga abengatila “ameni” kuli ico? [Ulukuta lwatila, “Ameni.”—Kale.] I Cebo conse Aikalileko. Cinshi

cacitike? Ba Mubikile munshinshi. Lelo, inshiku shitatu, Amutobebele ukumwisula nokwisa fuma nakabili. Mwamona?

³⁴¹ Nomba pano paishile ichalichi nakabili, mwamona, ukwisa kuli ulya Umo uwapwililika, ku Kusumbulwa nakabili. Nomba ni cinshi icacitike panuma yachalichi ukuya mumushili ku Nicaea, ku Rome, ku kabungwe kantanshi? Bushe uuli onse kuti atila “ameni,” ico nacilungama? [Ulukuta lwatila, “Ameni.”—Kale.] Ni cinshi ico ena acitile? Ena aishile nakabili mukubuka kwapakashita fye, Aeseshe ukupitila muli Luther cimo cine nga fintu Acitile ukupitila muli Noa. Lelo ni cinshi ico acitile? Ena alifililwe i Cebo, aliampenye. Ni cinshi ico cacitile?

³⁴² Caba ngoluseke lwa ngano ululetula. Ilyo uluseke lwatula, cinshi icakubalilapo icitula? Tumabula tubili utunono. Nomba umfwikisheni. Ni cinshi icisa, icacifyalilwa nomba? Ifwe tuli nokukonka icifyalilwa pamo nowabumupashi, umukate wacifyalilwa nomukate wabumupashi. Cinshi icicitika? “Musango nshi uyu Muntu engaba Umukate?” Moneni.

³⁴³ Ilyo ichalichi caimine, cali libula limo. Nomba ico tacilemoneka kwati luseke ulwaile mumushili, nakalya, lelo cena cakusendelamo umweo. Mwamona? Nomba cinshi icicitika? Nomba umwaume atila, “Oh, Nalikwata ibala ilisuma ilyangano.” Tepali nomba. Munshila imbi alikwata. Cinshi cacitike? Uwakonkelepo aali ni Zwingili, ico cali ukusela kumbi ukwaishile panuma yakwa Luther. Nalyo line ico tacali eco. Cena libula. Ilyo umupeti waleta amabula ayengi, icapala nga Calvin, nafimbipo, ukwisa. Mukulekelesha ulukuta lwa Anglican lwalimine, amabula yonse. Mwamona, bonse bwino bwino fye abapalana, icintu cimo cine.

³⁴⁴ Lyena ni cinshi icacitike? Ingano ilapilibuka, kabili uluseke lulapilibuka, kabili ifintu fyonse filapilibuka. Ico icaishile cali umupupunga. Imwe limbi kuti mwawita wena umupupunga. Ukuba, ilyo wena wacitile, lolesheni ifya kobama pali wena, ubuluba ubunono. Nomba ico camonekafye kwati lubuto lwakubalilapo ulwa byelwemo, ukucila ifyo ibula limoneka. Bushe ico nacilungama? Ukuba, imbila yakwa Wesley yali mupepi na Baibele ukucila iyakwa Luther. Mwalishiba ico. Bushe ico nacilungama? Nga utu utunono utumimpupunga? Kwaliko ba Wesleyan Methodisti, ba Nazarene, ba Pilgrim Holiness, ba United Brethren, bonse balya pesamba lya kushishiwa. Kabili ni cinshi icaishile ukufuma kuli cilya lyena? Cena, mukulekelesha, ni cinshi ico cena cacitile? Ukwampana, califwile!

³⁴⁵ Cinshi icafumine muli balya abali ni ba Pentecosti. Mwatila, “Oh, munyina!”

³⁴⁶ Nomba nomucinshi, kabili Nalanda ici nokutemwa ukwa bulesa. Kabili lekeni Taata Umukalamba Uo Nacimwebapo, mukutendeka, epo ali pano, uwaba konse konse. Nga Ndelanda

ici ukupitila mukutontokanya ukwakuwila kumo, lyena Ena ali nokumpingula. Nga Nacilanda ukupitila mu Cine, Ena ali nokumpala. Ena akamuleka uku Cimona, nga cakuti mwalashikilwe ku Mweo.

³⁴⁷ Lintu uluseke lwakubalilapo ulwanganano lwafuma pamupeti wangano, lwena mukupwililika lumoneka kwati luseke. Bushe ico nacilungama? Lelo cena ni cinshi? Lwena teluseke. Ico ni cilya Mateyo 24:24 atila, “mupepi nganshi icakutitila kuti cabepa nabasalwa bene nga caba icingacitwa.” Moneni, cimoneka fye kwati luseke. Lelo fumenipo ico nokwikalako, nokusenda kali kalashi akakukushishako ifintu mukumoneka nokutampa ukukabwasha kunuma. Cena cipapafye petaba, nangu icipapa pangano. Cena cicingililafye cena, lelo cena cimoneka fye filya fine kwati luseke. Nomba nibanga abeshibe ico ukuba icishinka, imyeniko amaboko yenu? Mucine. Lelo cena cikapa.

³⁴⁸ Nomba, ba munyina ba Pentecosti, mwingumfwila mumbi, lelo ici Cishinka. Imwe tekuti mupililike icifyalilwa. Kabili icifyalilwa cilangisha Lesa mufintu fyonse, Kalenga waciko.

³⁴⁹ Nomba lolesheni pali ico icipapa. Cena cimoneka. . . Cinshi ico bena bacitile? Balandile mundimi. Bena bacitile fye filya fine bacitile pa Pentecosti. Lelo nga mwalepula ico, buleni cilya cintu nokucitintila kunuma, calikwata ifipapa ifingi muli cena. Kabili ilyo mwacibwekeshamo, nga mwamona kulya kunuma yacena, mulingile ukukwata icilola icisuma, ukulolesha kunuma kulya. Kuliko akanono akaluseke akaletampa, kuliko icintu icituntulu. Cena cakusendafye. Mulandu nshi? Cena cifwile cabapo palya ukucingilila lulya ulubuto. Cena cilebomba mukumfwana icisuma, lelo lwena lufwile lwacingilila lulya lubuto. Nomba uko uluseke lwafumine mumushili, pamulu ukupitila muli ba Lutherani, ukupitila muli yalya amachalichi, ukupitila muli Wesley kabili ukupita mulya, ukufuma mumpupunga, kabili nomba ukwisafika mucikapa. Nomba cilemoneka fye icapwililika. E mulandu wine Yesu alandile ukutitila, “Cena kuti cabepa nabasalwa bene nga caba icingacitwa.” Camoneke kwati luseke, mulya mwine muncende uluseke lulingile ukuba, lelo cinshi icacitike? Cacitile icintu cimo cine ico bambi bacitile kunuma yacena, ukwampana! Cinshi ico caishileba? Icakusendelamo.

³⁵⁰ Nomba munshiku isho tuleikalamo, kalemba we yashi lyakale uuli onse muno alishiba ukutitila ukupuputulwa ukuli konse kupwafye nalimo imyaka itatu, kabili nomba ukufuma muli kulya ukupuputulwa kwaisa akabungwe. Munyina, nkashi, muli uku kupuputulwa ukukalamba ukwa myaka ikumi limo na isano uko Njikelemo, ukukwata ishuko lya kwikala pamo na iwe, takwaba akabungwe akafuma muli kena. Takwaba nakabili utubungwe. Takwakabeko. Ilya e yakulekelesha. Nomba, Pentecosti yalingile ukuba palya ukucingilila ici. Nga nikwisa twaile ne Mbila iyaba nga ifi nga cakuti takwali

Pentecosti uwakuicetekela? Nomba bwelelenimo ku Mumana wa Ohio, mu 1933. Mwamona?

³⁵¹ Munjeleleko pali ici, lelo Ndefwaya imwe ukwishiba Icine. Kabili Nshikwete inshita iingi iisheleko, namwishiba ico, Ndi nemyaka amakumi yasano na isano. Lelo aya matepu yakekala ninshi Naliya, kabili muli nokumona nga cakutila cena cintu calungama, nangu iyo, nga Ndi mubomfi wacine nangu kasesema wabufi. Nshamwebapo icintu libe kano icicitika, eico ici cili nokucitika.

³⁵² Cakusendelamo. Cali nokuba ifyo. Lelo ilyo ilya ingano yatendeka ukumena, nga fintu ichalichi pakubala cali icakusendelamo kuli Yesu, lelo ilyo Atendeke ukubeba Icine cakwa Lesa, bena baishile patukana ukufuma kuli Ena. Nomba ni cinshi icilecitika? Takwali ukumfwana. Mulandu nshi? Cali nokuba muli iyo nshila, icakuti ingano iine yeka yalambalala pakasuba, a-k-a-s-u-b-a, kabili ukuti ingano yakumupashi yalambalala pa M-w-a-n-a, ukuti lusanguke uluseke ulwa golide ulwa Cebo, mwamona, ukupangwa i Cebo, Lesa ukupangwa umubili, ukushininkishiwa. I... "Uyo uwacetekela muli Ine, imilimo iyo Ncita nao akacita." I Chalichi icikalila ku Cebo cilya, cilepya, temukupitila mukabungwe, lelo mu Kubapo kwa Cebo, Umwana, Cena cisa mukuba cinshi? I Cebo cimo cine icaile panshi pa Bushiku bwa Pentecosti.

³⁵³ Nomba, bushe Malaki 4 taitusambilisha, ukutila ilyo ubushiku ubukalamba ubwa kutinya bwakwa Shikulu tabulaisa, ukutila ici cikacitika? Nibanga abaishiba ico? "Kabili Ena akabwessha imitima ya bana kuli bashibo," bushe ico nacilungama, "Icicetekelo cabakubalilapo icaba taata bapa pentecosti."

³⁵⁴ "Kabili muli bulya bushiku," Luka 17:20, Ndecetekela eyo, Yesu atile, "ilyo Umwana wa muntu alesokololwa," te bantu. "Umwana wa muntu," te kabungwe. "Umwana wa muntu," I Cebo ukwikala Icine nakabili pakati kabantu! Mwamona?

³⁵⁵ I Cebo, Icine ceka, ukulengwa umubili muli imwe, mwaba icakulangisha ca ino ola, i Mbila, ukulangisha kwa ico. Mwamona, imwe mwikala nakabili, ukwikala u Mweo uwali muli Yesu Kristu. Iwe uli mu Kubapo kwa Mwana. Nomba ku...

³⁵⁶ Cinshi icicitika kuli cena? Cinshi icicitika kuli cilya Chalichi? Pakulekelesha, kutikeni, cilya cipapa cilafuma kungano, ilyo yatampa ukulangishiwa. Cinshi cacitike? U Mweo uwali mucipapa, waile kunse mungano. Ubumi tabwakapilibuke. Ifya kusendelamo filapilibuka, balampana; mwamona, amabula, umupupunga, icikapa. Lelo ingano tekuti shipilibuke. Cilingile ukuba bukapyunga ubwaba filya fine fye pa Cebo nge fyo Ena ali pa Cebo, kabili nga fintu Chalichi yakubalilapo yali pa Cebo, iyaisushiwa no Mupashi, iyalishiwa ne Cebo; teyalishiwa necilonganino. Iyalishiwa ne Cebo!

357 Nomba kwaliba icifyalilwa, ne Cebo cakwa Lesa. Ena e ulya Mukate. “Umuntu tekumukate weka akabela nomweo, lelo ku Cebo conse icifuma kukanwa kakwa Lesa.”

358 Ukwisala nomba, ilyo tatulapepa. Moneni pano, ici caisa icintu ico Ndefwaya ukulanda.

359 Nomba cilya cikapa cilingile ukufumako kuli ilye ngano, ico cili mukupekanya kwakwa Lesa. Nibanga abaletila “ameni”? [Ulukuta lwatila, “Ameni.”—Kale.] Icikapa cilingile ukufumako ku ngano, pantu ilya ilekula nomba. Naciminina. Nomba, cilya cikapa tacaliko kulya, caletungililafye, cakusendelamo Umweo, lyena Umweo ukufuma mulya waile mukati fye kangano. Nomba, ulya e mulandu wine.

360 Umfweni, ba cibusa, bushiku nshi tuleikalamo? Twalikwete ukupuputulwa ukwa myaka ikumi limo na isano. Ni banga abengatila “ameni” kuli ico? [Ulukuta lwatila, “Ameni.”—Kale.] Kabungwe nshi akaimine? Nangu kamo. Bena baeseshe ukunenga ukupanga akabungwe, atile, “Bushe uli nokupanga akabungwe, Munyina Branham, pa bupyungishi bobo? Cena cili nokuba . . .” Nomba, te ine, Nshilelanda palwa ine. Ndelanda pa Mbila ya ino nshita, iya buno bushiku.

361 Kabili baile kulya mu Canada nokusenda abanono bamunyina abamfula yakulekelesha. Califwile palya pene. Ibukisheni imfula yakulekelesha, imwe ba munyina? Nikwisa uko yena yaile? Nikwisa uko icintu cimbi caile? Lelo cinshi ico akabungwe kafumine muli kena? Ba milioni abapilibulwa, nokupanga abasha ukufuma muli bena, kufisumino fyabo, baishile nonka, nokukula amamillioni namabillioni yafikulwa nefintu ifyaba ngefyo, nokutla “Shikulu aleisa,” ukutuma bakashimikila ku maseminali nefintu, nokubasambilisha pamasambililo ayafyamipepele ayapangwa nomuntu, nga Luther, Wesley, na imwe bonse abashala. Caishileba icikapa.

362 Lelo, toteleni Lesa, uluseke luletwalilila. Kanshi nga cakuti ico cishinka ku Cebo, uko tuleikala, ico cishinka ku cifyalilwa, lwalishininkishiwa, uluseke lwangano, munshila yonse, tukwete inshita yashani iisheleko? Bushe namwishiba? Ning’umfwa ukwisa kwakwa kabika pamo, Icisaka ce Sonde, ena akacipatula. Baushe nifinshi acita? Kumuputula kumupeti. Lelo Alikwata icikwepe icilemulolela Ena. Ena akaya ku Mwesu, lumo muli ishi nshita shalucelo. Oh, ee. Namumfwa, tileni “ameni”? [Ulukuta lwatila, “Ameni.”—Kale.]

363 Nalishiba ukutla isonde talyacetekela ico. Bena tekuti bacetekele cena. Mwiesha . . . Kubomfwila fye ubulanda, pantu, “Takuli umuntu uwingesa kano Taata Wandu amwita; kabili bonse abo Taata Wandu Ampela bali nokwisa.” Nge shina lyakwe lili mwi Buuku lya Mweo, ena mucine ali nokwishiba i Cebo. Alingile ukucita ico, cena calishininkishiwa panshita ntali

nganshi. Cena calishininkishiwa mukupwililika nganshi, mpaka cena caba mucituntulu Icine.

364 Ifwe tatwakakwate utubungwe nakabili, lelo utubungwe tonse tuleya muli kamo. Ni cinshi ico awaminako? Ukuya... Ni cinshi ico bacita nefyani? Koca. Yesu atile, “Ba malaika bakesa longanya ingano mubutala.” Kabili nicinshi icikacitika? “Imipeti, nefishiki, nabacilasa, fikocewa nomulilo ushingashimishiwa.” Mwamona? Kabili nicinshi icali nokucitwa intanshi? Ba malaika balile nokukaka amankumba intanshi. Bushe ico nacilungama? Mwamona, baleikaka abene capamo mukabungwe kamo akakalamba, takuli nakabili utubungwe.

365 Ingano ili pano. Ukutotela kube kuli Lesa, ingano ili pano. Kristu ali pano. Ena alashininkisha i Cebo Cakwe, Cena Cine. Ingano ili pano, ilekula nomba, naibikwa mu Kubapo kwa Mwana.

366 Takuli umuntu nangu umo uwinga Cikumya, cena conse ciletinta ukufumako, “Ifwe tatwakakwate icakucita na Cena.” Imwe mulingile ukucita ico.

367 Oh, munyina, kabiye mungano, leka Umweo obe uuli muli iwe ufume mungano. Bushe uli nokucita ico? Cetekeleni Lesa. Mwiesha... Ikalenifye na Lesa. Bushe muli abashininkisha ukutula muli nokucita? Nga cakutula umuntu umo atile... Nshilesakamana.

368 Kwati lyashi Nabelengele, inshita imo. Kwaliko dokota, ali umuntu umusuma, kabili atemenwe abantu ababusu. Kabili cila nshita ababusu balefilwa ukulipila inkongole shabo, namwishiba ico acitile? Ena alembele fye cena muli inki yakashika, atile, “Iwe wabelelwo luse.” Mukulekelesha, dokota alifwile. Kabili lintu dokota afwile, umukashi wakwe aali uwafikansa. Aali uwaibela, nge chalichi iceeelo. Lwaliile nokulubika bonse capamo. Ena aletele abakucilye, nokubaposa mucilye, “Muli nokulipila aya amalipilo, nangu cibe fyo!”

369 Lelo kapingula asendele yamo amalisiiti, atile, “Isa kuno, mayo.” Atile, “Bushe iyi inki yakashika kulemba kwamulume obe?”

Atile, “Ee, mukwai, eflyo cili.”

370 Atile, “Takuli icilye ca mucalo icingabatwala kucilye. Bena bantungwa.”

371 Lekeni balande ifyo balefwaya ukulanda. Alembele i Cebo Cakwe no Mulopa Wakwe Umwine. Takuli nangu cimo icingatupoka ifwe, munyina. Tuli bantungwa.

372 Natupepe. Mucine imwe. . .

[Munyina mulukuta alepela ukukoselesha. Tapali mashiwi pali tepu—Kale.] Ameni.

³⁷³ Nomba ne mitwe yenu iyakontamikwa. Nga Niniluka, umo aliminine mukati kabo, munshiku shaba shamfumu, no kupela ubusesemo, uko balingile ukukumanya abalwani nokubonaula. Nomba, nga cakuti Nakutuluka ico nacilungama, kuli incende imo iyakukumanya umulwani wenu, ico cili pa Cebo. Kulya eko ena aleesha ukukumumanya. Imwe mumukumanya kulya na EFYA SOSA SHIKULU.

³⁷⁴ Nibanga muno, ne mitwe yenu iyakontamikwa, (cili icapalama nganshi kukasuba pakati, Nshikwete nshita iyabwite bwakucipailo lelo nififine fye) kuti mwaimyako amaboko yenu, ne mitwe yenu iyakontamikwa, amenso yenu ayaisalwa, “Ndefwaya ukuba iciputulwa ca Ena. Ndefwaya ukuilunda nemwine pamo Nankwe ne Cebo Cakwe. Te mulandu ifisa nangu ifileya, ifyo isonde lilnda, Ndefwaya ukuba iciputulwa ca Ena,” imyeni ukuboko kwenu nokutila, “Ndecita ico”? Lesa akupale. Wanu andeleti pesenti, Nincetekela.

³⁷⁵ Nemitwe yesu iyakontamikwa, ilyo tuletontokanya, lekeni mukutepelesha tungwi'ngwinike ulu lwimbo ulunono nomba. Cila umo alepepa.

Ipalwe Intambo iikaka pamo (Ico e Cebo.)

Imitima yesu mukutemwa kwa bwina Kristu;

Isege lya bumunyina ubusuma

Lyaba kwati niku Mulu.

“Nga fintu Ine na Taata Wandu twaba umo, imwe mwaba umo pamo Nankwe, pamo.”

Ilyo twalekana,

Cilatukalipa mukati;

Lelo ifwe tucili twalilundinkana mu mutima,

Kabili tulesubila ukukumana nakabili.

³⁷⁶ Pa Cibelushi cileisa ulucelo ku Flagstaff, Arizona, Shikulu nga asuminisha, Ndesubila ukukumumanya imwe nakabili. Bushe mwali Mutemwa?

³⁷⁷ Nomba Nalacisha fye nga ifyo, mwamona. Baibele itila, “Abo bonse aba Mucetekele, kabili nabonse abo abapokelele i Cebo.” Mwamona? Tekuti nande uuli nangu uushili, ico cili kuli imwe. Lelo nga namwikatilila kucisumino cimo icinono, imwe bamo ba Methodist, ba Baptisti, nangu Pentecosti, nangu uyo onse untu mwingaba, abo abekatilile kucintu cimo icapusana kuli cilya Cebo, napapata, mwebantu bandi abatemwikwa, talukeni ukufuma kuli cena, ileelo. Bushe tamwacite ico? Pilibuleni kuli cena, no kupilibukila kuli Ena. Mwileka i Cebo cimo cimutobaule ukufuma kwisenge lyakwa Kristu. Lekeni u Mupashi Wakwe upele ici.

³⁷⁸ Taata, Lesa, aba bantu nabekala muno panshita ntali. Cena cilenjibukisha pa nshita imo ilyo Paulo, aleshimikila nga ifi, yena yali ni Mbila nsuma, bena baiketele inshita yonse iya bushiku nokumfwa kuli ena, umwaume wacaice aliwile ukufuma

pewindo kabili alifwile. Paulo aile nokubika umubili wakwe pamulu wa mulumendo, kabili atile, “Umweo naubwelela kuli ena.” Nomba, Taata, kuliko abalwele nabalecushiwa muno, kuli abo abalefwaya amapepo yamibili yabo. Napepa, Lesa Umutemwikwa, ukukana lolela mpaka ukulongana. Bena tabalingile ukulolela ukulongana ukuli konse. I Cebo lyonse caba pano, uyo ni Kristu. Napepa ukutila Mwalaundapa cila umo pali bena. Leken i cila umo uwamuli bena abe uwapwililika umupwilapo, Lesa. Peleni ico. Bapaleni, ukubomba kwabo. Bena nga tabacikala muno, Shikulu, bena nga tabaomfwile kuli Ici, nga bena tabacetekele Ici. Nomba, Shikulu, bena nabemya amaboko yabo, bena naba Cicetekela, nomba lekeni Cena cipokelelwe mumitima yabo, kapyunga onse, umuntu onse uwamulukuta. Umubembu, lekeni apokelele Kristu; uwabwelela inuma abwele. Cipeleni, Taata. Aya mapalo twalomba mwi Shina lyakwa Yesu Kristu. Amen i.

Nali Mutemwa, Nali Mutemwa,

Abikile ishina lyandi mulya, imyaka iingi iyapitapo.

. . . antemenwe mukubalilapo
No kushite pusukilo lyandi
Pa Kalbale.

³⁷⁹ Mwali Mutemwa? Nomba ilyo tuleimba ulo nakabili, pilibukenifye pe tebulo nokuposhanya mumaboko nomuntu umo, ukutila, “We mulebeshi uwatemwikwa, Ndi uwansansa ukwikala muno muno lucelo. Ndecetekela Kristu. Inga imwe?” Icintu cimo nga ico, ilyo tuleimba nakabili.

Ine . . . (. . . ? . . .)
. . . ashitile ipusukilo lyandi
Pa Kalbale.

³⁸⁰ Nomba, ukufuma nomba ukuya kuntanshi, bushe ifwe twalilekana nesonde? Bushe ifwe twalilekana namafashoni aya mwisonde? Na i . . . nefyabula amano fyonse, nefyakubengeshima, nokusenda i Mbila nsuma nokupangamo ifyamakwebo ukufuma kuli yena, kabili—kabili bushe ifwe twalilekana nacena? Bushe teifyo fine? Mpeni fye Yesu, ico fye ceka eco Ndefwaya. “Uku Mwishiba e Mweo, uku Mwishiba.” Nali Mutemwa. Bushe ta mwa Mutemwa? [Ulukuta lwatila, “Ameni.”—Kale.] Oh, ifyo twa Mutemwa!

³⁸¹ Nomba Nalabwesha ukulongana kuli Munyina Carl, Nshishibe cimbi ico ali nokucita.

³⁸² Lesa amupale. Kabili Ndesubila ukumumona nakabili pa Mulungu uleisa, kabili nga tekuti Mumone . . . nangu pa Cibelushi uleisa. Nga Nshimumwene lyena, nokumumona kulya ku Tucson. Nga te ilyo, Ndi nokumumona nga nabwela kuno pabushiku bwalenga ikumi limo na cinelubali. Nga teifyo, Nkamumona mu Bukata. Amen i.

³⁸³ Munyina Carl nomba, Nshishibe ifyo alefwaya ukucita pali ino nshita, Munyina Williams. 

64-1212 Inshita Ya Kulobolola
Ramada Inn
Phoenix, Arizona U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org